



Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
Ald.3.3.26





Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
Ald.3.3.26




Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
Ald.3.3.26



Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
Ald.3.3.26




Ex Libris Joannis Nenoini
1874





Alb. 3/3

110 1/4

15








I. AVRELIVS AVGVRELLVS.





a ii

Quisquis hunc librū Silii aciarij lacerabit
inique
Sic precor illius sit lacerata manus

IOANNIS AVRELII AVGVREL-
LI IAMBICVS LIBER PRIMVS.

POETAS DIVINO FVRORE EX-
CITARI, ET PROPE FE-
LICES ESSE.

CARMEN. I.

O celestis intus excitat Vates vigor :
Vltraq; semper promouet :
Illhic ut illos sistat, unde mouerāt :
Cœloq; ciues asserat.
Donecq; sedes incolunt mortalium
Hac obliti caligine :

Virtus tenēbris una solos eximit
Ardente sole purior :
Splendore cuius tutiores ambulent :
Ferantq; lucem cæteris.
Hinc non honorum non opum cordi faces
Volens edaces admonet,
Ad sacra certo qui semel ritu pedem
Musis dicata contulit.
Vitat sed ægrum vulgus, odit anxii
Curas ineptas ordinis.
Aeque dolori, gaudioq; deditus,
Neutro retentus læditur.
Optat frequenter, nec cupit. cauet, neq;
Pauet timore territus.

IAMBICVS.

Ergo aut patentes circuit Mundi plagis:
Floremq; rerum colligit:
Dum multiformis interim coloribus
Natura doctus pingitur.
Aut quid decenter expetatur omnibus,
Iugi labore quaeritat.
Cultisq; mores mentibus probos serens,
Inculta quæq; præterit.
Aut sæpe lætos inter admissus choros
Ludit latenter uirginum:
Ad quos aperte progredi nullis datur:
At ire clam, paucissimis.
Illic amœnæ uallis in recessibus
Froncentis alte populi
Aestum sub umbra uitat aura leniter
Remurmurante frondium.
Illic uirentis floridum campi solum
Innoxius perambulat.
Vel ad sonorum uitreæ lymphæ caput
Curis solutus sternitur.
Grato uel antro iam Deo plenus sedet:
Lyraq; Musam suscitât:
Antro, quod hederæ uestiunt circum sacrae,
Laurusq; obumbrat mystica:
Héroas unde tum, uirosq; laudibus,
Diuosq; dignis concinit.
Quid hoc beatius? quis huic opes simul
Omnes furori comparet?

AD

LIBER . I .

AD LAVRENTIVM LAVRETA=

NUM . P . VEN . PHOENIX , sub qua Domus

Lauretana significatur .

CARMEN . II .

Iranda ponit iandiu nidos Auis
m Hoc sub uetusto stipite :
Et usq; ab indis , et rubro aduectos mari
Miros odores congerit :
Quibus se adurit , et innotans sub unica
Aeterna Lauru permanet :
I am qualis ornans purpura pennas , recens
Illustrat Auro uerticem .
E t in feroces iam uolucres sic Ioue
Vires uolente comparat .
A pplaudit alis , et sinu mites fouens ,
Clangore segnes excitat .
V estra haec sub alta nam Domus lauro uiget
Phoenix perennis altera .
Quae semper aequos , semper in Re Publica
Summos futuros parturit :
H abetq; semper : semper et bonos domi
Forisq; profert Principes .
C en cui fauente nunc polo rerum graues
Virtus habenas credidit :
S ub quo uerentur patrias leges mali :
Gaudent at illis optimi .
A c cum nefando Martius gradu furor

a iiii

I AMBICVS.

Vrbes oberret Italas:

H is bella mitis arceat ex oris procul
Adaucta Pax feliabus.

T uentur æqui scilicet diui piam
Gentem sub almo Principe;

PATRIAE GRATVLATVR, QVOD
sub ditionem Venetam Venerit.

CARMEN. III.

Etatis actæ plurimam sub aureis
a Partem peregi legibus.

Donatus Vrbe donec Antenorea

Illic uocabam litteris:

M ox Taruisina: factus hic quoq; munere
Ciuilitatis auctior:

V el esse dum me ciuitatum principis
Quandoq; inuit incolam.

I stius ergo Publicæ mores Rei
Quot uel fuerunt optimæ

I am nemo, ut ipse, nouerit quidem, neq;
Magis sit illi deditus,

Q uam mens parere pro uirili concupit
Huic nostra semper unica.

M iretur ecquis, si uideri gestiam
Nunc usitato letior?

G estit quod intus spirat, ac feruens mihi

Pleno

LIB. I.

Pleno redundat gaudio.
Videbo te ne dulcis ò te Patria
Videbo sub sanctissimo
Semel Senatu te uidebo immobili
Frui quiete patria?
Qua Ciuitates sempiterna moribus
Agunt beatis cætera.
Redibis ergo nobilis potentium
Quiritium Colonia
Nunc in nitorem pristinum, nunc os situ
Demes honestum squallido.
Videre iam uidemur altis substrui
Portus decenter molibus.
Prolapsa priscis undecunq; mœnibus
Novo reduci cotili.
At templa miris excitari sumptibus
Cultu dicenda numinum.
Prinata quin et tecta passim cuium
Domos parari dirutas.
Coli feraces undiq; extantis tuos
Colles honestos frugibus.
Dicêris Aemiliae urbium, ut quondam, omnium
Ariminum Vrbs pulcherrima;

GRATIARVM CONVIVIUM.

CARMEN. IIII.

i Nuitat olim Bacchus ad cœnam suos

IAMBICVS.

Comon, Iocum, Cupidinem.
Discumbit una Liber, ac Amor: Iocus
 Comosq; contra proxime.
Illis decentes subministrant Gratia
 Grati saporis pocula.
Suatosq; miscent, et uenena temperant
 Multi uicissim palmitis.
Insitato proluunt se Nectare
 Plene sodales Vuidi.
Ac forte iusto plus parum dulcedine
 Lactante capti ingurgitant.
Hic inter egros incipit uerbis Deos
 Ridenda primum rixula.
Graues Amori Bacchus obiecit dolos,
 Quibus frequenter utitur.
Illi Cupido uana ludens gaudia,
 Blasasq; uoces exprobrat.
Como iocus risus leues: Comos Ioco
 Sales ineptos obiiat.
Mox in capillos, atq; ocellos aduolant,
 Manusq; nectunt paruuli.
Adsunt sorores illico tres perditis,
 Pacemq; suadent optima.
Tandem sagittas, et Pharetram clanculum
 Bacchus Cupidini inuolat.
At ui nitentem florida iocus coma
 Como coronam diripit.
Sic inde scissis crinibus cedens Amor

LIBER . I .

Matri fit obuiam ebrius .
C omus facetos ad uiros se proripit
Per Angiportum deuium .
B acchus , Iocusq; contrahunt fœdus , breuē
Mox desitutum tempore .
A st ut propinquans sordidum natum mero
Venus madentem conspiciat :
I rata secum , limpidum ad fontem manus
Apprensū et hærens attrahit .
H uic rore puro protinus lauat sacri
Crines solutos uerticis .
P ectusq; et ægre extricat , ac dat undiq;
Collo nitenti pendulos .
S ed forte oberrans rosidam manus cutem
Contingit acri pectine .
T um læsus ille subdit accensam pio
Facem Parentis pectori .
A mbusta at ipsa : ut erat : in undas profilit ,
Secum trahens Cupidinem .
F ons unus ergo sic lenatos dispari
Ambos calore liberat ;

AD VINCENTIVM QVIRINVM .

P . V . VELLVS AVREVM .

CARMEN . V .

• Vem relicto Pastor educens grege

Alcon sub antro collocat.
I llicq; solam sedulus sectis alit
 Herbis, et haustis fontibus.
N usquam uagari nanq; sub diuo finit,
 Septo sed arcto continet,
C andente donec quæ nitebat uellere,
 Atro colore obducatur.
D ehinc et uirenti, cerulo'ue sæpius
 Nec non rubore spargitur.
T andem priori restituta tegmini,
 Albere rursus incipit.
S ensimq; tantum prodit, ut spectantibus
 Visus acumen auferat.
T um Pastor illi subministrat largus
 Quæsitæ passim pabula.
A t ipsa, quod mox omnibus mirum foret,
 Quicunq; propter incolunt
S ilis fluentia, protinus pingui satur
 Læti sagina graminis,
I nsigne mutat tergus, ac illi undiq;
 Vellus renidet aureum.
A uroq; dentes, et pusilla cornua,
 Paruæq; fulgent ungulæ.
S urrepta demum nobilis fato pecus
 Spirans et aurum concadit.
A t lætus Alcon diuitis pondus gregis
 Domum referre nititur.
F estumq; Pastor Aurifex agit diem,

LIBER. I.

Habetq; diuis gratias.

Meram Quirine luseramus fabulam

Hanc, quam tibi nunc mittimus.

Sunt qui subesse non nihil tamen putent,
Quod fors nec ipse attenderim.

Hinc illæ ineptæ fictiones sæpius,
Et longa commentaria.

Superfedeto tu: nec, ut rerum omnium
Scrutator es grauiissimus,

His è tenuibus erui quicquam uelis,
Quod nec subest reconditum.

Non nulla priscis exadisſe Vatribus
Ferunt furore peratis:

Ac eſſe paucas illa uere cognita:
Abstruſa nanq; permanent,

Educat ipſa ni quis è penetralibus,
Reddatq; aperta poſteris.

Quæ uix probarim: tam poteſt Antiquitas,
Quam nos fidem uerbis damus.

At exatari dixerim Vates tamen,
Ferriq; mentis impetu:

Id uel mouente intrinſecus cauſa, uel id
Cælo fauente prodeat;

IAMBICVS.

AD PEROLLAM. COMMENDATIO
LINTEI *Elegantissime acu picti.*

CARMEN. VI.

Pus uidere contigit mirum mihi
• Nouæ profectum nunc ab arte Palladis:
Natura quale uel potens Pictor daret:
Lætum, et feracem qui referret hortulum,
Veris colores æmulatus floridi.
Apellis æque nec tabellæ mouerant
Spectantium animos: aut Myronis ærea,
Ceu uina foret, operta tauris Bucula
Gregem, gregisq; sic ducem fefellerat:
Nec Praxitelea marmor in sacros Deum
Virtute uultus expolitum uerterat
In se tuentes: ut Perollæ sericum
Me mouit Iphi munus hoc missum suo:
Tantum quibusq; in rebus excellentia.
Pollet, sibiq; conciliat, et secum trahens
Mentes potenter nectit admirantium.
Iam nunc quid elegans acu possit manus
Videtur arcto redditum telæ sinu,
Vbi uirentis herbido terræ solo
Arbusta ramis pullulant florentibus.
Spectare parua quoq; licet Animantia
Passim recessus ut subintrent abditos,
Densisq; rursus è Latibulis exeant,

LIB. I.

Et prata cursu perferantur mutuo,
 Ut rupe ab alta riuulus cadens fugit
 Inter Lapillos et suborta gramina,
 Virentq; fontis ora Musco limpidi:
 Ac ut canoræ nepribus fidunt aues:
 Et ut sub undis uitrei pisces natant.
 Insecta quin et muneris partes sui
 Actura, ut hærent, cursitant, repunt, uolant.
 Et ridet omne quicquid hic pictum uides.
 Sed iam uaganti dandus est Musæ modus,
 Certare nequa uidear imprudens tibi
 Frusira minutis hisce tecum uersibus
 Perolla dulce seculi nostri decus;

AD FRANCISCVM CORNELIVM
 PATRICIVM VENETVM.

CARMEN. VII.

Orneliorum gente qui ducis genus
 Clara, uetusta, Diuite,
 Franciscæ, iâmbis te quoq; in nostris locū
 Tenère uel primum uelim:
 Sed nullus altum nasculo fontem breui
 Tentarit unquam claudere.
 Nec ipse sperem posse quæ tibi attinens
 Dia minuto carmine.
 Vide quid error seduli Vatis queat:

IAMBICVS.

Ut tendat illhuc, quo nequit.
 P riscæ ne tenui proferam domus Lyræ
 Opes, Viros, Præconia?
 D icenda ui sunt grandiore hæc plurimū
 Oris, uel alti carminis.
 S at est Amico tantulo uelut mihi
 Referre solum hoc, quod potest,
 V t fons honestæ scilicet prolis scatet
 Semper uiris uberrimus:
 Quos inter ampla honoris, et rerum uigens
 Successione oleueris.
 A c ut te honestant hi, ipse sic illis Decus
 Contra refulges splendidum;

AD ANDRIONEM ARTVSI-
 NVM RAVENNATEM.

CARMEN EX SOLIS IAMBIS.
 CARMEN. VIII.

ambe cede quam potes meus celer:
 Et alta regis ora scande fluminum:
 Vbi uetusta fiet urbs tibi obuiam
 Mei sodalis Andrionis optimi
 Amoena dulcis et beata Patria.
 Ibi salute plurima prius pete
 Eum, subinde nos ualere dicito.
 Requiret ille forsitan, quid egerim

Diu

Diu, uel an quod actitem frequens opus.
 At ipse sorte me referto uiuere,
 Mihi benigna quam dedere sydera,
 Vel æqua Mens parauit, ut nimis nihil
 Velim, satisq; subministret usui
 Breuis satiente fontis ore copia.
 Et ut Camæna succinit modos mihi:
 Quibus uidetur admouere seris
 Volens iocosa, nec minus lubens statim
 Amarulenta temperare dulcibus.
 Mihiq; uita, quæ solebat, ut sedet
 Modesta semper, omnibus iocis tamen
 Referta, ni quod absumus cupidine
 Procul, petebat ægra qui leuis mihi
 Frequente corda, nec graui diu, face.
 Sed hæc locutus ante, quære postmodum
 Quid is lucretur usq; cum negotiis:
 Quæ honesta et æqua plurima, ut uirū decet,
 Agit frequenter, et subinde splendidum
 Sibi Rei; Publicæ Decus parit.
 Itemq; prole cum sua ut ualet Pater:
 Domusq; ut omnis. Interim ne litteras
 Situ perire squallidas putri sinit.
 At ille mente concitus tamen Deum
 Suis homusta sæpe multa Gratiis
 Dabat fauente Gratiis Apolline;

IAMB.

AD . C . NVPER INITIATAM .

CARMEN . IX .

Vo uirgo tendis omnium pulcherrima ?
q Quo te misella subtrahis ?
V bi decorem protinus tantum , uelut
Effecta uecors , oculis ?
H eu quo repente , quo fugis ? quo te tibi
Aufers ? malorum nescia ,
Qua te petent , te different , in te undiq ;
Facto ferentur agmine .
V bi parentes impie temnens graui
Dolore fessos deseris ?
Quibus cor una eras , et una spiritus ,
Erasq ; prorsus omnia .
H ostilis ecquid improbe quicquam magis
Manus patrare quiverit ?
Quam si fouentis filiam matris sinu
Aut patris amplexu auferat ?
O pes inepta diuitis tantas domus :
Sumptusq ; tantos despicias .
O rnatus annos qui tenellos , qui genus ,
Qui te decebat spernitur .
Quam tristis omnis heu iuuentus linquitur ,
Sed inter omnes tristior ,
A etate siquis florida tuas puer
Optarat ardens nuptias :

Qui

LIB · I ·

Qui te, tuosq; prole felices diu
Pulchra nepotum redderet;

RESPONSIO PRO · C ·

CARMEN · X ·

Entare quid tot impiis piam modis
t Vates puellam inuerit?
Quæ uouit uni protinus se maxime
Constanter orbis principi:
E x quo beata hæc cuncta, quæ iactas, fore
Breui caduca nouerat:
A t firma contra, quæ sequatur, omnia:
Nulloq; læsa tempore.
S unt ista, quæ tu colligis, quidem bona:
Vitæq; prorsus commoda:
S ed implicata pluribus passim malis
Plus fellis et mellis minus
H abent: nec uno perseuerant ordine:
Incepta sed uix, desinunt.
N ec illa caros sic parentes deferens,
Ut reris, errat impia.
H os nanq; tanta caritate amplectitur,
Quam magna natæ conuenit.
N omen sed illis anteposit optimi
Rerum parentis omnium.
F acitq; solum id maximi, præq; unico

IAMB.

Nil esse ducit cætera .
 Ergo parentes quam sibi ablatam , putens
 Vero parenti redditam .
 Perculsa quin et tribus tandem modum
 Ponat inuentus lachrymis .
 Quæ nanq; spretis inuidia mortalibus ?
 Nupsisse diuo uirginem ;

AD BERTVTIVM LAMBERTVM:

Ad quem significat mittere tris subse=
 quentes Odas : Faunum . Ly=
 cen . et mutuo amantes .

CARMEN . XI .

I quando curas pectoris graues sacri
 s . Leuas honestis lusibus :
 Lamberte quos nunc mittimus iocos tibi
 Omnino ne tu spreueris .
 Faunum uidebis nubilem sequi Lycen
 Locos per omnes auios :
 Quocunq; præceps illa sese proripit :
 Dulcisq; differt nuptias .
 L eges , ut Orus alteram Lycen sibi
 Amator optet feruidus .
 V t flora et Alcon mutuo se diligant :
 Pariq; se affectu beent .
 H æc submonere uisus es pridem mihi
 Ludens

LIB. I.

Ludens ut ad te scriberem.
Qui dum iocosis mutuare seria,
Condus amara dulcibus;

FAVNVS.

CARMEN. XII.

More captus nubilus Faunus Lyces,
a Eam dicari coniugem sibi cupit.
Sectatur instat feruidus celer furens,
Quocunq; se fert illa, quo pauens fugit:
Quo se recipiens fessa anhelansq; occultit:
Vel cum profundi fluminis uadum natat:
Vel cum latebras infimæ uallis subit:
Densæ uel intrat abditum siluæ sinum.
Rupes uel alti dirutas repit ingi.
Solatur acres interim curas tamen
Quandoq; lassus ad sacræ lymphæ caput
Dulciq; blandis consona uerbis lyra
Nymphis Amores conquerens suos canit.
Nymphæ perennis fontis almæ præsides,
Quæ me cadentem iam, atq; semimortuum
Vestri frequenter ope liquoris excitum
• Fouetis: atq; alacriorem redditis,
Ut sorte cursus iam mihi datos sequar:
Ecquid pii me compotem uoti queam
Vrquam uidere? an semper infensus meæ

b iii

I A M B .

Luci , meoq; spiritu degam grauis ?
 Quæ uita , quæ cor unice spirat mihi .
 Desyderatos eæ in amplexus feror .
 Et cara tendo insaniens ad oscula .
 O delicati pectoris papillulas :
 Iam semipomæ molliter quæ prominent .
 O colla parium marmor excedentia .
 O suauanda centies labellula .
 Sparsas rubentes ore quid dicam rosas
 Albis ligustis candidisq; liliis ?
 Totius edam quid micans oris iubar ?
 Vel quæ serena fronte lucent sydera ?
 Et quicquid illic aureus uertex tegit ?
 Cum nocte semper et die me saucient
 Quæ pulchriora suspicor latentia ;

ORVS AD LYCEN .

C A R M E N . XIII .

Enebo te nunc et fruar cupidine
 t Desyderato tandiu Lyce mihi :
 Spectabo præsens , æmuliq; syderum
 Ictus ocelli sustinebo communis .
 Deosculabor os tenellum suauio
 Presso labellis molliter mellifluis .
 Gratas Amantis en tibi uoces prope
 Haurire cupidis nunc licebit auribus .

At

LIB. I.

At ipse felix et beatus audiam
 Coram sonantis dulce murmur osculi.
 Narrabis, ut me maximi solum facis.
 Et cuncta pro me iam tibi sordent simul.
 Ut prorsus uni te colis et ornas mihi:
 Et mi placere, quo queas, semper cupis.
 Contra sed inquam, miserum ut ipse me putem,
 Ni semper una tecum agam praesentius.
 Ac ut propinquem, deserarq; nuspiam,
 Horrenda quæq; cupiam adire et perpeti,
 Omniq; tecum coner ut degam modo,
 Et mente saltem, re nisi detur, siem.
 O me beatum, teq; contentam Lyce,
 Quod sic in unum prospere convenimus;

FLORA ET ALCON MV-
 TVO SE AMANTES.

CARMEN. XIII.

Miat si cui praestitam fidem servat,
 a Lætoq; ridens annuit uenus vultu,
 Dici beatus hoc magis potest nemo.
 At si qua amantem perditæ est uirum nacta,
 Cupidinisq; vinculo tenet uinctum,
 Felicitati iam sibi uiam fecit.
 Sed si quis ardet, nec parem refert ignem
 Grato ex Amore, nec sibi modum ponit,
 b iiii

IAMB.

Miserrimis æque omnibus miser uiuit .
 Quod ne superstet prouidis onus uobis
 Cauetis unâ , ~~mutuoq;~~ uos inter
 Pendetis affectu , unâq; consensus
 Dulcẽ tenore ducitis pio uitam .
 Sic hæret ulmo proxime diu uitis .
 Inseparato compari gemit Turtur .
 Vno Palumbes congerunt loco nidos .
 Adiunctus uni pipilat suæ Passer ;

AD HIERONYMVM Actionum
 Auogarium Taruisinum commenda-
 tio tabulæ , quam pingendam ,
 et ornandã curauerat .

CARMEN. XV.

Abella diuæ dedicata Palladi
 † Pictore nuper diligente prodiit ,
 Spectanda nobis , et colenda posteris :
 Ni prorsus obstet temporum uecordia .
 Hanc mirus addens artifex lignarius
 Circum columnas et coronam , reddidit
 Maiore dignam protinus spectaculo .
 Tantum decoris contrahunt quæ proxime
 Apte cohærent , et simul lucem ferunt .
 Debetur istis certa laus , et forsitan
 Vterq; nostro uiuet olim carmine .

At

LIB. I.

At Auogari, qui studes hic inuicem
 Certare summos, et subire dispari
 Virtute censuram acriter spectantium,
 Nec ipse laude debita fraudabere.
 Pollere miris haud parum est sic artibus:
 Pictoria hic uelut, ille fabrili potest.
 At his fauere, et hos fouere, splendidum
 Et grande munus: Sed magis tanto quidem,
 Quanto uidentur ista paucioribus,
 Ut sint fauore quolibet dignissima;

AD PAVLVM DE CANA-

LEM Patrit. Venetum eos
 beate uiuere qui amoris et
 disciplinis incumbunt.

CARMEN. XVI.

Ilene, nam cum dulcis Euhys tibi
 Inflare uenas coeperit,
 Arcana claro cuncta cernis lumine,
 Vltroq; uisa praedicat:
 Dic, oro, quæ nam causa sic mortalium
 Mentis inanes concitet,
 Volens ut ullus haud uicem ferat suam
 Sed quisq; prorsus improbet.
 Hæc ego, mihi cum reddidit contra Deus
 Amotus ora cantharo,

I A M B .

Ne quære quod mortalis unquam uis nequit
 Indagine ulla consequi .
Sic est , supremo sic semel uisum Ioui ,
 In æs ut Aurum uerterat ,
Ferroq; deinceps inquinarat secula ,
 Quondam beata et aurea .
Hæc fatus ille munus ad suum redit ,
 Sitimq; sedat anxius .
At tu per omnes Paule ne putes tamen
 Id usquequaq; porrigi ,
Vt nullus unquam sorte contentus sua
 Possit beatus uiuere .
Verum putato quos hiantes uideris
 Vel semper his honoribus ,
Quos Aura vulgi uentilat , uel rebus his ,
 Fortuna quas dat unica ,
Eos nec ulla sorte contentos , neque
 Vlla beatos degere .
Sed esse multa , triste quæ uirus queant
 Horum per artus spargere .
At qui relictis anxiiis curis procul
 Vitam quiete protrahit ,
Vel qui puellæ gratus in sinu suæ
 Amoris igne adurit ,
Aut qui sororum concatus sacris nouem
 Phœbi furore ducitur ,
His pura mentis lux renidet omnibus ,
 Aerq; cedit nubilus .

LIB. I.

Hinc tu pudenti, nam sapias, cupidine
Raræ tenèris uirginis,
Et uerba, tum modos amas, tum splendidi
Vultus nitorem suspicis.
Hoc præstat ægro sanus, hoc intelligens
Indocto Amator interest.
Ingressus hanc tu semitam complecteris
Quicquid beatis conuenit:
Nam singularis obtigit quondam tibi
Primis ab annis indoles.
Mores secuti sunt et artes optimæ,
Quibus potenti cæteros
Præcurris Ausu iuuenis, ac harum quoque
Ardore flagras intimo.
Vterque summus est et impotens Amor,
Vterque cælo prouenit.
Nutu tuetur ille se cupidinis,
Hic lege contra Pallados.
Quis forte non contentus hac? quis denique
Te non beatum duxerit?

AD ANGELVM CABRIELVM
PATRITIVM VENETVM:
Viuendum esse, et amandum.

CARMEN. XVII.

¶ Iuamus, atque nos amemus Lesbia

Vatum Catullus optimus cum diceret,
 Non dixit uni, sed, ut opinor, omnibus.
 Est uita rebus præferenda singulis,
 At hanc uolentes perdimus semper tamen:
 Et mille miseram spiculis confodimus.
 Amare cunctis ac amari conuenit.
 At cuncta subter syderum cursum licet
 Amore perstent, et labent discordia:
 Hunc tamen amaris uocibus laceessimus.
 Et nunc prociacem nunc proteruum nunc grauem
 Vanumq; sæpe dicimus cupidinem:
 Quasi cupido hæc sit grauis mortalibus.
 At ni sit ista, quid boni relinquatur,
 Dispersa in unum quod reducat amplius?
 Natura cuinam deferet primordio?
 Contraria, ut quæq; inuicem coerceat:
 Nexisq; ab illis exeant uiuentia:
 Ni uis Amoris id ministret abditi?
 Sic est: malorum causa nos nobis sumus.
 Vitam replemus perditis affectibus,
 Vel quos inepti fert honoris ambitus,
 Vel quos auara spes Lucelli comparat.
 At ut rebellem atq; sceleratam pellimus
 Affectionem Liberi Cupidinis.
 Quæ sola forsân cælitus nobis uenit.
 Hinc Chabriele est, quod frequenter, nec minus
 Prudenter admiraris esse pauculos,
 Bene ac beate qui frui Vita uelint.

LIB. I.

*spectare et illud huc uidetur maxime :
 Quod ut perite faris et agis cætera ,
 Inter Sodales id uenuste comprobans
 Ac tanquam adhortans sic eosdem, sæpius
 Atq; eleganter uatis ore candidi
 Vinamus, inquis, ac amemus Lesbia ;*

*AD SEBASTIANVM MEDV-
 lum Taruisinum, Neq; fidem ma-
 iorem, neq; Amorem firmio-
 rem, quam coniugis .*

CARMEN. XVIII.

*V ne putato dulcius' quicquam tibi
 † Posse euenire carius'ue Medule,
 Quam si fidelis mutuo respondeat
 Amore Virgo, quæ uenustis moribus
 Rareq; formæ uinculis te cœperit .
 Sed nulla maior extat et patet fides
 Amor nec ullus firmior, quam coniugis,
 Quæ uix adulta patriam linquit domum,
 Caroq; felix degit in sinu Viri .
 Hanc ipsa nanq; uentilat facem Venus,
 Ut uiuat, utq; crescat hanc semper fouet .
 O quid quis unquam deligat beatius ?
 Quam sic amata re potiri prospere
 Ut è propinquo hanc spectet, hanc ut osculo*

I A M B .

Donet licenter , huic ut amplexum ferat ,
 Vniq; molli fas sit ut cubet thoro.
 Quid si faceta dulcibus iuuat iocis
 Et te iacentem tollat , et tristem leuet .
 Ac mox decenti prole te reddat patrem ,
 Blesq; circum uoce nati lussitent ?
 Nec litterarum studia prorsus quippiam
 Vllóue pacto , ut arbitrantur , læserit .
 Sed una curas auferens domesticas
 Ardentio rem te per illa duxerit .
 Hæc te putabit alteram se protinus ,
 Hanc temet esse cum putabis alterum :
 Quin illa tuq; iam duo , nunc unica
 Viuetis uno sub fauore spiritus ;

AD HIERONYMVM BONONIVM
 TAR . IOCOSI ITINERIS
 DESCRIPTIO .

G A R M E N . X V I I I I .

Vam me Bononi iuuerit lætus Dies ,
 q Nec non Sodales optimos , qui candidus
 Mihi refulsit nuper et Sodalibus ,
 Siquid iocosis uersibus uacaueris ,
 Qui penè risu prodire conati ,
 Scies : et æque forsàn , ac simul comes
 Nobis inisset hoc iter , lætaberis .

LIB. I.

Reuerteremur rure dum Marcellio,
 Vbi egeramus biduum lautissime,
 Currum faceti quattuor conscendimus.
 Marcellus ægro nam parumper corpore,
 Sed mente sana præditus forsan nimis,
 Ut sæpe qui me salibus lacefferet,
 Primus sedili se suo locauerat.
 Secundus ipse sat pudens ad dexteram
 Hærebam, ut illi sic facultas afforet
 Me prouocandi maior hærentem prope.
 At parte currus altera Aduogarius
 Pancratiuſq; Iureconsultissimi
 Latus premebant inuicem, nec alteri
 Cedebat alter, diuidentibus uelut
 Suis adessent gnauiter Clientibus.
 Interq; semet dissidentes maxime
 De Iure nobis, Portio quæ sit loci,
 Vel partiendæ prolis, et quid Eraum,
 Se uelle signant eleganter dicere.
 Ridemus omnes. Interim sed callidus
 Marcellus, ut qui dirrimat litem ioco
 Nouo iocosam, sic renidens incipit.
 Quam nunc serena sint, uidetis, omnia:
 Vates sed iste nobilis prædixerat,
 Himbres futuros continenter uberes.
 Statimq; fingit fabulam pulcherrime:
 Fuisse quosdam, qui ratem iam pendulo
 Fune alligarent turris ad cacumina,

Vnde esset ex tantis in undas protinus
 Iactus, repente dissectis funibus.
 Secutus ad quæ risus est effusior:
 Tam sæpe natum sydus observantium
 Prædictiones hi facete riserant.
 At ipse contra iam fore id perendie
 Contendo ueris auguratus sortibus.
 Ac ut pari par redderem: quid heus tibi,
 Inquam, ualitudo ipsa negligentiae est
 Tantum? ut reclusis nunc fenestris dormias:
 Intraq; malis acidis cubiculum
 Degas refertum, iam minante proximas
 Astro procellas execrandas himbrium.
 Quid plura? risu inemori nos diceris:
 Tam penè uisum est, quod loquebamur, nihil.
 Tum lætus una quisque nostrum cœpimus
 Cantare summas maximi laudes Iouis:
 Et cæterorum non tacendas cælitum.
 Illisq; habere multiformem gratiam,
 Quod sic redire sospites nobis domum
 Liceret, et iam rustici plenos Ioci.
 Referre dehinc quæ rusticando fecimus
 Inuat, simulq; quæ legendo diximus,
 Non usquequaq; negligenda forsitan.
 Ut Alleotus optimus sodalium
 Et ipse nobis opitulatum uenerit
 Centum iocosis ampliusq; lusibus.
 Ac nos lubentes postmodum perduxerit
 Visum

LIB. I.

Visum uirenti fronde Citriaria,
 Quæ cultor ipse mirus hoc cœgerit
 Cœlo subesse quippe non idoneo
 Illis colendis: fertur at uictor labos
 Et cura uictrix impotens per omnia.
 Ut hic uidere poma iuuat aurea
 Pendere prono crebra de ramusculo:
 Virere quicquid undecunq; cernitur:
 Sterniq; lapsis floribus passim solum:
 Olere cuncta suauiter fragrantia.
 Hæc quo fuere gesta nobis antea,
 Eo petuntur et feruntur ordine.
 Apricus inter collis hæc Pansacius
 Non præteritur: laude sed penè omnium
 Maiore fertur, quam mihi dici queat,
 Haud tam minutis prædicandus uersibus.
 Quis nanq; paruo carminis sub ambitu
 Laudes feracis prædii comprehenderit?
 Cultoris arte, non sua ui cætera
 Vincentis, et quæ fertili uigent solo
 Protectione rusticantis numinis,
 Et quæ uetustum prosequuntur ordinem
 Successione prospera colentium,
 Hæc dum gerentes aucupamur undiq;
 Quodcunq; risum subministret, interim
 Dum quisq; nostrum oblitus est quidem sui,
 Adhuc canentes penè in Urbem lassuli
 Intramus, ac mox hospitis nostri domo

IAMB.

Læte recepti, regie discumbimus
Tapetas inter, et superba pocula;

CARMINA INSCRIPTA CODI
CI PETRARCAE, QVEM
mihi dono dederat Lodouicus
Barbadius P. Venetus
recenter mihi par
tus Amicus.

CARMEM. XX.

 Ibelle carior mihi
I Auro et Lapillis omnibus:
 Quos diues affert India:
Habere quem mihi dedit
Partus recenter optimus
Amicus, et dignissimus
Amore, quanto quis potest
Quenquam, ac honore prosequi.
Te sedula aperiam manu:
Grataq; cura perlegam:
Ut Auctor est uenustior
Multis aperte uatibus.
Donator est multis mihi
Carissimis recentior;

AD

LIB. I.

AD. H. BONONIUM IN
OBITU FILIOLI
CARISSIMI.

CARMEN. XXI.

• *Octavi Animula Matris et Patris uita ,
 Quo subtrahis te? quo fugis? redi: persta.
 Ego te ad Parentes anxios tui ducam .
 Mane columbule mi , mane puer dulcis .
 Hei mihi , quid est , quod te tenere non possum?
 Sed umbra ueluti submoues mihi tete .
 Et uultus hic est quippe tuus , et incessus :
 Octavius certe es Bononii Vatis :
 Quem nocte semper , et die uocat semper
 Tristi cœmœna conquerens miser frustra .
 Ornatus hic unde est tibi ? et decor formæ ?
 Augustior , quam soleat , et Deum spirans ?
 O si ad Parentes ducere hunc te Amor possim :
 Quam carus esses : quæ tibi darent grata .
 Accede sodes , huc ades Puer quæso :
 Huc suauium , huc mellite , corculû huc perge .
 Vidêris hæc dudum facere nihil uerba .
 Sed hic quis est infantium leuis cœtus ?
 Assistit en te qui supra , et uolans circum
 Repente ? quo te nubibus ferunt scissis
 Purum per aëra ad aureas Poli sedes ?
 Quis dulcis aures personat meas cantus ?*

c ii

I A M B .

O te beatum , putre qui cito pondus
 Humi relinquens , par tibi petis sydus .
 Hæc per quietem uisa sunt mihi miram ,
 Dum me Bononi flebilis mouet casus ,
 Qui te immerentem perculit nimis nuper .
 Quæ , si leuare non nihil tibi possent
 Acrem dolorem , misimus Deæ iussu ,
 Quam tu solebas ad fluenta Permessi
 Dulci sonantem prosequi Lyra Musam ;

AD MARINVM LAMBER
 TVM: AMORIS LAVS .

CARMEN EX SOLISIAMBIS .
 XXII .

Vid hoc Marine , et unde suspicer dari?
 q Fidelium esse Amantium , sub altero
 Vt alter usq; uiuat , et cor inuicem
 Agat colentis in colente pectore?
 Quid illud est quoq; ut magis uelit nihil
 Et optet hoc , quod ardet : ac nihil putet
 Honoris , atq; res amata , dignius?
 Quid ut ualore nullius capi queat ,
 Amore nullius , pudore nullius ,
 Sed una semper ante forma prodeat ,
 Ametur et colatur una maxime?
 At ipsa forte si perire contigit ,

Tamen

LIB. I.

Tamen relinquit hæc sui cupidinem .
 Procul recedat hæc , idem hoc facit quoq;
 Manet reposta mente Amantis unica :
 Nec alteram ingredi sinit , sed eiicit ,
 Inepta siqua forsân hic erat prius .
 Amante prorsus est uenustus nihil :
 Amore nanq; feruidus nitet , uelut
 Domus renidet igne læta splendido .
 Amore constat omne quod uides , Amor
 Decentis unus omnis est boni Pater ;

AD CORNELIVM CASTALIVM
 FERTINVM : IMITANDVM

Petrarcam iis : qui eius generis poetica
 præstare uelint , quod in ea lingua ,
 qua loquimur , cæteris præ=
 ferendus est .

CARMEN . XXIII .

Irum uideri Vadius sibi quondam
 Dicebat id : Cum , aliâs acutus et solers
 Vates , Petrarca scriberet frequens plures
 Versus latine , et quid deceret expertus
 Parum uideret : qua utimur tamen lingua
 Veneres eum ita lepidi Poëmatis cunctas
 Implessè , ut optimis quibusq; conferri
 Graiæ , ac latinæ uatibus queat Musæ .

Hæc ille: erat qui candidus simul Iudex,
 Simulq; rerum doctus, et simul prudens,
 Vtraq; lingua uir peritus, et grandi
 Virtute miræ præditus senex uitæ.
 Contra ipse quotiens elegans tuum scrutor
 Ad me, Bononiumq; nunc datum carmen:
 Et quosq; similes his frequenter emittis:
 Te laude totiens prosequor statim iusta:
 Quod lege ueteres æmulatus antiqua,
 Nec sensa tantum, uerba sed quoq; illorum
 Effingis, atq; par tibi decus quæris.
 Cum uero Amores perlego tuos, qui nunc
 Circunferuntur, miror aliter, ac ante,
 Sentire te, qui solitus inclytos semper
 Sequi Poëtas lydios, uelut Dantem
 Seu mage Petrarcam, luseris graues olim,
 Simulq; dulci concitos Lyra uersus.
 Secutus at nunc perperam novos quosdam
 Vates minutos, præuenis quidem hos tanto,
 Quanto è uetustis sumpseras prius pleno
 Haustu liquores fontibus: sed haud æquas,
 Quos tu solebas pristino uiros cursu.
 Nec mentis hoc uitio tibi putem dandum:
 Ni quod ita uis tu: sordidos enim primum
 Exuere amictus, ut lubet, potes liber:
 Mox aurea, quæ te decet, frui ueste.
 Ornatus est nam puritas nouæ linguae,
 Splendorq; et acris additus labor limæ:

Ne

LIB. I.

Ne penitus extet barbara hæc recens aucta :
 E barbarorum tum profecta conuentu ,
 Cum iam latinam pellerent senem sede .
 Quod assequetur , qui sequi uelit natem ,
 E trusca cælo quem datum tulit tellus ;

PROSOPOPEIA F. MOLINI
 APVD DAMASCVM OBE
 VNTIS, AD SODALES .

CARMEN . XXIIII .

h Eu quã repête , quamq; acerbe uos petã
 Tristi sodales nuntio :
 Quos heu , parentes post meos , acri scio
 Iri dolore conatum :
 Cum rumor heu me tã breui affectum grauis
 Vobis ademptum perferet .
 Quo cessit agro robur , et uigor mihi ?
 Flos quo iuuentæ elanguit ?
 E go patria sic oppetam dulci procul ?
 Mensq; prorsus omnibus ?
 O spes inanes , et leues quidem meas
 Quocunq; curas tempore :
 Dum nanq; agebam uos apud felix domi ,
 Me huc , uos relinquens , contuli .
 N unc uos requiro , uosq; nunc sero miser ,
 Frustraq; conor alloqui .

c iiii

IAMB.

Nihil ne penitus proderit nunc? non opes,
 Non forma, non genus mihi?
 Vbi ille, qui iam mouerat cunctos, decor
 Cunctis refertus gratis?
 An non superna sic tenere numina
 Scire ne uelint, potest?
 Vel lege firma quod semel sancit Deus,
 Mortalis haud euaserit;

ALDO MANVTIO ROMANO
 HORVM LIBRORVM COM
 MENDATIO, ut pro sin-
 gulari doctrina sua eos re
 cognoscat, et pro dexte
 ritate imprimen-
 dos curet.

CARMEN. XXV.

Itæ peractis Alde sex lustris mihi
 Sunt coepta, noster quæ libellus cōtinet,
 Perfecta uero lustra post paulo decem.
 Hinc est, quod annos, ut ferunt, nouem premant
 Fortasse Vates, quicquid optant edere
 Nulla inquinatum labe, si non omnibus
 Queant refertum gratis, si non ferit
 Id semper arcus, quod minatur eminus,
 Humana si uis optimum parit nihil.

Hic

His ergo, curæ quicquid impendi potest,
 Nostra dabamus pro uirili sedulo,
 Ut ipsa adirent maxime nitentia
 Et culta prorsus posterum quondam manus.
 Vini nec essent protinus contemptui,
 Librata lance si prius iusta forent.
 Sic cogitabam non breuem meis dare
 Vitam libellis, optime uelut mihi
 Satis, et ex more educatis liberis.
 Quibus futura est uita, opinor, altera,
 Si, quod merentur, auctiores munere
 Adoptionis hos tuæ dignaberis.
 Id est, acute siquid hic inspexeris,
 Quod rite dici possit elegantius,
 Illudq; scitu pro tuo mutaueris.
 Mox et nitenti ueste si circundatos,
 Quam laude multa uatibus donas tua,
 Domo parentis exeuntes duxeris;

AD HIERONYMVM ACT. AVO
 GAR. MOMVM: LAVRVS
 ARBORIS LAVS.

CARMEN. XXVI.

a Mantis olim laurus hæc Apollinis
 Crinem decebat Aureum:
 Circùm uirebat plectra, amœnum sæpius

IAMB.

Tegmen carenti fecerat.
 Exinde uates arborem tantam colunt:
 Et penè adorant seduli.
 Sed inter omnes Lydium sub hac simul
 Iuuat Poëtam ludere,
 Iuere eodem semita uelut data
 Frondes petiit plurimi.
 Sed sæpe frustra, uixq; spectanti procul
 Frondes uidere contigit.
 Tam difficilis est aditus, ac longo sacra
 Recedit arbor tramite.
 Tu sorte uero Mome felici tua
 A cædis hanc solers prope.
 Et nunc sub alto frondium cacumine
 Auram uirentum mobilem
 Captas: honesto nunc coronam uertici
 Viuo refringis stipite.
 Tractasq; præsens, et leui interdum geris
 Lectos manu ramusculos.
 Vmbraq; gaudens unius pulcherrima,
 Vbiq; temnis cæteras.
 Quondam Triumphos hæc adornans maximos,
 Curruq; uecta principum,
 Dicebat esse stirpium non infimam,
 Quotcunq; tellus proferat.
 Quod fulminantis haud Iouis negat manus:
 Vnam quod hanc non percutit;

LIB. I.

PEROLLA AD IPHIN:
QVOD DE SE SVSPI
CARI NOLIT.

CARMEN, XXVII.

Ex mentis, atq; corporis
v Mei potens et unice
Da semper operam, ut nos ames.
S erua datam mihi fidem:
Fidusq; promissis mane:
Velut facis quammaxime.
E t quanquam agas id sedulo:
Nam me cupis solam scio,
Et præter hoc nil expetis:
A mor tamen sic excitat
Mihi furentem spiritum:
Vt cogar his te colloqui.
N on quod patens ignis tuus
Extinctus usquam appareat:
Calor'ue sit uetus minor:
Q uin immo semper excitum
Te miror: atq; sentio
Timore perculsum graui:
N e forsan alter hæreat
Amans mihi propinquius:
Et te misellum deferam.
S ed sede montes propria

Prius moueri uideris :
 Et retro ferri flumina :
 Quam non perenni tempore
 Te corde conditum intimo
 Dulci geram cupidine .
Ac forte siquem detinet
 Spes ulla nostri : hic maximo
 Errore captus fallitur .
Nam talis est . Amor meus :
 Quem iam tibi dono dedi :
 Qualis nequit qui diuidi .
Si me cor exoptat tuum :
 Et ipsa te solum expeto :
 Nec nox , dies ue præterit :
 Quin tecum agam : tecum loquar :
 Tibi propinquem : te uolens ,
 Lubens , frequensq; prosequar .
Si perditte me diligis :
 Et ipsa te in terris colo :
 Cælo uelut missum mihi .
Tu uita , spesq; , et corculum :
 Tu quicquid est mihi boni ,
 Et unde pendent omnia .
Facessat ergo omnis procul
 Abs te timor : Si me mea
 Tibi dedit felicitas .
Nam quod semel fatum probat
 Mutare nunquam paululum

Mortalis ullus quiverit .
Ne uita sit igitur grauis
 Tibi : hoc amabo mi caue :
 Ne suspiceris amplius .
Fac ut tibi mollis Thorus
 Dulci quiete somnia
 Persusa semper præbeat .
Hei non parum me commouet
 Leuis tua erga me fides ,
 Nec : ut deceret : credula .
Velimq; fias certior :
 Te mi dolorem maximum
 Afferre , quod sic hæsites .
Dissolue falsam languido
 Affectionem pectore : et
 Causam doloris amoue .
Ac si mihi uelis bene :
 Nec quod ferat poenam cupis :
 Hoc sic ages , ut quærimus .
Lætîq; sic ambo diu
 Aberimus ò nigris mea
 Lux cogitationibus .
Et mille post annos erit :
 Qui forte Amoris gratia
 Tanti stupefcat inuidus ;

AD BENEDICTVM BERTOL
DVMPATAVINVM. ELE
GANTIS AMORIS
COMMENDATIO.

CARMEN. XXVIII.

Vm tu perusti detegis tuos mihi
c Ignes Amice pectoris:
Languentis in me desides incendii
Vires resumi sentio.
A cuta quin et expediri spicula,
Arcumq; neruo contrahi,
Quo me frequenti sauciare perditum
Amor solebat vulnere.
Quis nanq; flamma pulchriore adurit?
Quis lentiore fomite?
A rdes beatus uirgnum pulcherrimam
Quotcunq; iuu marginem
F ontis frequentant, qui puellis proxime
Aditur unus omnibus.
H abes et unde lenius sub hoc tibi
Ardore pectus aestuet,
Quod usq; pura fluminis Lympha sacri
Foues iniusta vulnera.
H umorq; vires his leuandis sufficit:
Calorq; contra nititur.
S atent ab iisdem quippe ui tam dispari

LIB. I.

Latex, et ignis fontibus .

Quid non amando ferre : quid non perpeti :

Quid non adire possumus ?

*I am qui ferarum contudit uictor minas ,
Iussis puellæ paruit .*

*Adnabat iras turbidi temnens maris
Viso Leandrus lumine .*

*Caram petiuit ditis ad sedes Lyra
Vates canora coniugem .*

*Tu subter undas ureris , dum Naiada
Vndis latentem quæritas ;*

SOMNII: SIVE NON FALSI
VISVS IMAGO .

CARMEN. XXIX.

Dest Deum munus sopor :

Mortaliūm dulcis quies :

Vos curæ abite in maximam

Obluionem pessimæ .

Abite , quid moramini ?

An semper altera alteri

Suædet ? ac iugis uago

Ritu scatebit fluminis ?

Non quippe : nam uos aut mero

Tristes abunde diluam :

Aut uos puellæ uerbulis

Tandem resoluam blandulae:
 3 ternetur hic mollis thorus:
 Spirabit hic olens Rosa:
 Pulsabit elegans puer,
 Virgo canora succinet.
 O brepet oculis languido
 Sensim mihi lenis sopor:
 Latæq; menti somnia
 Optata semet offerent.
 V idere uideor en leues
 Ludantium iam iam choros
 Nympharum ad undæ limpidum
 Musis dicatæ Riuium.
 N um somnus hic est? an quies?
 An uisus? an ne in somnium?
 Videre quod uidemur, et
 Dulci quiete perfrui.
 Quid illa? quæ tot flosculis
 Sertum euariat: aut quæ rosas
 Legens rubenti è stipite
 Illi ministrat sutiles?
 O cui parantur uertici,
 Doctæq; fronti præmia.
 Cui Myrtus una Cypridis,
 Phœbiq; laurus textitur.
 N i forte nascenti modo
 Vati Coronam nectitis:
 O dulcæ, et o perenniter
 Fluentis Vndæ præsides;

IOANNIS

LIB. II.

IO ANNIS AVRELII AVGVREL=
LII AMBICVS LIBER SECVN
DVS AD HIERONYMVVM
BONONIVM POETAM
TARVISINVM.
POETIS DICANDA
OPERA POE=
TARVM.

CARMEN EX SOLISIAMBIS.
I.

Deſto diua Pieris uolens
mihi,

a Diu tuere munus hoc,
quod affero

Tuo decenſe nunc in æde
præſidi.

Opus quod ipſa nam magis probaueris

Eo, quod ille qui Deas colit, uolet

Piis perenne nuncupare uatibus?

Tabella ſiqua diis dicetur illita

Potentis Artis inditis coloribus,

Videre pictor alter hanc ſtatim ſolet

Amicus ante, quam probanda protinus

Vel improbanda proferatur inſciis.

Peritus ergo cum propinquat artifex,

(Quod auctor ipſe forſitan nequiuerat

d

IAMBICVS.

Amore captus interim rei) uidet
 Quid illa peccet, aut quid elegantibus
 Referta possit exhibere gratis.
 Idem poëta iudicis gerens uicem
 Aget sodalis in recente carmine.
 Idem Bononi onus libellus hic tibi
 Meus, tuo sed exaratus omine,
 Dabit subire, me expetente Amiculo.
 Polibis æquus, eluesq; sordium
 Erit quod intus et foris faberrime,
 Nec ipsa fraude gloria inquinabitur,
 Vbi micare quid tibi uidebitur.
 Locare carmen haud potest ineptius
 Poëta, qui unicus dicat potentibus,
 Prius nec auris erudita quæritur;

AD ANTONIVM VONICAM

TARVISINVM: Intertermittenda
 interdum philosophiæ studia,
 et mansuetioribus
 Musis uacandum.

CARMEN. II.

Lterna quæ non requie lenire laborem
 Vis sruerit mortalium,
 Vonica assiduo sub pondere uicta fatiscet,
 Et semet ipsa corruet.

Sic.

LIB. II.

Sic qui Socraticis plenum sermonibus annum
 Iam dediti peregrinus,
Horrida ni placidis mollimus seria musis,
 Intenta uel remittimus,
Forsan onus pressis humeris cogemur in ipso
 Itinere fessi ponere.
Ipsa pares natura uices observat, et æquis
 Alternat una legibus.
Artificisq; manus variant, et leuissimæ
 Fessæ subintrat dexteræ.
Interdumq; graui uates in carmine nugæ
 Prudens inanes inserit,
Vt leuet attentos nimium grauioribus, utq;
 Alacriores præbeat,
Et uegetos reddat magis ad discrimina rerum,
 Si quando nodus incidat,
Qui solui dignus mentis perstringat acumen
 Intrinsecus spectantium.
Sic interpositis paulum leuioribus ipse
 Vicem repende seriis:
Et quo laudatus cœpisti carmine perge,
 Gradumq; profer longius:
Dum positus reliquis acres ego conor iambos
 Aptare dulci Barbitō;

d ii

IAMBICVS.

AD LODOVICVM MARCELLVM

HIER. Equitem: cum sibi beatum uideri, propterea quod duabus gratis, quibus ipse fruitur, urbana et rurali, tertiam superaddat, id est, quod his contentus uiuat;

CARMEN. III.

Arcele, quo non alter est beator,
 Si, quod beatum est, ipse tecum pensites:
 Tibi frequenter, urbe uel ruri uelis,
 Ludunt decentes hinc et inde gratia.
 Tuam frequentat optimus ciuis domum.
 Peritus omnis arte quauis artifex.
 Musis amicus omnis et uates pius.
 Aedes honestis commodis pares tuis
 Lautis renident undecunq; sumptibus.
 Urbana profert hæc tibi se gratia.
 Ruralis æq; nec moratur altera:
 Vbi uirentis prædium collis petas
 Vt cunq; amœnum, siue rupis horridæ
 Antro, uel unda limpidi fontis iuuat
 Spectare Nymphas, uel sacro passim deos
 Luco uagantes, cum tibi purissimis
 Pomona replet foetibus mitis sinum.
 Cum flora fertis floridis ambit caput.
 Et læta cornu prodit amplo copia.

Duabus

LIB. II.

Duabus ergo sic beatus gratis
 Videre multis. At mihi diues, potens,
 Benignus. ista sic fatemur singula.
 Totum negamus illud, ut beaueris
 His te: Sed ampliore commodo, quod his
 Contentus omni degis ambitu procul:
 Nec plura quæris liber, et uiuens tibi:
 Sororq; inherens sic duabus tertia,
 Quæ uera doctis creditur felicitas,
 Hæc una reddit te beatum gratia;

REDEVNTI MVSÆ.

CARMEN EX SOLIS IAMBIS.

IIII.

q Vis hoc beator dies, quis hoc iocis
 Magis refertus omnibus?
 Puella, quam Sodalis huc meus mihi
 Bononius reduxerat,
 P edes ad eæ constitit meos gemens,
 Precesq; fundit uberes:
 V t ipsa semper, ac fuit diu, mihi
 Adhæreat propinquius.
 F uga peperimus, nec amplius graues
 Pati serena quiniimus
 N otare lumina et faces eam, quibus
 Nitore uincit æthéra.

d iii

I A M B .

R estringor arctius simulq; conferor
 Pari libentius pede ,
V t illa prodit, ut sedetq; , et omnia
 Ait, facit decentius .
A mabere ergo semper, et fouere
 Venusta post Lycen mihi,
S uperba prole, dulcis arte filia
 Clūs Apollini Sata;

REDDIT CAUSAM QVARE VA
 LEAT, ET ADHVC POETIS
 Tanquam inter omnes scriptores
 maximis oblectetur .
 AD FLAMINIVM.

CARMEN. V.

Vid mihi Flamini properātes obuias an
q Natura quod profert onus . (nos?
 An uideor tremulæ postes pultare sene=
 Procul uel esse postibus? (etæ?
C um sæpe hanc faciem dicas, dum cernis eandem,
 Mutare debuit dies .
Q uam satius fortasse foret, si quod uideas , ut
 Est, esse sic idem putes .
N am non uana uides , color hic iuuenilibus ipse
 Suis renidet uiribus .
N am licet egrediar tria ter iam lustra perenni
 Fallentis

Fallentis æui tramite,
 Sic potui quondam labentis frena inuentæ
 Forti tenere dextera,
 Ut qui florentes primus uigor isset in annos,
 Retentus hic serus quoq;
 Adsit, et ut graciles grato consueuerat artus
 Præstare firmos robore,
 Idem continua mihi me uirtute ualentem
 Seruare adhuc pergat potens,
 Lusibus ut placidis interdum ludere curem
 Curis solutus omnibus.
 Deliciasq; inter, terrestria munera sanctos
 Innet poëtas uoluere:
 Quos tu nescioqua ductus ratione, leuiq;
 Causa uidëris spernere.
 Cum tamen, hæc etsi facias, incedere uates
 Inter poëtas nobilis
 Visus es hoc ipso, quo ludis carmine Musas,
 Caputq; lauro cingere.
 Vtilius sedenim nullum conferre poëtis
 Mortalium genus queas,
 Qui tibi, non ut ais, nugoso ludicra uersu
 Vanasq; fabellas ferant,
 Sed qui cum primum dulci medicamine curis
 Animum leuarint tristibus,
 Mox hominum quicquid ualeat conducere uitæ,
 Auidis ferant in auribus.
 Non hic Pieridum cultoribus addere laudes

I A M B .

Instituto, quas suas habent.
*S*ed tamen, ut brevibus dicam quæ sentio cunctos
 Cum penè scriptores legam,
*S*eu qui per rerum causas spaciuntur anhelò,
 Plenoq; nunquam pectore,
*A*ut quos imprimis veterum innuat acta uirorū
 Verbis referre grandibus,
*V*el quoscunq; alios, uario qui è semine mentis
 Fœtus legendo comparant,
*E*t sapere humano quodcunq; et dicere more
 Passim uidentur cæteri:
*V*nus at inter nos fari cœlestia uates:
 Forsan quod inde prodiit;

CUM ALIAS RES AGEREM, PE-
 tit de me Amicus, qui pueri formam
 carminibus descripserat, ut Puel
 læ speciem luderem, quod
 cum frustra tentarem, in
 hoc principii tandem
 carmen ipsum ex
 sese prorupit.

C A R M E N . VI .

¶ Vid hoc negotii est? quid hoc mali caput
 Sedemq; mentis occupat?
 An non Amicus quod petit carmen queam
 Vel

Vel quaecunq; promere?

A micus ipse qui potest uno decem
Mutare uersu carmina.

F accessat hinc meus uerendus hic pudor,
Metus ue, uel torpor mihi.

C onemur omni, sic iubet, ui, uirginis
Formæ decorem dicere.

T e Musa, quando tu puellarum es decus,
Fauere cœptis conuenit:

A des benigna, et hic tuas propinquius
Partes tuendo sustine.

F ormosa primum haud est mihi, cui largiter
Natura non succurrerit:

A b arte sed petit hæc, quod optat a uxili,
Fuatatq; incedit, uelut

C onspersa non suis Aus coloribus.
Nec illa contra perplacet,

N atina cui si contingere plurima,
Ipsa hæc iners non excolit.

V trunq; sed sortita, diligentius
Quæ seruet id, quod obtigit,

H æc una digna est quæ placere debeat
Amanter intuentibus.

I ntectus auro cui capillus uertice
Non elaboratus nitet:

S ed negligentem ferre diligentiam
Præ se uidetur pendulus.

Quæ cuncta callet, atq; rebus gratiam

IAMB.

suam quibusq; comparat.
M iant ocelli fronte, sed condit modis
 Vel promit hos decentibus.
T acet uicissim, nec loquacibus strepit
 Inter loquentes uerbulis.
D ecenter incedit, sedetq; molliter
 A ptis uenusta moribus.
C olore quouis grata, si succus subest,
 Candente quanuis gratior.
P rocera, recta, gracilis, ut nolit tamen
 Artus habere iuncea.
S uauem puelli nobilis formam trahit,
 Ridentis ut cupidinis.
P udore risum temperans tamen, iocis
 Honestat aequa dulcibus.
C ontenta solo, quem sibi elegit uiro
 Secum ipsa quod gaudet, sapit.
Q uod si minutim forsitan magis cupis
 Amice dici singula,
D eora comis apta dulcis blandula
 Pudica praestet caeteris:
Q uae digna uate, digna musarum choris
 Inter puellas ambulet;

ALCIMI. ET. ALCONIS AMOR.

CARMEN. VII.

I Vdunt lascivæ clorisq; et flora puellæ
 Viridi in solo propter scatentem rivulū.
 Spectant formosi puer Alcimus et puer Alcon
 Montis latenter ex reposto vertice.
 Illæ se gelidis perfundunt sæpius undis,
 Glabella nudæ crura, nudæ pectora.
 His at sæpe pedes titubant, et pectus anhelum
 Amoris igne percitis inæstuat.
 Hinc Amor Alconis subito tibi candida Clori.
 Ardenter illhinc dèperit floram Alcimus.
 Floram, quæ fusco quavis conspersa colore,
 Aequat venustis cæteras tamen modis.
 Hinc et uterq; suam præfert, et laudibus ornat.
 Dulciq; secum perfruiuntur murmure.
 Hac, Alcon inquit, nusquā formosior ulla est.
 Quacunq; terras alma lux obambulat.
 Aspice quam lato distant discrimine Mammæ,
 Solidoq; ut orbe proditæ foras tument.
 Molliter ut pleno subsidit pectore venter,
 Suffultus aptis undecunq; cruribus.
 Ut femur Aureolæ primo lanuginis ortus
 Villis decenter pullulat florentibus.
 Ut niueus toto pellucet corpore candor:
 Extentus auro quem capillus integit.
 Mollibus ut tota est artusq; amplexibus apta.
 O nos beatos, quis videre hæc contigit.
 Hæc Alcon blando quem suscipit Alcimus ore:
 Erat libenter ut facetus Alcimus.

IAMB.

O te felicem magis, hæc si tangere possis.
 Vidisse nanq; sit satis floram mihi.
 Quæ mihi me nutu solo ridentis ocelli
 Proterua dulci nunc rapina sustulit.
 Et capto grauibus nodis innexuit artus:
 Quibus nec ulla me dies reuoluerit:
 Nec faciet, quin hanc speciem sub pectore serue,
 Magis reuinctus usq; lentis uinculis.
 Alamus hæc. Quæ nõ contra probat improbus
 Furit sed impotens et impatiens moræ, (Alcon:
 Et sæpe occultas agitat, mutatq; latebras,
 Motis frequenter hinc et inde frondibus.
 Donec proripiunt pauidis se cursibus illæ,
 Visas ut altis sentiunt se rupibus:
 Hi uero immoti pendent, uisusq; sequuntur,
 Quocunq; fessæ delitescunt abdita;

PROSOPOPEIA IRASCENTIS
 PRIMVM, DEINDE QUIESCEN
 tis senis N. F. ad Bertutium Lam
 bertum prim. Tar.

CARMEN. VIII.

i Nultus ergo semper, et lenis queam
 Pati malignæ mentis acres impetus?
 I nultus usq; si uero nequissimum
 Caput referre præmium superbiæ?

LIB. II.

Qua, sicut Anguis tollitur tumens, furit
 Liuore percitum ferox, et improbum
 Os quaq; uerberans mouet, neq; ullius
 Rei mouetur gratia, quin hoc probos
 Et immerentes impetat, uelut canis
 Ignobilis, quæ dente cum nequiuert,
 Compleat timendis cuncta mox latratibus.
 Non ita: nec ultra nanq; morsus nec minas
 Ferens inanes patiar, ut diutius
 Vexentur impune innocentes fontibus.
 Ius suadet atq; iure uis potentior
 Inserta naturæ iubet, quæ mitibus
 Ferox et arma præbuit ualentia
 Superbientis impetum propellere.
 Ut hæc locutus est senex, et abditi
 Fortem reclusit pectoris sententiam,
 Paulum moratus leniora protulit.
 Quid quisq; uulgo proferat, nullus satis
 Cauit, nec unquam cauerit mortalium.
 Est nanq; eorum plurimum passim genus,
 Qui scire se, quod nesciant, certo uelint:
 Et cuncta norint et loquantur perperam.
 Leges quibus nullas labor prudentiæ
 Imponat unquam, det'ue, quæ seruent modum:
 Repente ne, quod sentiunt, prodant foras.
 Horum tumultus nemo, qui sapit, putet
 Vnius assis æstimandos protinus:
 Sed ut repentes, sic fugaces autumet.

I A M B .

Vides Amice quam sit eiusdem senis
 Diuersa curis mens soluta turbidis .
 Quibus retentus ipse iam pridem leuis
 Furebat iræ semiustus ignibus .
 Hunc tu secutus quid loquatur inuidum
 Et turpe vulgus undecunq; temnito .
 Ictus nec atri prouidus dentis time ,
 In imparatos sæpe qui sæuit ferox :
 Falsis satis nam feceris rumoribus
 Virtutis amplo sic opertus tegmine ,
 Agens frequenter plura , quam dici uelis
 Egisse , nec placens tibi , neq; éfferens
 Te laude dignum , laude ni dignum facis .
 Hi uerba metuant , garrulasq; fabulas ,
 Peccare quos minus pudet , quam inanibus
 Vulgi per ora deuolare fabulis ;

AD ANDREAM TRIVISANVM
 FELTRIENSEM PRAESVLEM :

Magnam partem beatæ uitæ quie-
 tem esse , quæ de sedata mente
 proficiatur .

C A R M E N . VIII.

f Ertur beatæ magna pars uitæ quies :
 Quâ non honorû non opû uires ferût :
 Sed mens mouere turbidas curas potens .

LIB. II.

Illis potiri tu licet satis queas :
 Hæc ni quieta , ni procul curis fiet ,
 Nec illa multum proderunt quidem tibi .
 Expertus hæc tu noris , ut nullus magis :
 Oratione qui graui mecum soles
 Mentis inanis et leues mortalium
 Ridere curas , ut satis nunc sit mihi
 Monere solum , quo loqui tecum uelis :
 Ne quod frequenti dicitur prouerbio ,
 Ineptus ipse nunc Athenas noctuas ,
 Vel sus Minervam , uel breuis aquas freto .
 Tibi ne quanta nos premant homunculos :
 Seu sors subornet illa , uel necessitas
 Impellat , aut mens ducat : Hæc doctissimo
 Summaq; narrem prædico prudentia ?
 Dicam' ue quantos impetus sensim parit
 Receptus affectus semel animo grauis ?
 Ac ni quis illos protinus trudat foras ,
 Eos potenter ingruere in horas magis ?
 Non his eges tu , sed penum ut mentis sacrum
 Tantum recludas , nec aberit presto efficax
 Medela tristi profutura uulneri ;

AD TRYPHONEM CHABRIE-
 LVM PATRICIVM VENE-

tum : uitæ propriæ immutationem ,
 immutationisq; detestationem .

CARMEN. X.

Etate prima iam fuit Tryphon, dulcis
 a Scaterisq; abunde plurimis bonis uita.
 Cum grata lato res mihi foret nulla
 Vacans amore, dulcibus iocis, musis
 Musis amantium leui ioco plenis.
 Ridere nobis cum liceret exorto
 Ab sole ad alteram dieculam prorsus:
 Fieri breuem quam dormiendo oportebat,
 Ut noctis exactæ uicem resarciret.
 Amicus hinc cum luderet lyra uersus.
 Referret illhinc cum puella fabellas.
 Cum Phœbus inuicem Venusq; certantes
 Noctu Lyæon et die fatigarent.
 Cum fessus urbe rus petens relinquebam
 Molestarum siquid esset in porta,
 Ferens carchinnorum integrum gregem mecum.
 Vbi riuulos scatentis undulæ spectans
 Aestum leuabam uno uel ipsius uisu.
 Vbi uirentis ingredi comæ lucum
 Mihi licebat intuentibus Nymphis,
 Faunos ut altis montibus leues acri
 Exapere fessas uideram feras cursu.
 Cereris ubi et pomonæ, ubi palis et Bacchi
 Dulcis honores deferens donum rure
 Vescēbar epulis suauioribus cunctis.
 Cum sæpe sacros interim choros phœbi
 Et ruri et urbe inuiserem pius uates,
 Si nomine hoc dignus uenio tamen tanto.

Nunc

Nunc ipse tota erro uia, nec in rectam
 Solutus unquam turbidis feror curis.
 Qui nunc honores, nunc opes leuis tracto:
 Vtrisque cum longe tamen uolens absim:
 Ad hæc amici sed trahunt, trahit vulgus,
 Hic obloquendo, Hortando at exigunt illi:
 Ut quæ mihi fugienda sunt, sequar prudens,
 Et ut negotiis dies uacet nulla,
 Quæ differant, agantq; me omnibus semper
 Horis, nec ullius quietis admittant
 Locum, sed hanc mihi negent magis tanto,
 Maiore quanto præmio mihi posco.
 Hæc, ergo ne est, an illa uita dicenda?
 An uina Mors hæc, illa sed Deum uita?
 Cum summa pax, quiesq; summa prodirent
 Comites mihi passu pari, nec hæreret
 Lis ulla, nec contentio, malignæ ue
 Rixæ proteruia contumax bonis unquam.
 Cum scelus abesset omne prorsus horrendum,
 Vis omnis, error omnis, ambitus omnes.
 Amicus omnibus bonus bonis essem:
 Lætus comes, Sodalis integer cunctis,
 Quibus uicissim amor aderat pius, semper
 Præ rebus omnibus colendus imprimis.
 Qui me priori redderet dies uitæ,
 Statueret idem regibus parem summis;

IAMB.

HIERONYMO BONONIO.

CARMEN. XI.

Itæ priori redditus ,
" Qua grata mi sunt omnia,
I temq; cuncta libera
Curis solutus omnibus
Hoc quicquid est , primum tibi
Fero Bononi muneris ,
Amice Candidissime
Musarum alumne maxime
Libellus est phœti Choro,
Tibiq; amico conditus .
Amicus ut , leges libens .
Polibis ut doctissimus ;

PAMPHILO QVA PARTE PO
TEST, REFERT GRATIAM

eorum , quæ audiuerat de Try-
phone Chabrielo de se ab
illo dici, et scribi .

CARMEN. XII.

q Vondâ reuertens Brixia meus Tryphon,
Opinor anno superiore, rus petit
Et studii, et oca gratia: cum uix nouis

Vireret arbor uere primo frondibus .
 Casu huc ego applicans , cum uiso cupide .
 Et is uicissim fronte me læta accipit .
 Citroq; , et ultro colloqui plurima ,
 Ut mos amicis , cum diu secesserint ,
 Vterq; tandem sic in unum uenimus :
 Ut de eruditis uerba haberemus , quibus
 Fuiſſet interim ipſe conſuetudini ,
 Dum peregre honeſtis urbibus uagus foret .
 Hic tum recensens quos ubiq; uiferit ,
 Celebris eos quidem atq; magni nominis :
 Ac te reponens inter illos maxime ,
 Hæc , inquit , Aureli quod uni Pamphilo
 Debes magis , quam cæteris ; ſcias uolo ,
 Is nanq; multa laude te dignum putat :
 Nec ore tantum , quod frequenter facit ,
 Sed dulcis etiam celebrat arte carminis :
 Et te libellis inferens doctis canit .
 Hic inquam ego , quæ mitis hæc benignitas ?
 Ut quem nec allocutus eſt unquam , neq;
 Vidit , colendum duxerit Amici loco .
 Tibiq; reddens nuncioq; gratiam ,
 Denum ita ab eo diſcedo , ut optem proxime
 Tuis potiri lucubrationibus .
 Ac poſt peractos inde nonnullos dies ,
 Optatus eæ mi liber fertur tuus .
 Quem auida legendum protinus ſumens manu ,
 Poëma uarium , et eruditum , Pamphile

I A M B .

Mi grande nostri seculi decus , statim
 Quam multa de me scripseris stupens lego :
 Agoq; passim plurimas grates tibi .
 Et quando par est , me uicem rependere ,
 Non æqua uirtus sit mihi prorsus licet ,
 Amoris erga te mei pignus modo
 Misi trimetros hosce tibi , qui proderent
 Feasse semper ante me quamplurim
 Mentem refertam dotibus miris tuam .
 At nunc et istam colere , teq; prosequi
 Amore quanto candidum uatem decet ,
 Quem sic benigna mens amice iunxerit ;

AD H . BONONIVM , REDIT V
 RV M SE PROPEDIEM TAR
 uisium . interea uero , ut Amicis
 nomine suo Salutem dicat .

C A R M E N . XIII .

Am iam nivalē Feltriam relinquimus .
 i Iussis Bononi gerimus en morem tuus .
 Ad uos receptum cara amici pignora
 Corpus feremus , mens enim uobis diu
 Relicta semper affuit , nec ullius
 Vestrum peregit immemor mihi diem .
 Reuertar ergo parte rursus altera ,
 Minore quamuis , et morabor integer

Vos

LIB. II.

Vos inter, uni qui tenetis alteram.
 Vobis perenne munus hoc erit mei.
 Contra sed ipse dulcibus uestris fruor
 Conuictibus, doctisq; et elegantibus
 Facetis, et allocutionibus.
 Clemente cœlo, fertili passim solo:
 Lætis uenustis grauib; aquis optimis
 Bene institutæ Ciuitatis moribus.
 O quid beatius queat contingere?
 Quam illhic, ubi quis plurimos unus colat,
 Idemq; plurimis ametur, ducere
 Vitam uenusta in urbe, sed felicius
 Astro uolente id, et fauente prospero.
 At interim dum pauculos moror dies:
 Qui mi supersunt, ut satis fiat bono
 Huic, cui licet me detinere, præsidi:
 Istos, quibus me deditum noris, precor,
 Salute multa imperti Amice, quo soles,
 Lepore cuncta condiens tuo graui;

GRATIAS AGIT CVBICVLO,
 IN QVO, DVM FELTRIAE DE-
 GERET, MORATVS EST.

CARMEN. XIII.

q Vod te cubiculum commodè frui mihi
 In ocio plene uacanti litteris

e iiii

IAMB.

Annum licuerit mensibus tribus additis
 (Secesseramus huc enim isthac gratia)
 Grates habemus, et tibi, quæ possumus
 Maiora, cupimus et precamur cœlites.
 Id est, ut æquis, et bonis semper patens,
 Claudare cupidis, improbisq; nec magis
 Libenter, et benignius quenquam uelis
 Accipere, quam si, cui sacer cordi est chorus
 Musarum, cum forte huc uenire turbidis
 Curis solutum contigerit, ut oco
 Ignobili, et amœnis queat salubriter
 Frui uirentis Feltriæ secessibus;

AD CORNELIUM CASTALI-
 VM FELTRIENSEM: IN-
 STARE tempus, quo ipse Fel-
 tria discedat, et Tarui-
 sium se conferat.

CARMEN EX SOLIS IAMBIS.

XV.

Bire montibus procul celerrime
 Nives et himber urget, id quod antea
 Diu monebat ater usq; turbidis
 Opertus aër undecunq; nubibus.
 Redire cœlum ad aptius Bononi
 Iubet camœna, qua suum in caput solet

Re

Recurrere unda, uim canentis haud ferens,
 Ut aptat ille dulcibus modis fides
 Fides probante et modos Apolline.
 Amicus hinc et inde plurimus uocat,
 Moramq; nec probant meam, sed ut satis
 Superq; qui recesserim diu, trahunt,
 Ferunt, aguntq; iure me quidem suo.
 Quid ergo Castali morabor amplius,
 Vbi nec ipse temporis, nec otii
 Modus mihi est, utrunq; cum auferat potens
 Et æqua uis sodalitatis, et loci?
 Licet uidere paruulas aues statim
 Recedere insimul, solumq; uertere,
 Hyems ut instat. At leues homunculi
 Nequimus id, quod insitum est minoribus,
 Doceri, et inde rebus obsequi datum
 Necessitatis ordinem ferentibus.
 Eo ne forte te quoq; excitas? ut hinc
 Salubris urbis, et docentis applies
 Ad otium, ualere ubi queas, simul
 Et artibus uacare mentis excolens
 Acumen, ut soles, bonis, quibus tibi,
 Tuisq; grande, patriæq; fers decus.
 Ego at fluente limpidi silis petam,
 Tepens ubi aura, uerq; penè continens,
 Gelata si hæc, niuisq; operta compares:
 Vbi urbs referta gratis decentibus,
 Virisq; moribusq;, qualibus decet

IAMB.

Bene instituta Ciuitatis agmina
Frequenter uti in ocio, et negociis.
Valere Feltriam sinamus horridam
Amice Bruma cum propinquat algida,
Furente quære sub calore floridam;

AD PETRVM BEMBVM, GRATV
LATIO VERONENSIS PRAE-
turae Patri clarissimo demandatae.

CARMEN. XVI.

D te nec ipse litteras diu dedi
Optate Bembe semper, et semper mihi
Altis adhærens cordis in radiabus:
Aliunde nec de me rescisti forsitan,
Qui Feltriae alpes inter horridas latens
Annum peregi mensibus tribus additis,
Vix unde quisquam poterat effari tibi
Tunc quid agerem, quod admodum paucis dare
Me semper unis artibus bonis uacans,
Quærens'ue siquis abditus recederet
Locus, frequente Ciuium molestia
Semotus, ignobilis ubi degens sacros
Intuerer Aonidum propinquius Choros,
Quæ uulgus odere inscium, nec uatibus
Ipsis uidentur, Aura quos uulgi tenet.
Nullis sed unquam præbui recessibus

Me

LIB. II.

Me tam remotis, quin celebre meas tuum
 Adiret aures nomen, et scirem quibus
 Tenere studiis tu, paterq; qualibus
 Fungatur usq; patriis honoribus.
 Tum gratulatus, ut decens erat, tibi
 Quæ digna uestrae prolis, et uestrum forent,
 Ventura semper imprecabar munera.
 Iam quale nuper audio patri datum
 Præclara in urbe clarus ut prætor siet.
 Valere vos omnes ubi exopto, senem
 Aviam, Parentes optimos, Fratrem probum,
 Te: si uenire illhuc, uel illhic degere
 Tibi placuerit: at redire isthuc simul
 Omnes item incolumes precor: opes, gloriam
 Decus referre, cæterosq; patriæ
 Obire honores te, Patremq; maximos,
 Ut illa uobis, uosq; digni Patria;

AB MARCV M MAVROCENV M
 PATRICIV M VENETVM:
 AB AMORE DEHOR=
 TATIO.

CARMEN EX SOLIS IAMBIS.
 XVII.

p Vt abis omnium miserrimum, qui amat:
 Amore si quidem graui teneberis.

IAMB.

Tibi beatus hic item uidebitur:
 Fauebit Aura si tibi Cupidinis.
 Fit inter hæc quod ambigat nihil: premit
 Vel eleuat, probatq; semper alterum
 Amor, suprema non tenere nescius.
 Nimis dolebis ergo, uel leui nimis
 Ferere gaudio, sed et metus quoq;
 Et ægra te Cupido coget acrius
 Amara quæq; et execranda perpeti.
 Id ipse sentiens, breui periculo
 Caue puer, nec ulcus altius putre
 Agz, federé ue id diutius sinas.
 Tenella siqua duxeris, manum statim
 Sequentur apta. Si subinde dureant,
 Vt assolent, inepta prorsus hæserint.
 Tenebit Hinnulus, semel quod hausserit,
 Diu: nec ille uerbera, aut minas timens
 Lupata uector obstinatus audiet;

PRO PVERO.

EX SOLIS IAMBIS.

XVIII.

More siquis ardeat graui Puer,
 Habebit unde ferre pondus igneum
 Queat, maliq; quo sibi paret modum,
 I uuenta agente id, hoc ferente tempore.

Senex nec ignis ipse uim pati ualet,
 Sed est ut aridus, resistit impetu
 Minus, magisq; protinus peruritur:
 Nec eleuare debilis potest onus,
 Quod usque congerens ferox amor diu
 Subire cogit artibus trementibus.
 Amabit ergo tutius tener puer:
 Grauemq; ponet, ut uolet, cupidinem.
 Erit nec illi inutilis recens Amor:
 Sed excitabitur latentis indolis
 Honesti uis, caputq; læta proferet,
 Virentem ut uret hunc nouus calor magis.
 Et hunc pèrinde mos uenustus excolet,
 Vt exiisse gratis decentibus
 Putes. uel arma sic decorus induet,
 Vt indidisse martium huic statim decus
 Deum, qui equis, uirisq; sæuit, autumes.
 Et inde gratus ipse ab arte plurima
 Aget, loquetur, ut docente Pallade
 Id expedire uel referre sentias.
 Tot ex amore pullulat bonis Puer:
 Quot ex amore carpitur malis senex;

PRO SENE.

SCAZONEX IAMBIS SOLIS.

XIX.

More carpitur graui Senex nunquam,

IAMB.

Suis tenere qui modum sciat rebus:
 Minore nanq; ui, uel impetu fertur:
 Calet minusq; temperantior factus.
 Amoris ergo saucius leui cura
 Amat, cupitq; quodq; amat, cupitq; ardet.
 Sed ignis huic inest, ut ardeat semper:
 Nimis nec urat, et tamen satis duret.
 Quid hoc sit ipse, quam puer, prius nouit.
 Cauetq; siquid improbe facit, prudens
 Ut occulat: quod ille non potest, acri
 Calore concitus iuuentæ inurentis
 Magis, magisq; uerberum graues ictus.
 Quod ulla si Puella non ineptiret,
 Virentis, atq; perfidi latus uitans,
 Sibi fidelem, et aridum senem malit;

AD BONONIVM ET PANCRA-
 TIVM Pyruchinum: Tris superio-
 res odas, si non sententia, conue-
 nire saltem inter se, quod so-
 lo pede iambo constant, præ-
 ter ultimam, quæ posire
 ma sede habet sponde-
 um, ut sit Scazon.

CARMEN. XX.

T hæc Bononi, quæ legis, tibi forsan

LIB. II.

Videntur et Pancratio viro docto
 Pugnare prima fronte, quod Senex dicat,
 Negetq; non tantum Puer, sed audacter
 Fortasse et impudens nimis, loqui contra
 Conetur, atq; consulentis illudat
 Voci superbus, et sibi magis credat.
 Videatur at contra ita Senex ineptire,
 In Amore puero ut præferat levis sese,
 Siccum uirenti, ineptum idoneo prorsus.
 Verum solere multa sic simul stare
 Vos non negabitis, remota quæ primum
 Cum sint, olescunt inuicem, et ferunt unum.
 Sic ipse magnus orbis, ut potest, unus
 Apparet è contrariis satus multis.
 Hoc et trimetri nunc sibi mei poscunt,
 Sententis qui protulere diuersis
 Vnum quod extet, Cónsonetq; idem tantum,
 Introspicere siqui abditum uelint sensum:
 Quod si assequuntur re minus, Pedis saltem
 Virtute præstant, nanq; iambus iis unus
 Per omne rite cursitat celer carmen:
 In Calce fessus claudicet nisi scælon;

AD CHRYSILLAM, EAM ESSE
 cæteris uirginibus exemplar, quod
 ipsæ sequantur.

CARMEN. XXI.

m Ictre sicui non uidentur sydera,
 Nitere nec Phæbi soror,
 Forsan nec illi Phæbus ipse fulserit,
 Per quem renident omnia.
 C ui tu uenustis non uidêris moribus
 Ornata supra cæteras,
 H ic non Chrysilla quid modus sit, quid pudor,
 Nec quid uenustas nouerit.
 E xemplar esse ne moreris omnibus,
 Nec se morentur cæteræ,
 Quin te sequantur eminens cœlestium
 Munus datum mortalibus.
 V t una cœlo graditur è tribus dea,
 Quæ Paride præstat iudice,
 I llamq; diuæ arcuunt, uolentibus
 Iunone sic, et Pallade,
 S ic multa te sequentium semper Cohors
 Circunferatur uirginum,
 D ecusq; de te tale faustum contrahant,
 E venere quale sydera;

AD DANIELEM RHENERIVM
 PATRICIVM VENETVM.

CARMEN. XXII.

P Erfectus est, quo iusseras modo, mihi
 Nelphus, Rheneri Daniel doctissime.

LIB. II.

An affectus quod uolebas fecerim,
 Videto tu, qui cuncta calles optime.
 Et græca uersas semper exemplaria.
 Latina nec tum sedula ponis manu:
 Nocturna tanta est, et diurna lectio.
 Sat habui ego in re isthac gerere morem tibi.
 Sed ferre non est integrum sententiam
 Mihi, sit hic ne rite quid fauentibus
 Textum camœnis: an quod insertum male
 Aberret intus staminis sacri caput:
 Id non eadem dirigente dextera.
 Tu iudicato, num mouendum quidpiam
 Addendum an est, uel corrigendum: seu magis
 Dandum lituræ, quicquid est, quod scripsimus:
 Ut iam incubuit Ajax ferox in spongiam;

GARMEN. XXIII.

CHARON ET NELPHVS.

Ch Tat, quis hic est? qui ratem premit tantus.
 a Forosq; solus occupat iacens cunctos
 Opertus armis, et manu tenens hastam?
 Hem stertit, hui, quid hoc? nec attigit Lethen
 Soporis atq; obliuionis infernæ
 Fontem perennem. ah nosco: dormit, ac non dum
 Vitæ peregit semitam datam fatis.
 At excitandus protinus mihi somno est,

Ne Cymba fluctuet Sed heus quid hoc? heus tu:
 Quid? excitari non potest, tamen stertit.
 Adhibenda vis hic maior est: dolo nanq;
 Isthuc peractum: et casside hac mihi primum
 Caput leuandum. Proh triplex canis rictus:
 Quam grauis odor: quamq; efficax inest uirtus:
 Nam penè me in autum, et sopor malus cepit.
 Ponenda teres est quoq; sudas manu, nequid
 Ferociter faciat, et impie ignarus.
 Vertendus et faselus optime ad littus:
 Hic qui Marathron dicitur frutex Graiis
 Carpetur atrum uirus hoc mihi contra.
 Peruenimus sed ò iam, et egimus cuncta,
 Quæ oportet: is nanq; experrectus assurgit,
 Minaxq; comparem laceffit audacter.
 Sed est rogandus, edat ut rei causam,
 Armatus huc cur uenit, et soporatus.
 Heus tu. Tibi iterum dico quis es? et unde huc te?
 Nel. Agone certo nomen est mihi Nelphus.
 Fortissimum, et sæuum modo uirum strauit.
 Nunc alterum expositum super dabo pessum.
 Ch. Pessum dabis quæ? Nelp. Qui stat en procul con
 Ch. Nihil est, ineptis ò fatue. Nel. Nihil? garris. (tra.
 Expectat alter, quem tibi statim primo
 Ictu reponam media Harena. at accedit:
 Et calcæ ego subdo. sed heu miser, cassis
 Vbi est? ubi equus? ubi Hasta? quo feror præcept?
 Vbi certo? nullus è meus adest, omnes

Liquere

Liquere miserum me, nec ubi siem, noui.

Ch. Resipisce . et ede , quæ egeris , mihi primum .

Ego cætera ipse postea ut scias, faxo .

Nel. Apud uetusti Antenoris probas sedes

Equestris agitur ludus, inde ego uictor

Excædo, nec quo uenerim huc modo gnarus .

Ni forte quod mihi accidisse Veronæ .

Constat, doloso nunc sopore pertentor .

Nam illhic equo dum sedeo, brachio insertans

Hastam trabalem, me repente uis omnis

Adeo reliquit, medio ut in foro starem

Immotus, aiebant, bibisse me diri

Potens stuporis poculum grauis suci .

Tantum malignæ prauitas potest mentis .

ch. Paulum morare , arcana dum fero uerba,

Et puluere inscribo hæc stygis Deo signa :

Mox audies, tibi accidere qui casus .

nel. Moror, tibiq; atommodo libens aurem .

ch. Miserande, nec minus Senex honorate :

Nam uera narras : et quidem fores uictor :

Obstaret inuida nisi fraus tibi, ni nunc

Sæuiret in te, qui malus dolus quondam :

Quauis id haustu, hoc nunc odore patratum

Nam cassis intus spongia madet circum (est.

Tetro Cicutæ uel papaueris suato

Infecta, et aliis, quis inest sopor, rebus .

Vereorq; ne iam ulterius id malum serpat :

Fatalis offert nam uia hinc tibi sese ,

f

Et fila properant diripere colo parcae .
 Solamen accipe hoc grauis tamen fati .
 Nam capiet omnes mox dolor tui tristis :
 Euganeus ipse, uel Venetus erit praesens
 Spectator : et moesta efferent domo funus
 Honore quanto militem decet summum .
 At grata Taruisium Patria tibi ponet
 Carmen, quod edet elegans tuus ciuis :
 Te promptus inter Hectoras Charon sistam .
 Nel. Quam dura conditio sit haec mortalium :
 Qui mi supersunt, uiderint :
 H umanus ad quos scilicet spectat labor,
 Quibusq; casus imminet .
 A lter ut agat, uexetq; semper hos malis :
 Bonis at alter auferat .
 N os indecore quando nec peregrinus
 Vitam, perisse sic iuuat .
 P ropelle lintrem, quo uelis, iam nunc Charon ,
 Meq; inter umbras colloca .
 T ellure corpus conditum relinquimus :
 Manesq; Cymbam scandimus .
 ch. Sat est : ades uirtute, nam latos procul
 Fortissimorum Principum campos uides .
 Quos inter esse, et ludere dabitur tibi .
 Tenebit et te cura, quae quondam fuit
 Equorum, et armorum, simulq; gratia
 Sequetur eadem . Tu modo non horreas
 Vultus minaces, impetu qui te fero

Pauere

Pauere cogent protinus nouum hospitem :
 Quousq; de te fecerint periculum ,
 An inter ipsos dignus admitti uenis .
 Tu perge contra, nec leues umbras time :
 Quæ tangere haud te quippe, nec tangi queunt .
 Nel. Ludunt inanes ergo sic imagines ?
 Et fulgor armorum nitet ?
 Errantq; passim prata per, et agros equi
 Læto soluti in gramine ?
 O me beatum, si locus detur mihi
 Vel inter hos nouissimus .
 Nam satius est ita esse summorum infimum ,
 Quam generis infimi caput .
 Ch. Sic est, sapias nam, et ego quod annumeror Deis,
 Malim subigere sũtilem hanc conto Ratem ,
 Quam Rex aducis præfici mortalibus .
 Nel. At ipse quauis Læter his addi uiris,
 Peperere qui quondam sibi,
 Et patriæ quoq; splendidum factis decus ,
 Repetere superos nunc tamen ,
 Illhicq; quam uis perpeti sortem uelim ,
 Vobisq; regnum hoc relinquere ,
 Et quicquid est, quo sic superbe uos nimis
 Inaniterq; extollitis .
 Ch. Adhuc relictis inquinatus sordibus
 Humana sapias, et loqueris, ac non dum miser
 Purgatus induis alterum uitæ modum .
 Diuina sed cum poteris animo consequi ,
 f ii

IAMBICVS.

Conferreꝑ; Humanis, statim illorum tibi
 Interapedo sic patebit eminens:
 Vt inter illa protinus, quæ sunt nihil,
 Et quæ perennant usq; distat maxime.
 Quod nanq; retro dixeram, non lædere,
 Lædi nec ipsos Inferos, sic accipe.
 Nullis eos periculis obnoxios,
 Nullis subesse, qui boni, laboribus.
 Sed esse uere, quando nec pati queunt,
 Nec interire, nec labare quippiam,
 Aëuo perenni cum fruantur, et polo,
 Astrisq; semper prosperum micantibus.
 Nec esse scito uos, uideri sed modo.
 Nam qui potestis esse? qui sic perpete
 Fluore abitis semper? etenim dicier
 Id esse uere, quod manet, solum potest.
 Aeterna sunt, quæ sunt. ad horum cætera
 Responsum abesse, nec esse, uere dixeris.
 Huc ergo cum applicatis, id, quod erat putre,
 Primo relinquitis: Merita dehinc gnauius
 Pensantur æqua lance, danturq; omnibus
 Felicitatis, aut miseriæ præmia.
 Nel. Miranda narras: et tibi grates ago:
 Errore quod leuaueris
 Me, cui beatas ut adeam sedes uolens
 Sermone sancto suaseris.
 At dum locutus optima hæc pergis, prope
 Iam Littus ecce uenimus.

Et,

LIB. II.

E t, ut uetusto dicitur prouerbio,
Vector, factus est comes,
Longam paludis semitam fefellimus
His adlocutionibus.
Ch. Descende, quo te nobilis fati Decus
Ducit superbum Héroas inter optimos
Redibo reliquas ipse ad umbras protinus,
Quæ me morantur transitura: tu uale.
Nel. Ita faciam, ut iubes, Lubens. et tu quoq;
Nostri memor Charon uale;

AD · D · RHENERIVM, IN LVPVM:
ID EST IN FATI violentiam.

CARMEN. XXIIII.

Heneri oberrans his oues agris Lupus
Immanis, aufert clanculum pastoribus
Prædam frequenter: sæpe ui rapit quoq;
Dorso reponens, iis uel inspectantibus.
Sic omne miserum deuorat passim pecus.
Sitatq; semper sanguinem, et perit fame.
Apud fluentia limpidi nuper silis
Alebat Agnam Ligdus addictam mihi,
Quæ spes futuri postmodum gregis foret.
Hanc ille satagens capere clam primum parat.
Sed postquam id incassum agere se lusus uidet,
Cunctis adortus uiribus paruam rapit:
Clamante frustra proditi gregis duce.

f iii

IAMB.

Agrestis omnis tum iuuentus horruit.
 Ligdum miserta, meq; qui tanta cito
 Spe sic ceciderim. At ipse perculsus graui
 Casu, ac peculi protinus mei memor,
 Ne rabida in ora negligens id quoq; darem:
 Repente solitas ardui sedes iugi
 Scandens, quietis pristinae specum peto.
 Ibi ad scattentis riuiulum Lymphæ sacrum
 Nymphis recessus abditos amantibus
 Secure in altis montibus pascens pecus
 Spem solor acri tibiæ uanam sono:
 Contentus æqua sorte, quam parauerit
 Contemptor Animus sobrio meus mihi:
 Cum desit æque, sitq; mi super nihil,
 Frugi ferente sic utrunq; Copia,

BLANDITVR INFANTV LO
 N. SALOMONI. P. VE
 NETI FILIO.

CARMEN. XXV.

A studia aufers mensium Matri decem
 f Nunc orte Puer: ademeris febrem patri:
 Aus perennem pectoris curam leuas.
 Affers et iisdem dulce cunctis gaudium:
 At ipse uates nuntium felix tibi
 Fero uicissim è gratis missum tribus,
 Nouemq; Musis, unicoq; A polline.

Ridebis

Ridebis infans protinus Parentibus.
 Et ora uinclo blanda cum dissolueris,
 Gratis facetus insonabis uerbulis.
 Aetas olescet sed tibi cum grandior,
 Virtute fructum proferes annis parem.
 Ciuem parentes qui deceat ambos dabis,
 Et Valerianam et Salomoniam Donum:
 Qualemq; summis optat in negociis
 Perfectum ad unguem Principem Res publica,
 Quot iam fuerunt omnium iustissima;

AD ANNAM PANNONIAE REGI
NAM PRO TARVISIO CIVITATE.

CARMEN. XXVI.

r Egina priscis orta quondam Regibus,
 Regiq; coniunx dedicata maximo,
 Regumq; mater mox futura fortium,
 Gratatur haec nunc ciuitas omnis tibi,
 Optatq; faustum hoc semper, et felix iter,
 Ut leta sedes regiae uisas domus,
 Regnumq; crebris urbibus late potens,
 Gentemq; Marte prosperante nobilem.
 Sed quod precatur omnium quammaxime est,
 Ut sospes ipsa sospitem petas uirum,
 Optata quem praerebus optas omnibus.
 Regalis hic tu protinus uultus sacram
 Venerata Maiestatem, et acrem contuens

f iiii

IAMB.

Ingentis Animi Spiritum propinquius,
 Pasces beatis mille mentem gaudiis.
 At ille mores aureos spectans tuos,
 Tibiq; quanta corpori nitet Venus,
 Et quanta miræ præsidet Pallas manu:
 Ter mille lætus effereatur gaudiis.
 Spectabis ut iam dispares hic legibus
 Gentes adæquet, ac fruatur aurea
 Nunc pace, bello sæuiat modo truci,
 Et mille decies efferrere gaudiis.
 Prosternet ille perfidos turcas, aget
 A patria, à fide, et bonis uictor procul,
 Consilii eris tuq; et Trophæi particeps:
 Et mille capient centies uos gaudia.
 Summis honestam proferes prolem bonis:
 Reges uidebis regio de sanguine
 Dulcis Puellor: mox iuuentæ præditos
 Virtute, qualis unice satos decet
 Regum uetusta stirpe: eruntq; sæpius
 Sic mille uobis millies tum gaudia.
 Hæc Prætor urbis Salomonus, et tuo
 Vrbs omnis aduentu alacris orat cœlites,
 Cupitq; adire sic preces Deos suas,
 Tibi ut dicato fundit illas pectore;

AD GALEATIVM FACINVM
 PONTICVM PATAVINVM.

CARMEN. XXVII.

si quan

LIB. II. SM I

I quando nostri carminis partem leges :
 s Quæ post tumultus edita est mētis mihi :
 Impulsus ad quos uenerā et nolens le=
 I ubentibus mihi sic Amias omnibus : (ues :
 Si quando ficta nuper, inquam, uideris
 Mihi, camœnis ut prius fauentibus :
 Amice rare, uirq; recte Pontice,
 Multaq; uariarum arte rerum prædite,
 Mirere ne tu, forte si prioribus
 Aptæ cohærent, cōsonantq; gratis,
 Quæ me profano rite uulgo segregant.
 Optarat omnis Ciuitas: omnes boni
 Concupierant occasionem hanc mihi dari:
 Quæ proueniret iugis, et frugi meis
 Rebus bonorum sat decens accessio.
 Vitam subissem lautiores forsitan,
 Si consecutus id fuisset: sed tamen
 Hoc non adepto prospere mihi, graue
 Fatum quietis pristinae nil abstulit;

PROSOPOPEIA DE AMO
RE CONQUERENTIS.

SCAZON EX IAMBIS SOLIS.
CARMEN. XXVIII.

Ris ne carnifex Amor satur nostri
 e Cruoris unq; an improbas manus semper

Mouebis? atq; saucium hoc iecur tantum
 Petes iniquus, et memor parum iuris?
 Quod arma nequis inferat iubet capto.
 Tibi frequenter heu manum dedi uictus.
 Et ulcus ipse millies reuelauit
 Vbiq; putre redditum die longa.
 Nec ulla lenit id Medela, nullumq;
 Lenamen intus Ardor excatus sentit:
 Sed uror usq; nec satis tibi uisum
 Ferire pectus impio probum ferro:
 At uris, ignis admouens faces diri.
 Fero tamen libenter hæc miser cuncta:
 Volensq; credat hoc quis? et fouens ignem
 In igne uersor, ut feram ferunt quandam
 Camino inesse sæpe nec pati ignito:
 Sed inter ire, quo magis queat, flammæ;

AD HIER. BONONIVM.

C A R M E M . XXIX .

Ide Bononi quæso si sapias ride:
 Nam rideo ego, ridere cui nefas esset,
 Sentire si, quæ vulgus assolet, uellem.
 Mirere nec tu, si fidem mihi frangit,
 Qui stare promissis nequit, nec hæerere
 Diu suis met consonans potest dictis.
 Istius esse hunc ordinis scias morem:

LIB. II.

Vt alterum ore, pectore alterum gestent :
 Nec, idē ut loquantur, sentiantq; idem, curēt.
 Sed cuncta semper perfide his loqui par sit
 Et facere, ut est genus hominū id quidem neq;
 Quod iam Lycion hic reliquit, excedens
 Pio uirorum uersus in Lupum coetu.
 Ride ergo, et æque rideant amici omnes :
 Sed risus hic mortalium petat casus,
 Curasq; inanes exagitet : et irridens
 Hoc quicquid est, quod sic probamus insani,
 Id omne mecum ducito nihil sanus ;

AD L. POR. ET N. ANG. VICEN
 TINOS : NONNVLLA PLA
 tonicæ disciplinæ de immortali
 mente, insuperq; de ea
 parte animæ, in qua
 perturbationes
 existunt.

CARMEN. XXX.

i Sthinc reuersus sæpe mecum cogito,
 Quā me benigne uestrū uterq; acceperit
 Amice Porci, et Angarane candide :
 Quam uos libenter ipse contra uiserim :
 Et multa nostrum quæ fuere gaudia.
 Dies ut omnis inuicem gratissime,
 Et penè noctes colloquendo duximus.

Legistis ut mi plura, quæ fauentibus
 Musis adusq; posteros nomen dabunt.
 Non nulla uobis ut uicissim protuli,
 Audistis ipsi quæ benignis auribus.
 Ut quosq; me tunc alloqui doctissimos
 Fecistis, omnesq; arte quauis præditos
 Videre, uel siquid fuerat illis manu
 Perfectum opus docta, uel urbis inclytæ
 Perenne siquid, et fabre factum foret.
 Mens igitur ad uos sæpe, quæ potest, redit:
 Vagatur illa nanq; quo uult libera.
 Si uultis huius proferam causam boni:
 Solum quod inter mala datum est mortalibus.
 Immunis hæc nam lege cum foret necis,
 Nec labe molis inquinata sordidæ,
 Sic ipsa summo constituta Principi,
 Cœpere Diui tum bonam primum boni,
 Eiq; circum mox dedere putridum, et
 Mortale corpus, addito quoq; altero
 Animæ adduco genere, cuius in sinu
 Affectus omnis incubaret conditus.
 Hic nam uoluptas est malorum maxima
 Escæ, et dolor, qui reuocat, atq; detinet
 Vi, æstuq; mortales ab officio procul.
 Audacia est quoq; et metus, leues duo
 Temerariique consulentes perperam.
 Infrenis ira, spesq; inanis non abest.
 Quarum furore cuncta perit altera,

LIB. II.

Mentisq; tollit acre iudicium bonæ.
 At altera animi subruit constantiam,
 Dum nos subinde credulos nimis facit.
 His ergo, Amoreq; cuncta qui vincit: simul,
 Sensu'ne, qui ratione procul est, spiritum
 Circumferentes condidere obnoxium
 Morti, sed ipso puriorem corpore,
 Diuina quo mens arctiore uinculo
 Hæreret ægro colligata corpori.
 Sed ne propinquo tangeret mortalitas
 Puram perennem uiuidam tamen situ,
 Dispersuere singulis illas locis:
 Caputq; collo segregantis pectori
 Animæ genus mortale sub præcordiis,
 Mentem supremo collocarunt uertice:
 Vbi suo pte hæc usq; motu concita
 Quocunq; pernix aduolat, nec temporis
 Loci uel ulla interapedo fit moræ,
 Quin una ubiq; et semper adsit libera,
 Formasq; in omnis, ut uelit, se transferat.
 Ni fallor, hæc sunt dogmatis Platonici
 Exempta uobis inde quam breuissime,
 Legenda studio promptiore forsitan,
 Auctore quo sunt grandiore prodita;

ADMVSAM, QVOD IN SCRIBEN
 dis iis, quæ sub terra gignuntur, liceat Virgilium
 imitari, qui q̄ supra pullulant, Felicissime cecinit.
 CARMEN. XXXI.

I A M B .

i Am me latenter deserit potens fauor ,
 Quem diua spiraras mihi :
 Ex quo minuti carminis coepi iocos
 Te sic iubente ludere .
 A t maius ipsa nunc opus mouens tamen
 Maiore ui nos excitas .
 V ltraq; Paulum , quam prius , profers gradum :
 A c nos sequentes protrahis .
 I am non per ima ducimur conuallium ,
 Humiq; proni serpinus .
 S ed grande sacri scandimus dorsum iugi
 Obliquo anhelu tramite .
 A c iam uidemur proxime sub editum
 Prodire sensim uerticem :
 V bi haud uidere est floribus nitens solum :
 Vitisq; frondens germine :
 S ed prominentia saxa , sed quæ dirutis
 Querceta adherent rupibus .
 N on exatamur dulcis hic pulsû lyrae ,
 Non Tibia uoce querula .
 N on hic Amantis Iuuenis , aut amabilis
 Lusus puellæ ludinus .
 V el si qua fauces peruiacæ mortalium
 Sensus uoluptas luserit .
 A t nec Tubarum personat strepentium
 Canorus Aures spiritus .
 N ec ille iam nos Martius coepit calor ,
 Summiq; uirtus Carminis :

LIB . II .

Sed lenis hic nos floridum modi genus
Illi secundum detinet :
Natura rerum quo parens dici queat :
Quas diues intra parturit
Tellus , nec edit , condito de uiscere
Humana ni uis eximat .
Hac lege , et arte maximus Vatum canit ,
Quas terra supra promouet :
Quibusq; pascit , ac alit animantia ,
Ornatq; cuncta frugibus .
Hunc æmulamur , hunc sequi tantum iuuat ,
Tu Dina da nos consequi ;

AD LIBRVM .

EX SOLIS IAMBIS .

CARMEN . XXXII .

Ibelle mente sobria mihi sate :
Mihiq; habende pignoris loco pii :
Tibi perenne posteris Decus precor :
Ratum benigna quod cæmæna fecerit :
Legaris ergo quandiu magis queas :
Et æqua semper inde fama perfonet :
Adhucq; Vate : si licet : Superstite ,
Virum per ora sæpe docta prodeas .
Auere munus , aut uouere grandius
Nec ipse sanus , et pudens quidem uelim ;
Dari'ne maius hoc tibi potest nihil ;

FINIS .

IO ANNIS AVRELII AVGV
RELLI SERMONVM LI=
BER PRIMVS AD IA
COBVM CHABRI
ELVMPATRICI
VM VENE=
TVM.

SERMO PRIMVS.

h Acc, quibus interdum dulcis af
fabar amicos,
Carmina sermonis sensus imitan
tia puri
Cui potius, postquam corpus coie
re sub unum,

Quã Chabriele tibi memori pro munere donẽ?
Qui persæpe soles nostros exquirere lusus:
Tanquã aliquid leuibus possis educere nugis:
Quod leuet affectã ualido medicamine mentẽ:
Si quando acceptis uitiorum exurit̃ur intus
Ignibus, auxiliumq; procul uirtutis aberrat.
Nec tamen ut monitis egeas, hoc perficis, ut te
Nobilium doctis uatum sermonibus ornes:
Sed quoniã cordi tibi sunt, quæ moribus apta.
Cui uirtus placet, huic uirtuti incũbere promptũ
Cui uitium, uitio nõ abstinet: et malus ultra cest.
Probrorum causas simul et fomenta requirit.

Vt

Vt quod quis nouit, cupit exercere, nec ultra
 Consuetum tendit: contra quod non agit, odit.
 Assidue legis ipse, et habes quoque semper in ore,
 Quæ grauis, et uatum quondam doctissimus inter
 Ridentis socios prudens agitare solebat:
 Vt circum latitans præcordia luderet, utque
 Detegeret siquid uitii foret: idque referret
 In melius quodam civili more, nec illo,
 Quo plerique modo exagitant uitia, ut maledictis
 Incessant nudis, atque insectentur aperte.
 Persius hunc morem, sed Aquinas crebrius explet,
 Vt commissa palam referant, et nomina prodant.
 Ast ego cuncta leui risu condire laboro:
 Dulcibus ut lateant quæ suffunduntur amara:
 Et subsit teneris uelut horrens spina rosetis.
 Non tamen ut satyræ meditemur condere, non ut
 Cuiusquam impuros studeamus carpere mores.
 Verum ut, dum curas hominum sic ludere tento,
 Me saltem, si non alios, componere discam:
 Et uitam imprimis insontem ducere curem,
 Sollicitudinibus uacuam, plenamque modestæ
 Lætitiæ: qua mentis onus quodcumque reponam.
 Hinc est quod fidibus numeros aptauimus olim:
 Et dulci teneras cantu compleuimus aures.
 Nunc uero integros perrarum carmen Iambos,
 Quos iam temporibus priscis uix unus, et alter
 Ediderat paucos (uerbo grauis inuidia absit)
 Tentare haud uano conatu forsitan ausim.

SERMONVM.

Hosce Trypho frater leget optimus, atq; probabit:
 Vt quondam Lyricos non adspernatus habere,
 Scrutariq; meos uoluit, conferreq; summis
 Vatribus his, quorum uestigia semper adorans
 Prosequor, aspicioq; procul, contentus ut infra
 Subsideam, obtutuq; hærens oblecter in uno.
 Ille per Aonii spaciabitur ardua collis
 Culmina: Tu mecum secreta in ualle subibis
 Antra uolens edera, et musco uestita uirenti.
 Hic nemus, et liquidi norūt sua numina fontes:
 Imaq; nec puduit faciles inuisere Musas;

AD BERTVTIVM LAMBER
 TVM PRIM. TARV. HO-
 mines non eum, quem debe-
 rent, finem quærere.

SERMO. II.

Acpe ego Bertuti compresso in pecto
 re risu

Mortales miror uolui per inania curas:
 Interdum, nequis uitio mihi uertere possit,
 Haud ueritus, siqua ingenio permittere curem,
 Illhuc immixtis adeo delabor habenis,
 Vix ut surgentes ualeam cohibere Cachinnos.
 Nam quotiens animo scrutor, quo tēdere nostrū
 Penēq; diuersum uideo spectantia signum (est,
 Omnia

Omnia quæ nobis aptantur spicula cornu :
 Apparet totiens manifeste , qui stupor intus
 Humanas habeat mentis : quæ tramite recto
 Propositum nequeuntq; sequi , nec cernere finē .
 Principio inseuit nobis natura perennes
 Igniculos , quibus accensi conquirere rerum
 Semina possemus , nec non per lubrica firmos
 Ferre pedes , ueriq; inuento insistere calle .
 Hinc uarie expulsis artes fulsere tenēbris :
 Quæ regerent certum per iter mortalia corda .
 Nanq; aliæ quantum possit promittere sola
 Cognitio , tanto contentæ lumine præbent
 Se nobis comites , seu per concreta perenni
 Materia , motuq; obnoxia , siue per illud
 Quod Mens ex iis seducat , fingitq; remotum :
 Seu per sensilibus uere semota tenendum
 Est iter , et pura cœlestes mente petendum .
 Ast aliæ his etiam cognatæ quid sumus ipsi ,
 Et quod opus nobis propriū , et qui deniq; finis
 Expediunt , ducuntq; pios , uerosq; per Actus
 Humanum genus , ut semet uirtutibus inde ,
 Ingeniisq; domos curis , et moribus urbes
 Expleat , ac iustis mortalia legibus æquet :
 Vnde scætet plene liquidi fons purus honesti :
 Ex quo quid nosse , et quantū decet , ac qbus uti
 Conueniat , quæ ue elargiri , quidq; periclis ,
 Siue labori est præbendum , qua parte decori
 Dāda opera , haurimus : nec nō ut candida nobis

SERMONVM.

Religio, et cultus diuini Numinis insit :
 Qua sine nil horuēsse potest, nec profore quicq̃.
 Quæ cū sic habeant, quē nam de millibus unū
 Inuenias, iqui tanta, ac non contraria curet?
 Quem non præcipitem cunctarum inscitia rerū
 Sic agit? ut nusquam titubet, nulloq; feratur
 Errore? at contra quis non ad paruula quæq;
 Hæret? et offendit minimis obstantia rimis?
 Quis non alterius quæ sunt, iis certat abuti?
 Seu fas, siue nefas. Erga quis honesta benignus
 Nunc opera inuētus? quis inertī dē pectore tristē
 Segnitiam pellit? quis non uel turpia quæq;
 Et facere, et fari consuevit? deniq; cui non
 Vana superstitio mentem suspendit inanem?
 Quid? quod Auarities, et honorū insana cupido
 Mortales adeo miseros exercet, agitq;
 Per scelera, et fraudes, per uim quoq; perq; feri=
 Et nocuos usus omnes, quo ducta furore (nos
 Non sibi, non aliis ullo sub tempore parcat :
 O diras hominum pestes, et uulnera uitæ.
 Nec me Animus fallit, q̃ nō hæc posse probari
 In uulgus uideantur : ita tamen ipse teneto,
 Nullam æque ingeniis sublimibus esse fugandā
 Perniciem, quā quæ misera sub pectoris ampli
 Ambitione latet, sensim nanq; illud edendo
 Deicit, atq; Anim cogit mox esse pusilli.
 Nec minus his fugiendus amor sceleratus habēdi :
 Quo nil sordidius, nihil et quod ad ima ruētes

Nos



LIB. I.

Nos adigat magis, ex altoq; exturbet honesto.
 Felices nimium Mortales, cernere si se
 Interius possent, neq; enim per deuia quoquam
 Errarent, sed iter rectum, certosq; regressus
 Instituant illhuc, unde olim accedere terras
 Posse datum est illis, et eodem posse reuerti
 Rursus pro meritis: ubi mens conuersa superne
 Principio rerum summo, proprioq; propinquas
 Insinuet prorsus solam sine corpore soli.
 Feliciaq; illhic uita, uacuaq; laborum,
 Exemptaq; libidinibus, curisq; fruatur.
 Hic erat ille Animi risus spernentis aperte
 Humana, et sese occulte tollentis in altam,
 Quam quaerit, speratq; uia: qua semper anhe
 Inuenta, donec placida per munera pacis (let
 Corporea exutus turbarum Labe quiescat.
 Hæc ego, non ut iter Bertuti notius extet
 Id tibi, cum tu eadē per te sapias omnia, sed quo
 Paruula significem uacua conamina mentis,
 Utq; mea si forte aliquid prodesse uirili
 Iam ualeo, tentem currenti subdere calcitr.

LAVRENTIO LAVRETANO PA
 TRICIO VENETO, VARIIS
 modis humanas curas minui.

SERMO. III.

I Laurenti quod nostra legis, docta q; frequenter
 g iii

SERMONVM.

Scripta manu uersas, interq; negocia nugis
 His leuibus prono demittis pectore mentem:
 Id facis, ut lautas epulas, et oluscula coenæ
 Commiscens uni, forsan fastidia tollas,
 Quæ quandoq; gulæ certat præstringere gustū.
 Aut forsan quod et ampla putes pēdere minutis
 Salicet: et paruis, uelut aiunt, magna inuari.
 Vos etenim interdū procures, cū publica cessant
 Munera, migrantes aliò disceditis urbe,
 Posthabito uel opum uel honorum pōdcre ruri.
 Hic aut culta suæ mandantur semina terræ,
 Aut cereris lectas fruges, Bacchi'ue liquorem
 Ferre domum mitē inuat, aut per prata manipulis
 Floridulis implere manus, et tempora fertis
 Vincire, et Zephyri bene olentis ire sub auras.
 Venari'ue palàm quauis ratione, modoq;
 Aut choreis passim ludentem inuisere pubem,
 Agresti'ue etiam, si fas, incumbere Amori.
 Nec minus et nymphis operā dare, ferréq; crebros
 Inter Amadryadas, et Oreadas undiq; gressus.
 Et musis adhibere animum, tum ualle sub ima
 Collibus aut altis meditari, et ludere uersus.
 Sed tamen interea rerum deponere curas
 Non adeo promptū est, quas affert insita semper
 Sensibus urbs imis, quin pars huic maxima mētis
 Seruiat, et parui subito tum cætera pendat.
 Verū hæc ipsa uicem uariantis cuncta medelæ
 Esse loco reputet facile is, qui ludicra uatum,

Vt

LIB. I.

Vt tu, forte legens gratum sibi uertat in usum.
 Ingenui quanquā propria hæc industria moris.
 Sic etiam dulci cantu consueuimus Aures,
 Centuq; fidis suauī complere canora.
 Signaq; sic cælo affabre diducta peracri
 Inspicere artificis digna cum laude solemus.
 Penniculōq; litas docto spectare tabellas
 Pergimus, atq; oculos miranda pascimus Arte.
 Ac uariis ultro illecebris sic deniq; capti,
 Nunc has delicias sani nunc poscimus illas.
 Nimirum humanæ sunt hæc solatia uitæ,
 Quæ dum continuo fluctu uexata laborum
 Fertur, adhuc fessam recipit se prouida portū;

HORTATUR ANDREAM CA
 STRVM, VT INANES
 HOMINVM CV-
 RAS RIDEAT.

SERMO. IIII.

Astre meos inter pars non temnenda
 sodales,
 Quem mihi constanti deuinxit pecto
 re sydus,
 Sydus, quod nobis æqualem temperat horam:
 Vnde tenax semper dependet, et una uoluntas:
 Iam dudum cupio tecum ridere, quod Ambos
 g iiii

SERMONVM.

Nos inuict, et nobis, si quicquam est utile, proſit.
 Eſt ne quod exoptent homines magis, atq; beatā
 Felicemq; diu certatim ducere uitam?
 Nil porro inuenies, quæras licet, et tamen iſt huc
 Viuere quod cupimus, nō unquā uiuimus ipſum.
 Nā bene cui tantū eſt? ut ſi tecū ipſe parumper
 Conſideat, ſubito non ſit tibi mille querelis
 Aurem laturus, tanquam infelicioꝝ omni
 Tunc agat, et nulla non conditione minor ſit?
 At ſi pauper erit, quanquam fortasſe ſuamet
 Culpa mendicat, fatis tamen imputat, et ſe
 Syderibus planè natum mentitur iniquis.
 Pars autem, ſiquid Paulum, minimumq; recedit
 A recta curſus, qua ſe prius ire parafſent:
 Protinus exclamant ſecum infelicioꝝ actum.
 Eſt quem nulla diu delectent gaudia, nullæ
 Blandiciæ, cuncta uſq; adeo faſtidit, et illud
 Quod cupit iā, mox renuit ſtomachofuſ, et odit.
 Sic omnis queritur tantundē, ac dum dolet, omne
 Amittit, propter quod ſic triſtatur, et ipſam,
 Cui tam ſemper hiat, feſtinat perdere uitam.
 Hinc ego diſrumpor riſu, quod uiuere ſemper
 Quæramus, nunquam interea comitante dolore
 Viuere contingat, niſi tu fortasſe uocaris
 Id uitam, triſtis quod circumplectitur Angor.
 Hic igitur riſus meus arridere uiciſſim
 Te cupit, atq; graues animo deponere curas,
 Vt placido mecum ſtudeas deſungier Aeuo;
 Quod

LIB. I.

Quod superest tantum, permittens cætera diuis
Quo se cunq; dabunt, qbus hæc mortalia curæ;

AD VALERIVM SVPERCHIVM,
PISAVRENSEM IN EOS, QVI
SERMONVM VIMPARVM
INSPECTANT.

SERMO. V.

*S*unt Valeri quibus hoc opus, ut te-
me, illico cunctis
spernendum doctis uideatur, et ipse
etiam, qui

Sermones humili affectem distinguere uersu
Diductos facili, puroq; ex ore, nec ullam
splendoris speciem quærentes, donec aperte
Extra depromat Animus, quod concipit intra.
Quis ego sic quanuis assentiar: ut mihi nullam
Hinc laudē studeā conquirere, non tamen ab re
Nunc fuerit, breuibus uerbis fortasse referre,
Quod dño quondā prudens cocus, ille saporum
Per modulos omnis concinnam reddere Cœnam
Curarat, licet huic nulla haud nostratia inessent.
Hic uero, tanquam fatua insint omnia, quæq;
Forte adspernabatur. Cui cocus, aut here nō est
Nunc Stomachus bñ habens tibi, uel nō hæc sapi
Externo monstri nullo condita sapore, (unt, q

SERMONVM.

Grata ualentibus esse solent, et profere sanis.
 Sunt igitur qui nō aliud sibi prorsus adoptant:
 Quā numerū ac strepitū uerborū magna sonātū
 Atq; parū intro aspectant, nec q̄s sensus in illis
 Claudatur, quales ue trahat, q̄bus hæreat apte,
 Attendunt, ut non aliena in corpore membra
 Consistant, uerum simplex uideatur, et unum
 Quod loqueris, nec non pure, nitidēq; relatum.
 Atq; ideo repens per humū Sermo, et bñ cultus,
 Cui grauis, atq; ferax morum sententia subsit,
 Sordibus expleta tantis non aure probatur.
 At docti, quales et frater grandior, et tu,
 Atq; alii, quos nūc numero comprehendere nō ē,
 Hunc admirantur quotiens expendere secum
 Secreti tanquam diuina poëmata possint.
 Et nos, siquid Amor Musarum Proficit, illhuc
 Parui nonnunquam descendimus, altāq; supra
 Spectantes, imā tennes in ualle uagmur.
 Quāq̄, o si dudū quod iam mens augurat, unq̄
 Aduenient sperata meis alta oia uotis:
 Forsitan et sacri tentabimus ardua collis
 Culmina secretum per iter, qua pergere paulo
 Ante ausi, tantum progressi uenimus; illhic
 Hos ut dictarim sub amici nomine uersus:
 Regia magnanimum proles inuicta parentum
 Qui tibi nūc surgunt Iuuenili in pectore sensus.
 Quod ue aio exagitas opus, et q̄ facta, perenni
 Tempore quæ uigeant, tecum meditaris, et alto

LIB. I.

Inquiris studio, nulli cessare priorum.
 Et reliqua his forsannōn dissona, quæ puto, nosti:
 Et quæ nunc monitu Franchi de uertice tanto
 Rettulimus tumidi, nec enim Sermonis erat res
 Exigui, nec humi serpentis uallibus imis.
 Cū primo affatur genitum de sanguine Regum
 Hesperiae: Sacro quem quondā è fonte leuarat:
 Illhic Romanæ dum magna negocia sedis
 Tractaret: nuncq; illi gratetur, quod abunde
 Fulserit in nitidis præpes uictoria pennis;

AD L. PORT. VICENTINVM,
 RISVS VARIARVM
 circa rem litterariam præ
 sertim opinionum.

SERMO. VI.

h Osce Iocos quoniam de me tibi sæpe
 requiris,
 Nunc adeo uacuae mentis cum simus
 uterque
 Experi ar Porti si te contingere possit,
 Qui quocunq; feror, mihi se fert undiq; Risus.
 Quisq; suam primum tanti facit, et putat Artem,
 Ut nihil alterius. seu quod sic callida nobis
 Natura ingenuit: proprios ut quæq; facultas
 Fautores habeat, et se tueatur in illis.

SERMONVM.

Seu quod præcipue laudi damus illa, quibus nos
 Indulgere iuvat, uel quæ nos posse putamus.
 Vnde aliis aliud studium, uariisq; tenetur,
 Afficiturq; Animus, propriisq; incūbit in actis.
 Atq; suo insistens operi, quo fungitur, auctor
 Sedulus, interdum sic se miratur, ut infra
 Se positum quodcūq; putet, duatq; minoris.
 Quin et amicorum rebus capiuntur amica.
 Nonnunq; nimis, et quæ iam fortasse reprendant
 In reliquis, illhic tamen admittuntq; probantq;
 Atq; aliis alios, ut res, præponere certant.
 Est etiam ingenitum multis, ut tempora prisca
 Anteferant nostris semper, laudentq; quod absit
 Longius, et dudum memori se subtrahit æuo.
 Tanquam nulla illis ueniant laudanda priusq;
 Innumera Annorum Series processerit ante.
 Haud eqdē inficior, quod sit ueneranda uetustas
 Semper, et huic partes laudis deberier omnes.
 Sed miror quonā illa modo sibi cuncta pararit,
 Ut reliqui nobis nil fecerit: atq; uolentes
 Hac nos segnitie misera sic sparserit. ut dum
 Magnorum similes fore desperamus Auorum,
 Nil etiam penitus nobis ducamus agendum.
 Sed tamen hæc illi. At contra sunt et quoq; q se
 Temporibus priscis æquent, abstrusa secuti
 Nescio quæ, quæ iam si qua obuia forte fuissent,
 Intonsi horruerint ueteres accedere Tesqua.
 Atq; ita per salebras omnes, et iniqua locorum

LIB. I.

Huc illhuc lati offendunt, ut iam rear illis
 Callofis cunctos pedibus subuertier ungues.
 Quid? quibus haud artes possunt satis esse priorū.
 Aut qui de rebus cunctis permulta loquuntur.
 Qui ne student aliis docti apparere tacendo.
 Et qui uelle assuere, et fastidire uicissim
 Omnia, nec gustu deduci prorsus ab uno.
 His igitur cum tu occurris sæpissime Monstris,
 Nam raro haud credo, risus inhibere potes? ne
 Exiluisse tibi toto de pectore certent?
 Atqui ego ad hos pridem facile te, me, Hercule
 Ex quo iecisti Salsos in Castora Lusus, (nouī:
 Castora, qui demens dum respondere parasset,
 In se plura quidem, quam tu, contraria dixit.
 Ipse etenim ut de me fatear, quod forsā habebit
 Offensos quosdam, non possum ferre, nec intra
 Cur teneam, ac saltem labiis inspergere summis
 Non ualeam, uideo: facilis quod me quoq; risus
 Nec tamen effusi finxit Natura Cachinni;

AD IULIUM, SERVI PERRARI
 PROSOPOPEIA.

SERMO. VII.

I uacat interdum per tanta negocia
 Iuli
 Quæ geris, exigui non nil audire
 parumper,

SERMONVM.

Hoc tenui Sermone uelim tibi pauca referre.
 Vtpote qui cupiam rationem reddere uitæ
 Exactæ domino seruus bonus, atq; futuræ
 Quod superest quonam studeā traducere pacto.
 Hic igitur placidā, quæ sō, mihi commodet Aurē,
 Quæ nunc, quæ semper tibi erit clementia cordi.
 Ex quo me puerum Pater huc accedere iussit
 Prudens, ut tenerum primis formaret ab annis:
 Ex illo tantum teneor uirtutis Amore:
 Atq; adeo illius presso uestigia passu
 Insequor, officio nulla ut per tempora desim,
 Quin illi insistam semper, ne transfuga partes
 Inferar aduersas, neu certa relinquere signa
 Imperer, à recta paulum inclinare coactus.
 Hinc mihi perpetuus circum præcordia feruor,
 Exiguæ quanuis maneant, intendere uires
 Semper auct, quibus ipse quæ per condita rerū
 Inuolucra expediens, atq; extricatus abire.
 Dulcibus hinc etiam Musis incumbere certa
 Lege iuuat, seu cum grauibus dissoluere curis
 Pectus iners studeo, seu cum perfundere mentem
 Est opus illecebris, et honesto inspergere ludo.
 Nec minus interea gratum est, si quantulacūq;
 Sedulitas nostra est, omni tibi tempore seruit.
 Si quoq; et huic glebæ iam nunc inducere semen
 Instituo, unde mihi spes est non uana tuarum
 Mox rerum similem cumulo desumere frugem.
 Hic mihi continuus uitæ tenor, hūc mihi semper

LIB. I.

Ipse Deus, quo me uoluit consistere, seruet.
 Nec mihi sit potior uia, quam quæ tramite recto
 In tua, si quicquam declinem, iussa reducit.
 Ne quod forte leui Formicæ contigit olim
 Arguar exemplo illius uitare nequisse.
 Hæc igitur mores hominum mirata, quod uno
 Sæpe loco nequeant contenti degere, uerum
 Nunc has, nunc illas mutare, et quærere sedes,
 Constituit secum peregre semel ire per orbem.
 Et iam nescio quot spaci prorepserrat ulnas:
 Cum caput ecce nitens detracta pelle Caballi
 Offendit, spectatq; admirans: moenia magnæ
 Urbis cœu uideat: circūq; hinc fertur, et illhinc:
 Atq; aditum quærens tandē multa ingreditur ui.
 Nec momenta trahit breuis æui cuncta pererrans
 Indefessa, petit donec perplexa latēbras,
 In quibus esse solet sedes non æqua cerēbri.
 Tum uero læta inquit, et est hæc regia summi
 Principis, et nullis habitatur gentibus, ergo
 Nostra erit, atq; animum mox concipit, et sibi iā
 Diues, et inuenti regni Regina uidetur. (tum
 Verum ubi nox illam admonuit potusq; cibiq;
 Speratæq; simul sensit uacua omnia frugis,
 Mane cauum repetens, Regalia munera ridet,
 Et se, tam fatue sibi quod tum credidit, odit.
 Hæc adeo permulta ualent ad commoda uitæ,
 Paruula sint quis: neq; enim nō ulla putandū
 Auxilia interdum è tenui contingere posse.

SERMONVM.

Extentos in casses Brutorum inciderat Rex:
 Non multis nunc te, brevis est Fabella, morabor:
 Hunc forte intorto exiguus Mus sune reuinctum
 Quadrupedē, et toto porrectū inuenit in Antro,
 Cuius opē implorat supplex Leo, at ille capeffit
 Iussa lubens Dñi, prope adest, et uincula rodit.
 Hic abit, et grates poterit siquando, referre
 Pollicitus, parua ui magna pericula uitat.
 Illhuc nunc redeo, primus defluxerat unde
 Iam Sermo. Haud ullis opibus peruincere quisq̃
 Posset, uti longo, durati tempore moris
 Tantillum imminuā, Primū ut nō prosequar oī
 Cura, opera, officio teq; et tua iussā, Sercno
 Aspicias uultu modo me. Deinde optima siqua
 Apparent, non usq; uelim pedibus, manibusq;
 Vt uetus est, et adire, et complecti, ut mihi uires
 Spirarit modicās natura, atq; auxerit usus;

HIERONYMO BONONIO POE-
 TAE TARVISINO.

SERMO. VIII.

Visq; suum sequimur sydus fatale
 q Bononi
 Quo trahit, et nobis illud sic impe-
 rat, ut uix
 Effugiat quisquam Mandata subire, licebit
 Sit

Sit nulli penitus hominum parere necesse.
 Hæc tibi doctorum sententia prisca uirorum
 Hæreat, hæc nulla est potior, nec sanctior ulla.
 Sic dum forte graui et constanti ducimur Astro,
 In duram morbi speciem deuenimus ipsi.
 Ille etenim Maia genitus, qui præstat ad usq;
 Doctrinas aditum quærentibus et studiosis,
 Haud satis ipse habilis, faueant cui cætera cœli
 Sydera, destituit, quondam quos fouerat, omnes.
 Hinc ego, qui Musis, ut parua in carmina uires
 Incumbo, et conor uulgi me demere turba,
 Syderis haud ualui sortem uitare malignam.
 Nec nobis, ut ais, studiorum grata meorum
 Sedulitas nocuit, potuisset nam quid obesse
 Quod facias certe moderanter, quodq; libenter?
 Nec mirere, grauis si nos premit impetus Astri,
 Namq; uides mutata quidē nunc tempora rerū,
 Atq; eadem longe diuersa prioribus: unde
 Tam cito? ni commota feri uiolentia Martis
 Sæuiat, atq; atrox Saturni stella moretur:
 Quo Iouis, et Veneris fauor adsit, Mercuriusq;
 Hæreat ipse malis, celeres et Luna meatus
 Appropere Sæuā in Rabiē, sed et ipsa recondat
 Lumina Phœbus item, Phœbus, q̄ lumina præbet.
 Non'ne uides, ut nunc omnes in Bellica raptis
 Festinent Animis, modo qui sic munera pacis
 Gaudebant tanta placidi tractare quiete.
 Salicet ille ferox uertit qui Martius Ardor

SERMONVM.

Omnia, nunc cunctis cœlestibus imperat, alta
 Parte poli Dñs residens, et cuncta ministrans.
 Nec tamen hæc tantum nobis cœlestia credas
 Ostentare, sed his multo grauiora minari,
 Exilium, Tormenta, Fames, Incendia, Pestes.
 Diluvia, exhaustusq; maris, terræq; tremores.
 Fulmina, Terrores, Tonitrus, Fulgetra, cometas.
 Bella sed imprimis portendunt horrida Bella,
 Quæ fore iã posset q̄squis præscire, quod atrâ
 Principibus mentem uideat Bellare paratis.
 Ad quos pro se quisq; preces intendere supplex
 Debeat, ut tantis desistant, et mihi iam nunc
 Carmine sublimis libet exclamare poëtæ:
 Ne procures, ne tanta Animis assuescite Bella.

IOCVS.

SERMO. IX.

Qui me tanti uoluere in luminis
 o Auras
 Prodire, et tenebris exemptos noctis
 opacæ
 Vitare obstantis scopulos, et ducere tandem
 Fluctuagam i tutum maria alta per oia Cymbâ.
 Déinde per Apricos late loca proxima Campos
 Ire, quibus uerni spirant uiridantibus æqua
 Temperie Zephyri, quibus et cum floribus herbæ
 Non

Non æstu, non ui concreta frigoris arent.
 Et noctæ absistunt uolucres, nec lubricus ullis
 Innatat Anguis aquis, nec humi mala uipera ser=
 Nulla nec absistit fera, quæ uiolenter adûcis (pit.
 Vnguibus ingluuiem, rabidis aut dētibus explet.
 Plurima sed querulis Auium concentibus Arbos
 Directa in numerū resonat, nemorīq; Canora
 Vmbriifero, et uitreis respondet fontibus Echó.
 Hinc calathos replet fruticis Pomona beati
 Fœtibus, inq; sinus florum Dea ueste reducta
 Texit odoratis residens uiolaria Sertis,
 Quas inter fœcunda Ceres spaciatur, et illi
 Ruralis pleno colludit Copia cornu.
 Tum lento Charites uideas incedere passu
 Permixtas Nymphis uarie ludentibus ampla
 Planicie, at Satyros illis intendere passim
 Insidias, contra Satyris illudere Nymphas.
 Interea uolitans circumq; supraq; Cupido
 Intendit solidum cornu, exhauritq; pharétram.
 Lusibus Alina parens illi comitata, Iocisq;
 Respondet paribus Curis seq; inserit ultro.
 Exercet uiridi Choreas in gramine Bacchus,
 Ambrosio intonsos perfusus odore Capillos.
 Pampinea insertis ornatus fronde Corymbis.
 Exultatq; hilaris Genius, gestuq; soluto
 Inuitat resides Animos. Tum pocula fessis
 Lemnius exporgens large Deus ipse ministrat.
 Et facie informi risus, et dispare gressu

SERMONVM.

Commouet, haud renuens ludenti parcere tur =
 At multo imprimis senior prolutus Iaccho (bæ.
 Silenus, somnoq; oculos subeunte grauatus,
 Forte ut erat pando recubans, summotus A fello
 Labitur. Hunc Fauniq; et monticolæ Satyrisqi
 Circumstant fremitu ingenti, pars tollere prona
 Instat humo suum uiridi, pars tempora circum
 Exanima infundunt resouentis corpora Rores.
 Accurrunt ueste undanti passisq; capillis
 Naides in risum effusæ Dryadesq; puellæ.
 Hi super impositum dorso capitq; sub Antri
 Sublimem fessi referunt, ubi diua uoluptas
 Præsidet umbroso sub amœni culmine collis;

AD LAURENTIVM ABSTEMI
 VM, CUI SERMONES SVOS
 COMMENDAT, QVOS
 eius hortatu ediderit;

SERMO. X.

I quid Laurenti est, quod quos haud
 uidimus unquam
 Cogit amare, hoc est imprimis splen-
 dida uirtus.
 Est deinde absentes, si nos sentimus amari.
 Verū ut te obseruem, uirtus, an Amor faciat, quo
 Me sic absentem dudum complecteris absens,
 In

In dubium merito quisquam reuocauerit, ut qui
 Vtrorunq; pari perpendat pondera lance.
 Nō tibi postremus datus est locus inter honestos,
 Et nostri doctos æui, sed proximus æquas:
 Qui frustra studiis alios præcurrere certant.
 Hoc habet ut iusto te prosequar æquus honore.
 Sed quod nos et nostra tuo dignaris Amore,
 Mutuus hunc contra affectus debere fatetur
 Se meus, atq; pari gratæ par gratia menti.
 Nam quod Epistolio suauis me hortaris, ut edā
 Carmina, quis olim dulcis affabar Amicos,
 Hoc Amor, haud res ipsa, facit: qui plurima cæ
 Nec sentit sparsos i amato corpore næuos. (lat,
 Nā quid habere potest simplex in carmine risus?
 Quod lector prudens simul et doctissimus optet.
 Lusi equidem, fateor, Musasq; sub hæc quoq; uidi
 Nobilis ima iugi lento procedere passu:
 Vidi ipse audens, nec facile ipsa hæc tenuia lusi.
 In tenui quanquam labor unā, et gloria certet.
 Quæ quoniam cupide sic expectare uideris,
 Permittam: uelut è nido quandoq; relictæ
 Matre, leues pulli exiliunt, temerèq; feruntur:
 Nostra tuo ut monitu genitorem pignora linquāt.
 Tu commissæ tuæ fidei quocunq; uagari
 Ne finito: inq; plagis ne tendant illa, cæueto.
 His etenim, ut mos est hominum, tenduntur ubiq;
 Retia: uitali fruitur donec pater Aura
 Præsertim, nam quod uiuat pater officit illis.

SERMONVM.

Sunt tamen egregii moris, qui pondera rerum
 Expēdunt, nec, nūc ne supersit, sit'ue q̄s auctor,
 Tunc animo aduertunt, filo cum ducier uno
 Cuncta uident, uno pendere, et pergere ductu:
 Iudicio quibus acri et recto prædita mens est.
 Hos opus, haud auctor mouet, aut millesimus an
 Sed ueluti si quis tabulæ pictoris inhæret (nus.
 Obtutu primo ignoti, quia picta placent, mox
 Nomen laudandi artificis, patriamq; requirit:
 Vt magni faciat, cuius spectauerit et rem:
 Sic et prudentes doctiq; aliena tuentur,
 Vt sua: collaudātq; fauentq;, quibusq;, nec ante
 Inquirunt cuius, quā lecta frequenter honeste
 Laude palàm merita, si laude hæc digna putetur:
 Auctoriq; diu uitam, quo plurima ludat,
 Exoptant, illiq; simul gratantur et Aëuo:
 Sub quo contigerit nascenti adolere poetæ.
 Quales ipse quidem, si fas, ueneratus adoro
 In terris, qui sacra ferunt nitidissima diuis
 Aoniis inter Nymphas, et numina summi
 Verticis, unde latex per gramina dulcis Hymeti
 Diffluit, et fuluo flauescit purior Auro;

IOAN

LIB. II.

IOANNIS AVRELII AVGVREL
LI SERMONVM LIBER SE=
CVNDVS AD N. FRAN
CHVM PONTIFI=
CEM TARVI=
SINVM.

SERMO. I.

f Lorentis quondam memores, dul
cisq; iuuentæ
Lusinus, et teneris non nil permi
sinus Annis,
Sive elegis, seu mox Lyricis, nume
risq; modisq;

Disparibus uotum mentis mihi musa reclusit.
Et poterã, et certe nunc tandē Franche quiessem,
Nī tua me cum sæpe aliās, tum commoda nuper
Gratia summoisset residem, uel nempe uacantem
Diuersis multo studiis, dum reddere grates
Ipse tibi quantum ualeam contendere conor.
Ac neq; grata magis mihi, nec iocundior ulla
Res fuerit, quam si uidear te digna locutus,
Et grauibus tantas pertingere uocibus aures.
Sed quis erit modus? aut ubi nā consistere primū
Mens queat? an quo iam soliti decurrere campo,
Pertritoq; pedem et uulgato calle feremus?
An ne illud potius quod amat maturior ætas,
h iiii

SERMONVM.

Et tua præ se fert toto reuerentia vultu,
 Illud erit nobis iter? ut per denia longe
 Multum errans, seseq; inter variabile vulgus
 Linquentes, nos et recta, et vix cognita paucis
 Semita perducit, qua se iis Angustior offert.
 Pierides vos hunc, neq; enim nescitis ut altum
 Tendit iter, breuib; spaciis ostendite callem:
 Et date scandenti facilem per iniqua laborem.
 Difficilis quondam fuerat, nec acumine paruo
 Quæstio prudentis inter uariata priores:
 Ecquis erat rerum propria sub imagine finis
 Quærendus nobis, an num foret usq; uagandū:
 Inuenta huic grauior succedens altera suasisit
 Quenq; sibi, ut sua dictaret, ferretq; libido,
 Et facere et seruare modum finemq; bonorum.
 Nanq; ut constiterat semel hūc unū esse, neq; ultra
 Tendendum, at contra simul huc humana referri
 Omnia, tum uarie quæsitum quid foret illud:
 Quo se dirigerent homines, et cuncta referret.
 Hinc alius aliud uisum diuersa secutis:
 Vt uirtus, ut honos, ut opes, ut serua uoluptas.
 Hæc ego dum grauius mecum pro parte uirili
 Exagito, intereaq; hominum prænosse necesse est
 Officia, occurris tum tu mihi quantus in illis
 Visus es, atq; etiā appares, cum publica tractas
 Et priuata pari uirtute negocia, cumq;
 In magnis paruisq; unus uidearis et idem.
 Atq; hæc cum ueluti diuina mente profecta
 Eueniant

Eueniant, quodcumq; tibi semel ore uel alto
 Pectore consilium exciderit, tum protinus illud
 Quis opus est, cœpere boni, sanctumq; tuetur.
 Hinc adeo, quod sæpe tibi quã plurima summi
 Iniunxere patres, quæ mox effecta dedisti
 Omnia, diuersi non unis partibus orbis.
 Externos etiam hinc reges cum missus adires:
 Multaq; cū faceres his grata et magna referres,
 Perficias, ut miro te complectantur Amore,
 Quæ durasse uelit et adhæc quoq; tēpora seruet.
 Hic quoq; quod magno sacrorū munere functus
 Ad uenetos proceres, nulli quod contigit ante,
 Septenos illhic totos impleueris annos.
 Quin tuus hic populus, moliri publica postquã
 Desisti, et propius iam pastor ouilia seruas,
 Non speculatorem custodem'ue inuidet ulli:
 Et te, si fas in terris, ut numen adorat.
 Ipse etiam, nam parua solent adistere magnis,
 Ponè sequens, atq; hæc trāquilla mēte uolutans
 Quod possum, ad Musas aditus et carmina tēto:
 Ut tua me, dū fata sinunt, benefacta canentem
 Audiat et præsens, nec postera nesciat Aetas.
 Haud secus egregii nates habuere Benignis
 Principibus meritis grates, et digna tulerunt
 Præmia, nec poterāt iis quicquã reddere maius,
 Quã laudē, Aeternumq; manēs i secula nomē;

SERMONVM.

AD IOANNEM ANTONIVM
SCHOLAMFRANCHI PON

tificis Nepotem exhortatio
ad uirtutem.

SERMO. II.

U^r Schola radicem perhibent Virtutis
amaram

Esse, sed illius mira dulcedine plenos
Latius effusa pendere ex arbore fructus?

An cum sola queat facere et seruare Beatos,
Hæc eadem uoluit præ se quoque ferre labores?
An uero in culpa est animus? qui mollis et æger
Expertem morbi causatur, et improbus ipsam
Virtutem uitio cogente libidine miscet.

Namque capefcenda nihil in uirtute laboris
Vsq̃uam erit, ardenti tibi si generosa uoluntas
Affuerit, quæ dura ualet mollescere, nedum
Suauia complecti studioso pectore possit.
Principiis si forte tibi grauis illa uidetur,
Haud ita credideris uere, sed sensibus intus
Corruptis aliam tunc apparere, nec illa
Indutam specie, qua debuit esse, uideri.

Ac ueluti affectis quanquam sint dulcia gustu
Apposita, ingratus sensum deludit Amaror:
Sic quibus ulcus inest animo, quod dira cupido

Fecerit, ii nequeunt oppressæ mentis acumen
 Exerere, ut norint quantum disiuncta labore
 Aeternum socia coeat uirtute uoluptas.
 Tu genus hoc hominū, mala ne cōtagia serpāt,
 Euitato prius, quam duci robore firmo
 Incipias, et adhuc teneræ sunt pectore uires:
 Nanq; exempla tibi ne sint aliunde petita,
 Ipse domi quæ imiteris habes, seu ducere uitā
 Doctrinæ iuuat in studiis, seu rebus agendis
 Exercere uelis, famamq; extendere factis:
 Hinc Auus, hic præsto sit auūculus, et tibi calcar
 Currenti adiiciant, ille ut suspendat in altum
 Egregie mentem nosti, siquando per ignes
 Aænsam æthercos coelesti lumine replet.
 Hic uero ut latis humeris Ingentia rerum
 Pondera sustineat, quotiens est iussus obire
 Munera, quæ nulli melius mandauerit unquā
 Pontificis summi Maiestas, nec quibus alter
 Assuetus plura diuerso gesserit orbe.
 Hi tibi Ductores igitur sub lumine tanto
 Præapuum Callem ostentent, quo pergere tutus
 Arboris ad summum, atq; acri radice relictæ,
 Virtutis ualeas dulcis contingere fructus;

SERMONVM.

AD N. FRANCHVM, VT POST
MULTOS LABORES
quieti tandem se dedat,
Hortatio.

SERMO. III.

*St operæpretium cum primum è lit-
e tore funem*
Soluerit, et sese dederit Moderator in
altum,

Vt minimo quocunq; etiam in discrimine, curæ
Omnia sint illi, saluum si seq; suosq;
Esse uelit, ualida cum tempestate feretur.
Sic cui contigerint rerum moderamina, nullo
Nanq; minore quidē in fluctu iactabitur, omnē
Vim teneat, simul et rationē Frāche necesse est:
Qua consurgentis ualeat superare procellas.
Hinc solitos Reges nosti conquirere toto
Ex numero egregios uirtute, et moribus aptos,
Qui sibi consiliis præsto prudentibus adsint.
Quid maris i tanto grandi sub pōdere pressam
Nauiulam summi patris exercere putandū? et
Quam uario curarum illum sub fasce teneri?
Cum tu, quem Cymbæ tua te prudentia fecit,
Huius ut interdum posses tractare rudentes,
Et uastum extento pelagus decurrere linteo,
Tot nunc sustineas et tanta negocia, quorum

LIB. II.

Maius onus super inducis, quam ferre tuis est
 Par humeris, qui multa diu tam magna tulerūt.
 Nec subit interea quā uanum è marmore litus
 Spectare, ut tuto ualeas te condere portu,
 Ni semel incipias illhuc torquere carinam.
 Quod si forte roges ubinam locus ille quietis:
 Montibus his possim tibi respondere tuismet
 Innixus uerbis, et re quoq; nanq; salubri
 Temperie cœli præstant: ut qui pote nunc te
 Tam cito reddiderint sanum recteq; ualentem.
 Suppetit hic etiam cunctarum copia rerum.
 Est et Amœnus ager secessibus undiq; septus:
 Mens ubi turbarum cumulum deponere possit.
 Nō tamen hic quanuis tot rerū est præditus usu:
 Excutiet solitas ægro de pectore curas:
 Est animus nisi cōpositus: qui se quoq; dignum
 Ipse loco faciat: qui clauum dirigat, et qui
 Hæc subeat sospes plenis semel hostia uelis;

TRYPHONI CHABRIELO PATRI
 CIO VENETO. QV I CVM EA
 ridet, quæ uulgus admiratur.

SERMO. IIII.

Ic tuus huc aditus fuerat mihi Ca =
 h rior auro
 Care Tryphon, abitus uerū est insuauis, et ipsa

SERMONVM.

Non Aloë nec felle minus inamabilis, ut qui
 A nobis tacitus discesseris atq; repente.
 Nec triduum totum, ut soliti conuiximus una,
 Forte domi utriq; pluuiis niuib; retenti.
 Sed quoniam sic ipse tulit casus, tibi nunc quæ
 Cœpimus, expediam sermone hoc, non sine risu,
 Qui sapit interdum rebus cum spargitur apte.
 Si quæ magna uocant, et quæ clamoribus explēt
 Grandibus, inspectes, paulo differre uidebis
 A minimis, et ab iis, quæ iam puerilibus annis
 Egerunt curis leuioribus atq; iocosis:
 Omnia cum facerent commoti sensibus æque,
 Ut Dominis, et nunc etiam impellentibus iisdē
 Hæc maiora gerant, sed solis non tamen iisdē:
 Quippe quibus male mens accessit praua sororū
 Agmē agens trepidū secū fraudū, ambitionūq;
 Inter auaritiæ sordes, et tædia luxus.
 Ac ne te multum morer, aut te longius ire
 Permittam. scis ipse quidem, quod ubiq; pateſcit,
 Interdum quam uana fides mortalibus obſtet
 Optata ne pace diu fortasse fruantur.
 Nunc ictum est, cœuntq; simul, nūc gaudia toto
 Magna foro, ride. Nunc uicinus, omnia, ride,
 Prospera erunt, sed enim nō longū tempus, et ipsi
 Nunc socii, mox aduersis stant partibus, cia
 In fraudes iterumq; iterumq; in falsa recurrent
 Fœdera momentis breuibus, ridere nec optes?
 Ludentis pueros modo si differre solutis

Lusibus, unanimes modo consentire uiderem,
 Quæ leuiores darēt mihi tum spectacula? uel q̃
 Maior abundaret labiis de pectore risus?
 Iidem etiam miranda putant, et maxima rerū
 Prælia, tumq̃; duces primores esse uirorum.
 Ast ego sic reputans opera esse immania bella
 Improbo, nī proceres melioris gratia pacis
 Mouerit, armaritq̃; bonos defensio iusti.
 Pacis amant nā sacra boni, quibus ipsa benigne
 Natura ingenuit mitem sub pectore sensum.
 Hos aut ipsa parens rebus præfecit agendis
 Iustos, prudentis, et fortes, atq̃; modestos:
 Quorum plena bonis uita est, et plena laborum.
 Aut statuit similes coelestibus, et sapientes
 Edocuit rerum causas, et præbuit illis
 Aurea felicem duxisse per oia uitam;

ALOVISIO ALEOTO. C. TAR.
 QVEM VT RVS SE CONFE-
 RAT, HORTATVR.

SERMO. V.

Er redit: et mare nos adiens trans =
 mittit hirundo:
 Tu tamen Urbis adhuc Aleote nego-
 cia curas:
 Nec uenit in mentem Pansaci gratia collis:

SERMONVM. 313

Vt se uere nouo passim pulcherrima profert :
 Quo te multiplici gestit conscendere cultu .
 Vrbe tibi : atq; tuis : et amicis plurima tractas :
 Posthabeas tua amicorum uelut omnia rebus :
 Grāde qdē munus : quod te uulgo exapit unū :
 Et te : dum terris agitas : cœlestibus addit .
 Rure alis et resoues ualido cum corpore mentē :
 Aptā quies, facilisq; labos cum temperet illis .
 Cuncta hic læta die : sunt grata hic oīa nocte :
 Cum defessa leui requierint membra labore .
 Parua cauo : dum sæuit hyems : formica sub arcto
 Consumit : quam tota æstate parauerat : escam .
 Mox eadem ē latebris : terras cum Sirius urit :
 Exilit : et densum sub diuo mobilis agmen
 Explicat : atq; suum properat sibi quæq; laborē
 Sedula, persistensq; operi . Sic forte sub iisdem
 Temporibus nobis ruri, uel in urbe morādum :
 Sunt hominum diuisa etenim sua tēpora uitæ :
 Si non hæc eadem prauus præuerteret usus ;

AD RISVM ITERVM CASTRVM,
 QVICVM ALTERO SERMO
 ne humanas curas riserat, inuitat .

SERMO . VI .

• Astre iterum tecum, Nam tu nec te=
 mnere nostros

Iam

LIB. II.

Iam pridem, et tales consueſti quæſere riſus,
 Tecum aueo rurſus non nil ridere, quod ultro
 Seſe offert dignum noſtro propriumq; cachinno:
 Hic igitur, ſiquando tibi mens ipſa iocoſis
 Apta fuit rebus, ſiquando admittier intra
 Ridiculos uoluisti, alios dum tangere riſu
 Poſſes, hic facilem da te mihi ſic, ut et ipſe
 Dum rides, turba uenias deriſus ab omni.
 Quæ bona ſunt, quæ non, uulguſ neſcire fatetur
 Interdum, quotiens illi non ulla libido,
 Quod raro eſt, menti tenebras offuderit altas.
 Interdum uero ſemet miratur in illis
 Noſcendis, nec ſe melius diſcrimina habere
 Horum aliquem credit, quorū præcepta ſub alta
 Pulpita denſum humeris, et hianti perapit ore.
 Quale uidebamus nuper: dū ſancta frequentât
 Munera, quis altum ſtruerent pietatis aceruū:
 Mane frequēs, mixtumq; uiris, tenerisq; puellis,
 Et ſenibus, puerisq;: quibus fuit anxia cura
 Ante locum capere, mediis quē ſorte ſub umbris
 Optaſſent, uel iam prima ſub nocte paraſſent:
 Ut prope ſtipati, arrectiq; propinquius aurem
 Hinc percepta domū ſenis almi dicta referrent.
 Hunc ergo et ſimiles populus cū audiuerit apte,
 Facturū ne putas aliquid? quod iuſſerit horū
 Vnus, ſit quanuis uere ſapientior illo,
 Qui quondā è terris ſublimis ad æthéra raptus
 Proximius ſuperos, et cœlum uidit apertum:

S E R M O N V M .

Haud quaquā id credas , nam cū discessit , ibidē
 Præcepta , et leges iussas , moresq; relinquit
 Protinus , et retro sua per uestigia fertur .
 Aut etenim uanos iterum perquirat honores :
 Aut ipsū aggreditur rursus male sana uoluptas :
 Aut si sordidior paulo est , quod sæpius illi
 Contingit : duræ per mille pericula mortis
 Currit ad immodicos quæstus , paruumq; lucellū .
 Singula ne memore : tot ducitur improbus inde ,
 Perdita , quot miseris turbantur pectora curis .
 Nimirum prorsus aliud sentitq; , probatq;
 Esse bonum : quam quod totiēs audiuerit , et quod
 Extollunt meritis in cœlum laudibus omnes ,
 Dogmata qui ueris sanctissima uocibus ornant .
 Ducit enim imprimis uenerādum , quod sua cuiq;
 Suadet inops Animo molli , dictatq; cupido .
 Nec magis exoptat aliud , quā quo caret , et quo
 Indiget , id finem solum putat esse bonorum .
 Hinc aliquos uideas , quis non hæc riserit ? ire
 Præcipites tanquam catulis mordacibus actos .
 Inde alios contra tardæ testudinis agro
 More , modoq; gradu metitos omnia certo
 Pergere , et emensos numero cōprehendere gressus .
 Hos inter , medios quosdam : quos sic modo lētos
 Nunc sic præproperos momento temporis uno
 Inuenias , sic se diuersos prorsus agentes ,
 Penè ut dissimiles , nec eosdem dixeris esse .
 Nec sese in pluris species præbere uidendum

Id

Id reputes animal, solitum quod quenq; referre,
 Quem subter dederit dorso, attigerit ne colore:
 Quam uarie cupiunt illi, quæ non cupienda.
 Quid? quos exagitat tristis metus, et sibi semper
 Conscia mens, quanto spargi pallore uidentur?
 Ut non illa quidem tantum liuere putarim,
 Quæ simulacra modis referunt pallentia miris
 Nocte intempesta fieri mortalibus ægris
 Obuia, quos lemures, et laruas dicere, et horcos
 Humano placuit uano, miseroq; timori.
 Non ne tibi effusi penitus de pectore risus
 Proueniunt? cum sæpe leues obrepere causas
 Mox animo cernas quorundam, qui sibi regum
 De nihilo uel opes, regna et sublimia fingunt.
 Atq; ideo elati supra quam dicere promptum,
 Incedunt: fatuæq; solent gestire per omnes
 Lætitiæ numeros, ut inani concita flatu
 Concepto interius fertur pila: quæ iuuenili
 Impulsu plateas, et compita saltibus implet.
 Quo me, quo rapitis tristes? quos usq; dolori
 Hærentes, semper uilis querimonia turpat.
 Quantos sæpe mihi risus mouisse putatis
 Post fractas uoces, turpisq; ex ore querelas,
 Hos etiam uestros nigra caligine uultus
 Inpersos? minima de re fortassis: ea uel,
 Maxima quæ uobis ueniat licet, attamen illi
 In promptu non est succurrere, uel sibi nullâ
 Admittit, qua possit, opem: defecta leuari.

SERMONVM.

Quid non audistis sapientem dicere? nunquam
 Tale in se cadere, scie uos hæc sæpius: et nil
 Ex illis uobis fieri. Quare mihi risus
 Duplicat hic merito. Tu dulcis promptius ergo
 Castre mihi arride. Multumq; insana putato
 Hæc opera, et qcquid uulgus sapit, effuge sanus.
 Neu nimum quicquã cupias, me tuas ue, nec ipsa
 Gaudia secteris nimis, et super omnia tristis
 Amouedas curas: Quæ, quanuis cætera possint,
 In sapiente ullo nequeunt consistere pacto.
 Nec tu materiam ridendi præbueris te,
 Qui solitus reliquos salibus cõspergere honestis.
 His ego te affari, et tecum quoq; ludere amice
 Nunc uolui, et multis aliis ridere parabam:
 Sed nouus, et uere risus præuertit, ut ipse
 Vix me contineã, quin summa in gaudia ducat:
 Lætitiãq; feram præ me fortasse seueris
 Et grauib; nimiam. Sed quis lætariet ullum
 Tam ueris solidisq; bonis permittere nolit?
 Ne uero lateant te quæ mihi prospera nuper
 Contigerint, ualeamq; meis componere rebus
 Participẽ: rursus pauca hæc te i uerba morabor.
 Nouisti quem fors mihi Amicum præstitit, uno
 Hoc forsã felix, cum sit contraria sæpe
 In reliquis: et nos uariis Iactarit iniquis.
 Hunc igitur modo dum magnis de rebus ad urbẽ
 Itq; reditq; etiam in uenetos, formidine multa
 Plena ualitudo innasit, qua pluribus ille

Nocte

Nocte die grauiiter uexatus, uincere tandem
 Vim sæuam morbi ualuit, diis gratia, nuncq;
 Ut solet, aggreditur iã grandia munera summis
 Viribus, et summo uariũ atq; fidele ministrat
 Pontifici officium, quod non tractauerit alter
 E re christicolis melius, nam præter honestam
 Et multam, quæ illi manet experientia rerum,
 Ingeniumq; potens, nihil huic sine numine diuũ
 Arbitreris agi, tantum uirtutibus æquam
 Ipse adhibet mentem, tantum Ludibria uulgi,
 Relligione patrum seruata puriter, odit.
 Quin'et ad hũc ipsum risum quandoq; uocari
 Iure queat, tales nobis qui condere lusus
 Præstitit, atq; alios grauiiores, quos puto, ut ille
 Adueniet, dabit unde alios superaddere possim.
 Hunc ut mi incolumem seruent et tu quoq; mecũ
 Orato superos, neq; enim concedere quicquam
 Nunc illos cupio nobis, et reddere maius.
 Nec minus interea mecum tamen aspera sæuæ,
 Quam dicunt regnare, feras conamina diuæ,
 Et quotiens sese contra dabit, obuius illi
 Fortunam supera uirtute, et fortibus ausis;

SERMONVM.

AD IO. ANTONIVM SCHOLAM,
CVM EIDEM VARIA AMO-
rum genera declarauerit, ad id,
quod præstantissimum
est, adhortatio.

SERMO. VII.

Vo feror? unde abii? quæ me malefa-
na cupido

Immutat miserum? cur non eadem
mihi cordi?

Quæ nimis, atq; diu tātum modograta fuerūt.
Cur quod displicuit dudum, nunc omnibus oro
Supplicis superos? ut idem concedere nobis
Dignentur, uotisq; omnes ueneratus ad aras
Procumbo, et solū hoc duro cum corde uolutās
Imprecor, ut uotis cedant contraria uota?
Ah fatuum sperare diu mortalibus ullum
Incolume: Ah quid misero mihi tale timerem?
Cui promissa fides, et tot seruata per annos
Tam cito fortunæ fuerit resoluta ueneno,
Concideritq; breuis momento protinus horæ.
Hæc ego præteriens Antoni uerba querentem
Audiui Iuuenem, memori quæ mente notauī,
Et mecum illius sortem miseratus iniquam
Acceſsi, et propius, quod erat mihi forte sodalis,
Percunctor tanti quæ nam sit causa doloris.

Ille

Ille autē neq; ad hęc mihi respondere, neq; ullas
 Tum consolantis uoces demittere ad aures:
 Immodicā sed uim lachrymarū effundere: meq;
 Inspicere, amplectiq; amens, donec prece uictus
 Tandem uix posito fletu, sic hiscere cœpit.
 Heu duram alterius sortem ne quære doceri:
 Villo quæ nunquam ualeat mollescere pacto.
 Et nihil infidum credas magis esse, neq; Atrox,
 Quā muliebris amans animus: si forte parū per
 Intentumq; prius, solidumq; remittat Amore.
 Hęc tantū: et rursus lachrymis cōplexus obortis
 Discedens ultro miserantem me ille reliquit.
 Quo nunc attonitus factō, uix credere possum.
 Vllam adeo ingratae mētis: quæ fallere tantum
 Nedum permittat, sed dedignetur Amantem.
 Ecquis tam patiens, nanq; omnia scimus, amauit?
 Tam'ue diu tantos potuit perferre labores?
 Quis coluit Dominā numeris potioribus? et q̄s,
 Pressius ut dicam, plura illo dixit in usum,
 Aut fecit cuiquam? sed enim sic cuncta uicissim
 Orbe rotant, et præcipue uertuntur Amores.
 Quare quo tenera est ætas magis hęc tua, tãto
 Est mihi par super his te per nonnulla morari:
 Quæ tibi nunc profint, et forte salubrius olim
 Adsint, cum ueniet eadem maturior annis,
 Principio mollem quandam mortalibus ægris
 Natura indulsit curam, quod amare uocatur:
 Adiecitq; acris permixtos dulcibus ignes

SERMONVM.

Illecebris, uarium ne non foret illud, idemq;
 Inter se aduersis pugnaret partibus iisdem.
 Inde fit, ut qui amant secum ipsi sæpe uolētes
 Dissideant, et mox diuersa prioribus optent.
 Nec penè inuenias quenquam multumq; diuq;
 Dilexisse, licet fuerit dilectus et ipse,
 Qui non incassum tandem frustratus amarit.
 Ipsa quoq; in pluris partes diducta cupido
 Permulto sese, uarioq; auctore tuetur.
 Nanq; adeo quosdam turpis inuat una libido:
 Vt nihil hac reputēt homini magis esse petendū.
 De q; turpe loqui tā est nobis, quam facere illis
 Obscænum: quos et consulto prætereamus,
 Ne quibus incipiat maculis sordescere sermo.
 Sunt et quos genialis habet, fertq; impetus idē
 Imprimis, sed eos ratio comutatur, et ultra.
 Quam fas est, nō ire sinit: Licet ii quoq; sæpe
 Declinent iter expositum, et per deuia tandem
 Præcipientes latum in Barathrū quandoq; ferātur.
 Quorum ideo uarios numero cōprehendere mores
 Haud facile, his aliud quoniā persuadet amādo
 Nūc animus, nūc mens aliud: quæ uicta subinde
 Succumbit: Laxasq; illi permittit habenas.
 Pars uero quæ nunc tamen est rarissima solam
 Miratur speciem, siquam natura crearit
 Eximiam, ac nostro uisendam ostenderit orbi.
 Quos spectatores formarum dicere nemo
 Abnuat egregios, et eosdem nolit Amantes
 Laudibus

Laudibus æternum dignos præstantibus esse.
 Hinc aliquis miro ingenio seu condere uersus
 Præstans, seu uitam concinnus moribus omnem
 Ducere, seu modulo uirtutis qualibet uti
 Aptus, in hæc quotiens descendit ludicra, nedum
 Horum ullam amittit: uerū meliora quothoris
 Illa fauore nouo adiutus, potioraq; reddit.
 Nec minus hinc ualido præcinctus robore pectus
 Ipse etiam interdum uires sibi sumit Amator.
 Quas quoniā in multis te iam legisse putamus:
 Nunc ne prisorum per trita exempla moratus
 Detineam, quæ plura patent quærentibus, audi
 Quæ tuus hic nuper reuerendus auunculus usq;
 Orbis ad extremum terrarum, rettulit illhic
 Vidisse, egregiam dum operam nauaret honeste
 Pontifici Xisto, quam nunc et pluribus annis,
 Alterius summi patris ut pia iussa facessat,
 In Venetis bene cultus agit et gratus utrinq;.
 Hic ergo, ut quandoq; solet, cum seria ponit:
 Comiter hoc nobis narrare occæpit amantis
 Mirandum facinus: Cui, dum se iactat amicæ
 Omnia facturum quæ iusserit, illa repente
 Iusserat, ut Cæso ternum caput hoste referret.
 Hunc itaq; ex illo confisum aiebat amoris
 Viribus inuisse, et medio certamine quenq;
 Præualidum fortemq; laceffere protinus ausum
 Tris leto iuuenes ualido mox ense dedisse:
 Ternaq; spectaclū horrendū madida ora recenti

SERMONVM.

*Sanguine adhuc turpiq; simul squallore pudicos
Ante pedes uno religata in fasce tulisse.
Hæc ille. Atqui nil aliud mouisse uidetur
Fortiter ut faceret adeo studiosus Amator:
Quam dominæ species, et quæ perfederat illi
Semper, et ante oculos obuersabatur imago.
Quod si unquam talis te forte affectus habebit:
Nam petit ingenio præstantem et moribus: hic tu
Virtutem imprimis omni uenerabere cultu,
Diuinæ specamen dehinc contemplabere formæ,
Siqua erit è superis ad nos delapsa uenustis.
Quæ tibi perpetuo succensum lumine pectus
Excitet, et uitæ alienum uendicet una;*

IOANNI ARAGONIO HISPAN-
NIARVM PRINCIPI NOMI-
NE .N. FRANCHI PONTI-
CIS TARVISINI.

SERMO. VIII.

*Rinceps Hesperia Genus alto à san-
guine regum
P Quod placuere tibi parui præludia
Vatis
Prima tui, hoc sumas agimus pro munere grates:
Nam neq; grata magis nobis, nec dignior ulla
Res unquam fuerit, quã quæ tibi grata uicissim*

Esse potest, eademq; legi tibi digna uidetur.
 Hinc iterum accendit tua me percepta uoluptas,
 Vinculaq; quæ lætum quondam iunxere beatis
 Officiis, cogunt sanctos ut fontibus haustus
 Aoniis ausim longo tentare recessu.
 Et iam diuini laticis commota fauore
 Pandere, quæ dudum secum Mens augurat, ardet.
 Multa tuæ præ se nituntur ferre benignam
 Fortunæ speciem, seu quis prægrandia Regni
 Commoda, quæ nullis cedunt felicius oris,
 Secum animo uoluat, seu te fore regibus unum
 Hæredem tantis: quo spes et cura parentum
 Versa omnis staret: seu iam perpendat Amorem
 Immensum populorum, et Amicæ debita gentis
 Præmia, quæ passim grata tibi mente feruntur.
 Quæ licet egregio, et constanti cuncta tenore
 Proueniant, et te mortali demere coetu
 Sola queant, nulloq; egeant aliunde potenti
 Auxilio, tamen his non inferiore putandum est
 Esse locum, sacra quod præditus indole celsos
 Iam prope Regali referas uirtute Parentes:
 Quis neq; ui belli quisquam nec munere pacis
 Antetulit gressus unquam, sanctaq; uerendum
 Religionem magis numen colit, atq; salubri
 Coelicolas omnis ueneratur lege beatos.
 Vnde ualent facili mortales noscere sensu
 Illis imperium deberi grandius, ex quo
 Non homines quisq; melius, nec Numina seruat.

SERMONVM.

Ergo age et accessus huius quoq; maxime princeps
Macte tua uirtute, simul uirtute tuorum
Te dignum præsta heredem, nam maxima culti
Pars tibi debetur quondam quæ pareat orbis;

IMMINENTIVM TEMPORVM
QVERELA.

SERMO. IX.

Vi motus Animorum? aut quæ hæc co-
namina? quorsum,
q Vnde ue præcipitat tantus furor?
omnia late

Horrendum in facinus misceri, et ducere secum
Exiguo in spacio permixtum igrobile vulgus
Principibus, rerum quibus est permissa potestas.
Ipse ego, qui risu condire, et spargere cuncta
Iam soleo, nunc a lachrymis uix tempero, nãq;
Maiore haud unquam uexatas turbine uerti
Res hominum sensit, quæ proxima prodiit ætas.
Non ne uides, ut nos subito circumuenit atra
Tempestas, ferit ex alto nam comminus atrox
Ira deum, dirusq; furit manifestus ignis.
Et fatalis ouans ceruicibus imminet ensis.
Heu male quã miseris fuerit mortalibus actũ,
Iam quibus innumerae mortes, et bella parãtur
Non habitura modũ prius, ac miseranda aiantũ
Ingenti de clade manus uix parua supersit.

LIB. II.

Heu quos infelix genus inclinamus ad annos.
 Sed quid inexpletæ uoces, lamentaq; tanta
 Profuerint, si fata iubent, et sydera monstrant
 Exitiū infandū, et nulli exuperabile monstrū:
 Siue inferna uirum cœtus Bellona fatiget.
 Horrenda Eumenidū soror et discordia uexet.
 Vel pater ipse acuat bellorū in prælia Mauors.
 Ut uaria et solitæ prorsus sententia dispar
 Infedit nobis, quos tot seruata per annos
 Alma quies dulci dudum sub pace fouebat.
 In manibus ferrū, nemo non prælia iam nunc
 Exercet meditans secum nec respicit atram
 Post cladem, quæ dira fames, quæ lurida pestis,
 Et quæ præcipiti sequitur uiolentia passu:
 Non ita præteritis uitam produximus annis:
 Hæc aberant, et tanta diu clementia cœli
 Præfuerat rebus, terris ut cuncta uigerent.
 Quin artes creuere bonæ, nec defuit ulli,
 Quo quantum uellet, posset perdiscere tantum.
 Hinc placidis morum tot cultus urbibus extant.
 Et tanta agricolis Agris cultura colendis:
 Hinc illa accessit librum numerosa facultas:
 Et miranda uiris rerum solertia uenit.
 Post hæc quin etiam quædam rediere minora:
 Sed grata, et multis hominū oblectantia mentes:
 Ut quæ marmoribus uiuos imitantia uultus,
 Aere uel, aut liquido simulant q̄ cuncta colore.
 Quæ ue sonis mire mulcent, et cantibus aures.

SERMONVM.

Et quæ perpetuis renouant ornatibus urbes.
 Artificumq; manus variæ, quæ molliter addūt
 Aut ebori, argento'ue decus, quin multus in auro
 Iam labor, ut sese multo pretiosius extet.
 Et noua natiuis superaddita gratia gemmis.
 Scilicet illa potens ætas iam prisca redire
 Cæperat, astrorum uoluendis cursibus acta:
 Nunc eadem retro citius sublapsa refertur,
 Quam noua tantarum rerū primordia poscant.
 Implacidum sydus nobis hoc vulnus inurit.
 Sed si causa manet cælo, non illa subire
 Vim fati subigit quenquam, nec diua uoluntas
 Seruili nisi sponte iugo dat libera colla.
 Nos igitur quæcunq; parent, quæcunq; minentur
 Sydera, prudentes non euitare nequimus.
 Sunt ea, ni fallor, quæ impendent dira, nec ulli
 Non grauias, et uariis non inconnexa periclis:
 Sed uitanda tamen, possunt ea quippe minora
 Reddi, si contra diuinitus addita nobis
 Mens erit, et fatis rerum prudentia maior;

AD ANDREAM TRIVISANVM
 PONTIFICEM FELTRIEN-
 SEM, COMMENDATIO
 Edendorum Sermonum.

SERMO. X.

• Lterius quisquis natos sibi stirpis adoptat,

LIB. II.

Hos amat, utq; suos prudēs alit: et tamen intra
 Innatum propriæ sobolis præseruat Amorem.
 At qui fecunda prolem de coniuge sumit,
 Omnibus hanc miro præfert conamine rebus:
 Atq; adeo interdum potiozem se putat ipso,
 Negligat ut variæ uitare pericula sortis.
 Sic ego sermones tanquam mihi pignora mente
 Eductos alitosq; pari uirtute parauit.
 Pro quibus ut iâ, quid ualeat fortuna, necesse est
 Experiar, subeamq; parens cum foetibus una
 Iudicia exemplo mihi formidata uetusto.
 Nanq; ut difficili gliscit sub matre puella
 Spectari iuuenum turmis incauta pauensq;,
 Sic nostri auid iusta cauti formidine forsan,
 Euolui docto cupiunt lectore libelli.
 Atqui alui hos intra sedati limina tecti,
 Et compsi, monuiq; palam ne forte uenirent
 Incompti, aut maculis contacti prorsus ab ullis.
 Propterea æstatem iam nonam uisere pergunt,
 Ex quo non facili paruoq; labore paratos
 Admoneo assistēs prope sedulus, et grauis hortor
 Ne sibi tam placeant, quin recti iudicis ante
 Explorent aures, quales qui Pallados arte,
 Ut tu, uaniloquis purgatus sordibus explent.
 Edendos tamen esse putant, cum tempore iusto
 PerpeSSI fuerintq; moram, Limæq; laborem.
 Quare age iâ bñ diis pulc' réq; iuuantibus orâ
 Soluimus, et paruæ tendentes lintea Cymbæ

SERMONVM.

Ingredimur uastum Zephyris spirantibus æquor.
 Quod si qua in scopulos uel si uada cæca phæsus
 Paruulus inciderit, nam passim multa uaganti
 Offenduntur, opem tu protinus optime ferto,
 Ingenuiq; boniq; et docti fungere more.
 Tecum aderunt etiam multi mihi forsitan, ut q
 Naturæ eximiæ doctrinam adiungere curant
 Iam docti atq; boni uenerandum nomen adepti.
 Vnde Rati quotiens nostræ spirauerit Aura,
 Illa graues totiens felix uitauerit æstus.
 Hæc tibi frondosa cessans sub rupe canebar
 Montelli Nympharum auido gaudentis Amore:
 Postquam Naiadum decus huc Bellona recessit,
 Subrigitq; Silim fugiens è fontibus amnem
 Occultis, quibus hic longis ambagibus errat
 Subter humiū, atq; iterū sub lucem limpidus exit.
 Nanq; ferunt illam, simul ac est uersa Deorum
 Nutibus in collem pro uirginitate uirentem,
 Innumerus circa numerum uenisse Dearum.
 Floribus huc redimita caput, fertisq; Napæa,
 Glandifera Dryas huc incangens tēpora quercu,
 Et summo residens in uertice montis Oreas,
 Nais item propter labentem proxima lymphā,
 Vnā oēs uertēre gradum, quibus addita uenit
 Fontibus, atq; antris gaudens et montibus Echó:
 Sed nulla potiore agitant in parte fauentes,
 Quam qua frugiferis Marcelli in collibus errāt:
 Observantq; loci Dominum, qui plurima cultu
 Contulerit

LIB. II.

Contulerit speciosa suo, nec prodita tantum
Sponte pia telluris iners adamauerit, et quo
Iam Nymphis digno nymphæ sunt præside dignæ;

ALBERTO VONICO, TARVISI
NO EQVITI ET IVRECONSULTO.

Χρυσοποιία.

SERMO. XI.

T noris quæ forte mihi Vonice ui
denda

Contigerint, positis rebus paulisper
agendis,

Audi quæ poterunt forsân tibi uana uideri,
Si reputes, sed uera tamen, nec somnia credas,
Vt sapiens, qui multa uides uelamine moto,
Quod circumpositum sic caligantibus obstat
Sæpe oculis, ut uix paulum discernere possint
Discrimen rerum obscurum. Sed pergitæ Musæ
Vestrû opus hoc, paucis hominû nunc uisa cana =
Transieram mediû sub iteriâ mille feroci (mus.
Ipse animo horrendis perpeßus monstra periclis,
Cum me difficilis ceperunt tædia uitæ.
Et iam terga locis uertebam fessus iniquis,
Numina ni tanti mouissent sancta labores.
Nam quis tot uastas potuisset repere rupes
Vi sine cœlesti? siluasq; et lustra ferarum

K

SERMONVM.

Fluminaq; abscissas inter currentia ualles
 Transisset uita incolumi, tutusq; malorum?
 Sed fesso auxilium Deus attulit, et mihi certus
 Continuo illuxit puro sub lumine Callis:
 Cum prius offerrent sese quocunq; tenēbræ.
 Principio auulsum magno de corpore saxum,
 Et contra arrectum prærupta mole subibam:
 Qua tenuis tantum uenienti rima patescit.
 Et qua nec radios profert, nec lumina Phæbus,
 Errabam in cæcis tenebris et nocte profunda:
 Donec sæpe graui passu loca tetra remensus
 Illhic, unde breuis mihi se lux obtulit, hæsi.
 Hic uero primum subsedi fessus, et ante
 Prospectans, circumq; oculos per singula uoluens
 Extimui, retroq; pedem tum forte tulissem:
 Sed me ne facerem tenuit qui rupe cadebat
 Exiguus humor guttis, acremq; lenare
 Ipse sitim admonuit, sicis quæ fauibus olim
 Hæserat, et nusquam suasit desistere cæptis.
 Sic ego iam modicæ requie paruisq; reffectus
 Haustibus, inceptum, qua callis peruius extat,
 Ire iter instituens, iterum sub luce maligna.
 Conuallem obscuram nebulis, pluuiisq; madentē
 Ingredior, quæcunq; pati grauiora paratus.
 Atq; hic lenta solo putri uestigia figens,
 Vndenos quater ipse dies cum noctibus egi.
 Iamq; uia ad summū tandem uenisse uidebar,
 Cum mihi se penitus oculis lux abstulit omnis.

Quid

Quid facerē? uel qua tantis proferrer i umbris?
 Aut quo me solita retro sine luce referrem?
 Nec tibi quæ interea transmissa fluenta, Lacusq;
 Euasi, refero, Aut mediis quam sæpe sub undis
 Me me habui, colloq; tenus latera ipsa subegi.
 Quæ non uota deis: seu quas non mittere uoces
 Substiniui? quæ ue ipse Animo non iusta peregi?
 Tum mihi uisa preces inter discindier ingens
 Cum tonitru nubes, purumq; per Aethera ferri
 Accelerans, et lux terris placidissima reddi.
 Ac uallem interea iam prætergressus opacam
 Exieram altos in campos, lateq; patentes.
 Atq; hic diuersis maculis inpersa per omne
 Corpus ouis, uarioq; micans tum forte colore
 Quærebat tenuem lanæ candentis Amictum
 Sedula propter aq; uitreis ubi Riuulus Amnē
 Præterit immensum Lymphis, et florea circum
 Arua sonans scatebris leni cum murmure fertur.
 Hanc ego perfectis uotis ut proxima uidi
 Gramina carpentem, nitidiq; ad fluminis undam
 Siccantem uellus, flumio quod merferat ante:
 Continuo obstupui miro succensus Amore
 Sectari pecus egregium, quo tendere gressus
 Inde uideretur, uel qua se uerteret usquam.
 Hæc ita perpendens stabili dum mente uoluto,
 Et recta iam tendo gradus, auidusq; propinquo,
 Illa solo teneris alta ceruice relictis
 Floribus ibat onans contra, meq; ipsa petebat.

SERMONVM.

Ac ueluti nouisset herum, mihi protinus ultro
 Blandiri, et gremio sese dare, et aurea sæpe
 Cornua, sæpe ungues ostendere, uersicolorq;
 Motare interdum uarium latus, et mihi prorsus
 Sola uni tantis opibus gestire colenti.
 Ast ego quam poteram magno ueneratus honore
 Accipio hanc, blandeq; fouens deduco sub antrū:
 Excisum quod forte caua de rupe patebat
 Obductum uiridi musco, spissisq; Corymbis.
 Deinde thoro lectis foliis et fronde recenti
 Substrato, liquidos fontes, et læta ministro
 Pabula, et huic paribus studiis certare laboro.
 Hic illa exuuiis positis noua uellera primum
 Induit, et uicibus tot eas mutata resumit,
 Quot trahit aduerso solis splendore colores
 Iris, ubi terris cœlo incuruata recumbit.
 Aut quot sæpe leni motu uariata uidemus
 Colla referre Auium, quas iuno iungere curru
 Ante alias omnes uolucres dignata superbis
 Centum Argi uoluit prætexere lumina pennis.
 Bissenos menses ita se uariantibus illis
 Præterii, cum iam niueo Candore uiderem
 Omnia conspergi: et læto mihi pectus imbat
 Pertentare pauor simul et pertundere cura.
 Contemplabar enim quo diues uertere uellus
 Cœperat, et mihi non paruum rabida ora timorē
 Intulerant Animo, quæ uix arcēre cubili
 Nostra uigil poterat Custodia, sine luporum
 Inlunies

Ingluuies erat, aut rabies pellenda leonum:
 Et quos inuidia exagitat uesana timebam.
 Sed metus ille tamen uanus, neq; uis mihi obesse
 Amplius ulla uirum poterat, non ulla ferarū.
 Vescébatur ouis passim florentibus herbis
 Apricos uaga per campos, ubi nulla perennes
 Vrit hyems glacie segetes, aut solibus aestas.
 Temperies illis tanta est, et gratia cœli.
 At grato quondam uictu mihi mitia poma
 Præbebat ramis foeta incuruantibus Arbos
 Semper, et irrigui complebant pocula fontes.
 Alter et interea circum se uoluerat annus:
 Instabatq; dies promissi muneris, ut iam
 Sperarem reditum longo post tempore lætus
 In patriam, et tanto finem prope adesse labori,
 Ignarus quod erant mihi sex obeunte calore
 Seruandi, atq; etiam totidem sub frigore menses.
 Nam quæ marmoreo succrescens alba colore
 Iam candens ebur, et nitidos superabat olores,
 Nescio quem in croceum sensim conuersa ruborē
 Tendebat tyrio paulatim murice pingi.
 Ut uidi, tum maius opus, tunc aurea terga
 Speraui, atq; operi tanto præferre laborem
 Haud ullum passus, pariterq; impendere tempus
 Omne illi instituens, Iterum melioribus ipse
 Auspiciis tantas acingor uincere moles.
 Donec concessi perfecto temporis orbe:
 Candida purpureum referebant cuncta colorē.

SERMONVM.

Et de purpureo subitus color aureus ibat.
 Nec mora continuo pecus ore, et naribus aurum
 Aurea suspirans cedit, et graue pondus inani
 Corpore uellus adest pedibusq; , et cornibus au =
 Hic ego tū grauius casu perculsus acerbo, (reis.
 Lætitiāq; , Auidusq; loco discedere primum
 Vota deis, gratesq; simul persoluo benignis:
 Mox humeris onus imponens ad proxima tendo
 Littora, et in patriam rediens, Sic alter Iason
 Aurea felici deuexi uellera Colcho;

AD L. MAXIMUM PATAVINUM.
 Esse prouocationem aduersum detractores:
 Actionum, ad conscientiam: scripto =
 rum, ad posteritatem.

SERMO. XII.

Amice qui fidei plenus sic semper
 Amicis
 Idem ades, ut præsens uideare absen =
 tibus esse,
 Eia age, ne nobis noceat mala lingua, caues ne?
 Dū longe à docta et dulci nunc absumus urbe.
 Ipsa mihi, memini, puero iam bacare frontem
 Cingebat Mater: nec uerba precantia Diuos
 Linquebat, ne quis uerbis oculo'ue noceret.
 Hunc ego cum longo tenuissem tempore morem:
 O rabam

Orabam quoq; cœlestes: Rumoribus ut me
 Vesanis vulgi expositum defendere possem.
 Verum ubi nec prodesse mihi pia cura parentis
 Visa, nec illa etiam, superos quæ sæpe precabar
 Collegi mēte, et rationem temporis acti
 Subduxi, à primo ueluti perducerer orbis
 Principio ad summū, sub quo nunc degimus, æuū,
 Illhic ætatis uitium cuiusq; dolentis
 De sese offendi, nihil et sine crimine sub se
 Ponentis, neq; laudantis nisi quod foret annis
 Præteritis ortum. Diuinos sæpe poetas
 Ludibrio hinc populis factos, dum ducere uitā
 Contigit, inueni. nec non et sancta professos
 Dogmata, qui sophiæ gaudent cognomine, passim
 Ante obitum spretos. Virus sic omnia liuor
 Impetit, et morsu dentis male conficit atri.
 Quæ cum sæpe aīo uoluissē, cuncta proteruæ
 Esse hæc Fortunæ, nec ob id metuenda uideri,
 Sed risu spargenda, et contemnenda putauī.
 Id tu etiam, si forte aliquis meā carmina, uel si,
 Quod uellē minus, optaret mihi carpere mores:
 Tecum agita, et simili tibi nec succurre medela
 Atq; mihi: Neq; enim potis est compescere quisq;
 Inuidiæ stimulos, cum sentit maxima uiuis
 Attribui: quæ ue ipse nequit præstare, repostā
 Alterius sub mente uidet, maiorāq; semper
 Hæc fieri, ut sensim ulterius procedere tempus
 Inspicit, et medio in spacio dolet ipse relinqui.

SERMONVM.

Siquando obiectet quisquam mihi turpia factu,
Continuo mentem appello, quæ conscia ueri
Ipsa sibi partes delecti iudicis æquas
Arroget, atq; palàm subito quod senserit, edat.
Factorum certus mens est sibi conscia Iudex.
At si quis quos forte iocos, et seria uersu
Connecto, exagitet: ad sanctam posteritatem
Pronoco, quæ nulla inuidia, nulloq; malignæ
Mentis inardescet uitio: uerum omnia recto
Iudicio expendens nunquam fecisse minoris
Ista uolet, quam sint. At fors maiora putabit
Hæc eadem, ut se post in lōgum proferet Aetas;

FINIS.

LIB. I.

IOANNIS AVRELII AVGVREL
LI AD PANDVLFVM MALATE=
STAM IMPVBERI TVM AE=
TATE ADOLENTEM, AT
QVE ARIMINI PRIN
CIPEM, CARM I=
NVM LIBER
PRIMVS.

ODE. I.

*Llustris ueterum progenies
Ducum
Auctura Italicum militiae
deus
Antiqua, egregia, siquid, ab
indole*

*Veri praescia mens longius augurat :
Pandulfe, hanc tibi quo possumus aptius
Conamur tenues Aoniis diu
Disinctam fidibus tendere Barbiton .
Qua iam quæq; geres fortiter, auribus
Intentis moduler prodita posterum .
At nequa dubius forsitan hic roges :
Ecquidnam meritis addere fortibus
Exilis graali musa queat sono :
Noris quam facile protinus euehant
sefe, quæ modicis edita ab ortibus*

CARM. I. III

Sensim per numeros proueniunt suos.
 Hanc ergo in reliquum sic meditabimur
 Exemptam exiguis ducere uocibus
 Priscorum sonitus inter, ut arduis
 Iam factis etiam proxima consonet.
 Quin et cum superum numine res tibi
 Crescent eximiae, surget et altior
 Nobis ex humili spiritus, et tuas
 Per laudes agilis nos feret. Interim
 Quas haec cunq; tibi primitias leui
 Præluit Cithara, ne fuerit precor
 Tanti parua quidem continuo mora,
 Quin æqua accipias Aure. solent prius
 Neglecta, interius si uacat inspicere,
 Quondam non minimo post pretio fore;

AD P. GLYCEREN. LA=
 VS POETARVM.

ODE. II.

Irtute maius nil Glycere boni
 Diui dederunt: ne stolidas opum
 Vires, et insanos honores
 Assiduo mediteris ore.
 A st ipsa Vatum ni celebris tamen
 Et clara cantu est: sic latet abdita:
 Abstrusus olim ut fulgor hæret
 Gemmeus: artificis quousq;

LIB. I.

- D** etectus acri diradiet manus .
 Videre patres indigetem Deum
 Aeneam : et iidem ipsi superbum
 Hectoreis spoliis Achillem .
- S** ed musa , longo ne pereant die ,
 Nobisq; noti tam bene sint , quam Aus :
 Deduxit illos , nos adusq;
 Carmine perpetuo nepotes .
- E** st et fides et gratia V atibus :
 Est dulcis oris spiritus : est Amor ,
 Qualem nec ullus praestet ipsis
 Omnibus exanimis sagittis .
- I** nuisit Orpheus Impia pallidi
 Ingressus Horci regna , inamabiles
 Manes , et horrendas tremendi
 Eumenides famulas Tyranni ,
- I** llhinc acerbo funere coniugem
 Raptam reduxit penè , potentibus
 Vocum Camoenis aequae et omni
 Threicia modulatus arte .
- Q** uin ipse dura cæde per aridos
 Discerptus agros , Euridicen suam
 I am uoce quærens , nil suprema ,
 Quam miseram Euridicen uocabat .
- E** t nos uenustis moribus , et tua
 Virtute capti , hac tenui lyra
 Primisq; et extremis pudicam
 Carminibus Glyceren canemus :

CARM.

IN OBITU ROBERTI MALATE
STAE DV CIS INVICTI AD
Cives Ariminenses consolatio

ODE. III.

 Cquid diminuet graues
e Hic cantus lachrymas Pieri Ciuium?
 Et luctu statuet modum?
 An desyderii vulnere refricans
I ampridem Cicatricibus
 Obduci leuiter coepta recluserit?
A n ne, ut sera medentium
 Maturo Auxilium fert manus ulceri,
S ic quando incipiat dolor
 Longo iam fieri tempore languidus:
T ristes lugubribus diu
 Mœrentum numeris cura lenabitur?
V t cunq; eueniet, iuuat
 Et mi consulere, et quærere ciuibus
Q ualencunq; meis opem.
 Ergo tam cito sic optime Principum
I mprouisus abes tuis?
 Et nos te ex oculis protinus auferens
T antis deseris in malis?
 O fallacem hominum spem: et fragiles quoq;
F ortunas: et inania
 Commenta: in medio quæ spacio ruunt.

Heu quanto miseri antea
 In fluctu obruimur, quam placidum prope
Portum cernere possumus.
 Tu nobis reditum pollicitus bona
Spe mentes dubias prius
 Implesti: sed erant flatibus editæ
Voces Aëreis tuæ.
 Urgebant etenim fata tibi graue
Et clarum facinus dari:
 Ut scirent homines quæ uegeto tibi
Vires consilii forent:
 Quod uirtutis opus rebus in arduis:
 Quod robur quoq; pectori
 Perstaret: quibus heu iam uiolentior
Fati uis aderat comes.
 Hunc iidem ut cumulum uix homines opum
Tantarum inspicerent procul:
 Sublatum ex oculis quærere pergerent
Incassum queruli diu.
 Ex quo nanq; die uisus es acribus
Formidabilis hostibus:
 Multa cæde uirum exercitus insolens
Virtute eximii ducis
 Confusus, simul et robore proprio
Innixus, penitus tibi
 Prostratus cecidit continuo, Deum
Confossus iaculis uelut:
 Aut uibrante Iouis fulmina dextera.

A t dum functus honoribus
 Incedis : tibi quæ munera Pontifex
R omanus dederat tuis
 Incensus meritis : heu uolucris nimis
N obis te eripuit dies :
 Nobis : atq; tuæ dux bone patriæ :
C ommune Italiæ decus :
 Et flentis columen militiæ : sed heu
N obis heu magis omnibus
 Nobis eriperis : iam solitis tuæ
I n spem uiuere gratiæ .
 Hæc ciues ego mecum , hæc quoq; sæpius
F rustra conquerimur simul
 Curis solliciti pectus inanibus .
S ed nullis querimoniis
 Interrupta prius fila tenax colo
C urat parca reducere .
 Ergo perpetuis usq; doloribus
A ngemur miseri ? neq;
 In mentem ueniet ? ne bene commodis
N ostris alterius uice
 Ingrati posthabita simus et impii .
N am terras simul illius
 Impleuit memores gloria nominis :
H unc ipsum ad superos , ubi
 Aequaret meritis præmia fortibus ,
A eternum stabili manu
 Ducens asseruit : perpetuoq; apud

LIB. I.

Hic ævo fruitur Deos:
 Felix Cœlicolas inter, et arduos
 Heros eximius Duces.
 At non ille tamen sic etiam sibi
 Soli consuluit bene:
 Sed nos respiciens, ut decuit, quoq;
 Solari uoluit suos:
 Tantam qui sobolem, tam similem sui, et
 Quæ se tam referat, dedit
 Nobis, intuitu cuius, et altius
 Actus uisceribus dolor
 Tandem desineret fractus: et ocys
 Hac solamen imagine
 Perfusos Animos, lætitia pari
 Expletos ita redderet:
 :Tanquam nulla prius damna subiuerint;

AD GLYCEREN, ARDEN
 TIS ANIMI AFFE
 CTVM DECLA
 RANS.

ODE. IIII.

Vius affectum penitus furentis
 h Spiritus siqua Glycere uideres:
 Forsan hunc olim paterere casto
 Pectore condi.

Cum tibi supra caput, atq; circum
Aureos crines uolitans, Anhelus
Pendeat semper: semel ut nitenti
 Sidat in ore.
Hic ubi sanctos ueneratus ignes
Syderum, læta quibus ipsa fronte
Lucidum fulges, nitidos pererret
 Purus ocellos.
Iamq; de sacris facibus furore
Peratus, sensim subeat recessus
Quosq; : dum tandem ueniat pudici
 Cordis in Aedem;

OPTAT IULIVM ALEXAN
 DRVM CAPELLAM SVB

Populo in amœniss. uilla Ber
 nardi Bembi Veneti Se=
 natoris clarissimi si=
 ta Amoris cu=
 ras solari.

ODE. V.

Væ Iuli nitreas populus arduo
 q Bembeas ad aquas uertice tollitur:
 Viuum cespitem obumbrans,
 Intensa Bicolor coma:
Certatum ut uigeat, tendat et altius,

Hanc

Hanc Nais fouet : et nutrit Amadryas :
 Hæc intus uegeto : extra
 Puris illa liquoribus .
 Quin huc , torret ubi Sirius aridos .
 Fontis , et pluuium combibit Aëra , et
 Phæbeos subit ignes .
 Feruens Herculeus Leo ,
 F effum se recipit Faunus : et igneos
 Frondosis releuat Heliadum artubus
 Nunc æstus : modo lympa
 Arentem gelida sitim .
 F elix delicias tot locus : at magis
 Ducentis Domini munere , cum libet ,
 Huc Pæana cæcantes
 Phœbo Pieridum choros .
 H ic te lesbiaca uisere nunc uelim
 Solantem Cithara nobilis asperos
 Digressus Ariadnes ,
 Congressusq; laboribus
 P artos innumeris : quis ego sæpius
 Horrerem metuens heu tibi , ne graui
 Succumbas oneri : ni
 Quantas ipsa cupidinis
 V ires sufficiant spicula nouerim :
 Expertus totiens quæ uacuo mihi
 Hæserunt lateri , utq;
 Inspirat Domine leuis
 S urgentes Animos aura , nec arduis

CARM.

In rebus patitur ponere, pendula
Sed spe detinet usq;
Erectos leuiter sinu;

REFECTIO APVD AQVVLAM
IN VIGILIANO · N · FRAN-
CHIPRAESVLISTARV.

ODE · VI.

Eus puer mihi cessas
h Lentus pocula promere?
Non quibus scatebris uides

Arua temperet arida
Lympha: quæ tenuis procul
Monte defilit arduo:
Et gratum Domino inde
Iugis irrigat hortulum.
Huc uina propere ferens
Curre cæcuba uel Chia:
Vel quod iis prope collibus
Dextro numine prouenit.
Prosit hic age tristem
Curam, extinguere pectoris:
Curam, quæ nimio exedit
Igne nos penitus leues,
Siqua infederit altius.
O quæ uirgineum lauis

Pura

Pura corpus in unda
 Nympha, fas laticem sacrum
 Ore ducere languido
 Diluto tibi libero,
 Qui Nymphas neq; dedecet,
 Quæ fœtum gelido sinu
 Iam lauere perustum
 Flagrantis Semeles Ioui
 Ereptum ex utero Deum.
 Fas sitim abluere interim
 Dum Phœbi iubar aureum
 Terris imminet aridis:
 Qui per ampla Leonis
 Terga nunc rapidus furit.
 Mox uestris ego poculis
 Refectus Citharæ manu
 Admota, facili lubens
 Voce carmina diuidam.
 O quis me potior tunc
 Fundet uerba sonantius?
 Dulcem quis melius fidem
 Grato pollice mouerit?
 Dicam perpetuo tuos
 Ire tramite riuulos:
 Qua loci Dominus per
 Doctos duxerit ordines.
 Dicam lucidius uitro
 Te stratos super hac et hac

Iter ferre lapillos .
 Adderem quoq; quam leui
 Hæc distinxerit arte ,
 Qui te præcipue colit
 Franchus Pontificum decus .
 Illius sed erit locus
 Laudis post alius mihi ,
 Vnquam si oia libera
 Nactus uixero uitam :
 Musis quæ sine dulcibus
 Felle mi sit amarior .
 Illis at comitantibus :
 Melle sit mihi dulcor .
 Siquando Auspiciis Deum
 Meo hanc duxero nutu ;

APOLLINEM PRECATVR, VT
 FAS HABEAT HORATIVM

Flaccum imitari . atq; utriusq; in-
 terim laudes canit .

ODE . VII .

Iue Latona sate , qui supremi
 d Dulce pertentas animum parentis
 Aureo plectro et Cithara decorus
 Fratris Eburna .
 Tu Poëtarum uenerandus auctor :
 Quem

LIB. I.

Quem nouem circum resident puellæ .

T u salutare renocis ueneno

Corpora leto .

T u procul uentura uides : tibiq;

D editus sentit recinentis Augur

A litis linguas , uolucrumq; pennæ

Præpetis Omen .

T uq; tot late spaciū prementem

I ugerum multa colubrum sagitta

S ternis : hinc dictos celebrat Iuuentus

Pythia Ludos .

H ic pedum cursu iaculo'ue primus ,

E t potens cæstu , melior'ue disco ,

E t catus lingua , Esculeæ reportat

Frondis honorem .

A rbore excerptæ uaria corollæ

P endulos crines poterant decere :

C um tibi non dum propria uirerent

Tempora Lauro .

Quæ tuus quondam Iuuenilis ardor ,

V t simul terris fugiendo inhæsit ,

S ola de cunctis decorat recepta

Teq; tuosq; .

T e claros , nec non Pataraea regna ,

T éq; Natalis tua Delos amplis

L audibus tollit , colit et uerenter

Delphica tellus .

P hæbe , qui curru nitido per orbem

l iii

C A R M .

I n Die curris semel , et uaganti
 N octe fulgentis radios sorori
 Porrigis ultro ,
 S plendidum mentis mihi lumen , atq;
 S piritum reddas modulantis oris ,
 V t queam gratis fidibus latinum

Dicere Carmen :

Quo ferè primus docilis modorum
 D aunius Vates meditatus æquas
 P rotulit Laudes tibi feriato
 Secula Centum .

Quòue nunc diuos , pueros'ue diuum ,
 N unc opes regum canit , aut proteruæ
 I mprobis actus stimulis iuuentæ

Detegit Ignem .

A ut humi prauæ uitiis grauatos
 D eprimit : multoq; lenat decore
 A ureos mores , fidicen per omne
 Nobilis Aeuum .

F as mihi gressus auide sequenti
 I llius , tantum nemorum per alta
 P rogredi , quo me meritis decenter
 Fronibus ornes ;

A D

LIB. I.

AD DAPHNIN.

ODE. VIII.

Qui perpetuo nulli uel Amore secundus
 o Es uel honore mihi:
 Cessare et meritis ullo post tempore nunq̃
 Pectore Daphni meo:
 A cipe quid mediter, uel qua deducere uitæ
 Quod reliquum est, studeam:
 N e mihi ad extremum contingat dicere, Troio
 Sero in equo sapimus.
 N e uenit quicquã aciderit, quod mente prius nõ
 Euoluisse queam.
 S ed ualeam, siquid ueniat spem præter, id omne
 Apposuisse lucro.
 S icq; utinam faueat Diuum clementia cœptis
 Propositisq; meis,
 V t mihi per dextrum directæ est orbita callem
 Quomodocunq; ferar.
 E st duplex hominum genus, et uia bina per illos,
 Ambinuumq; itiner.
 A tq; utrunq; quidem digna se laude tuetur,
 Præsidioq; suo.
 S unt qui peruigiles ad agenda negocia nati
 Alterum iter teneant.
 Qui patriæ tendant, et cognatis, et Amicis
 Ferre salutis opem.

M agnum opus, et cunctis memorabile: quale benigna
 Tu quoq; sæpe manu
T ractas: et celeri præcurris nomine, quosq;
 Est tibi cura sequi.
S unt alii, quorum ingenis est semita miris
 Altera trita modis:
Q uis Urbis strepitusq; Foriq; frequentia certo
 Grata Animo minus est.
A tq; ideo altorum Nemorum, Fluviumq; recessus
 Quærere semper amant.
I am quibus inuentis dulci requiete fruuntur,
 Compositisq; bonis.
N ec segnes adco, nihil ut Mortalibus ipsi
 Parte sua inueniant.
H is sed in Arcano grauium solertia rerum
 Pectore multa uiget.
Q ui ualidum scriptis multo molimine quærant
 Posteritatis opus.
Q uos ego ut ingenii uires patiuntur, Amoenis
 Insequor usq; locis.
E t modo per summos dextrum perducere colles
 Nitor in alta pedem.
N unc leuibus musis secreta in ualle uagari
 Lata per Arua iuuat.
Q ualis nempe tuis modo cum spaciarer in agris,
 Forte ut eram propius,
H is oculis illas uidi properantis aquai
 Leniter ante caput.

Equibus

LIB. I.

E quibus una sacro postquam inuitauerat acrem
 Pellere fonte sitim,
H inc tibi spes omnis uitæ, quam concupis, inquit:
 Atq; quietis erit.
H æc uarios haustus secum, et medicamina plura
 Vnda salubris habet.
T ristibus et cunctis animi ualet Vna mederi
 Sollicitudinibus.
D iixerat: at flexis genibus ueneratus adoro
 Mox ego Pronus aquam.
A tq; auidus summo tetigi uix ore liquorem,
 Cum subito inualuit
M aior uiuendi curis procul illa uoluntas,
 Et mihi certa magis,
 Quam mihi dii faxint Propriam: ne forte relabar
 Amplius, ut soleo:
A lterius uitæ in fluctus: agiterq; procellis
 Horridioris Aquæ;

AD IULIUM ANTONIUM CHE-
 REGONIUM IN DVRVN AMO-
 REM ALDVLAÆ.

ODE. IX.

V li rure domi foro urbe miles
 Annosus positus quiescit armis:
 Grandæui renouunt Boves Aratra:

C A R M.

Putris in tenui Phaselus Alga
 Secreta pariter senet quiete.
 At quæ soluet Amore me senectus?
 Non si Nestorei mihi dabuntur
 Tithoni'ue dies, misellus unquam
 Tantorum inueniam modum laborum.
 Heu duro satius fuit Tyranno
 Servire, et gemere in tuo Perille
 Tauro condite, Gorgonis'ue uultu
 Obdurescere, pascere et rapacem
 Crebro pectore Caucasii uolucrum:
 Quam ferre imperium malæ Puellæ.
 Nam solus licet ambules beatus,
 Et pleno teneas Amore fastus,
 Pondus nulla tamen diu puella
 Habet, multiuola, et maligna, et Audax
 Nec sic flamine summo uentur undæ:
 Ut mentem huic uariæ premunt Procellæ.
 Obsistam tamen: et leuem et superbam
 Prece et muneribus minisq; nitar
 Firmam tempore reddere, et Benignam.
 Sic molli lapides cauantur unda:
 Sic rubigine conteruntur enses.
 Quod si tam ualidum et potens Acumen
 Non profecerit: attamen proteruo
 Nulla soluet Amore me senectus;

LIB. I.

AD IVLIVM ALEXANDRVM
CAPELLAM ET FVSCI
VM SODALES.

ODE. X.

l Aetus et prudens ueluti futurae
Frugis, hoc uobis itiner sodales,
Quis uiret frondens docti iuuenta
Robur, inibo.

A tq; cultorem segeti feraci
Cura et omni hunc opera parabo,
Cuius Actææ facili seruntur
Ore Camœnæ.

Forsan effoeta quoq; iam quid ipse
Proferam terra, nisi inane pondus
Pectoris circum penitusq; sanguis
Frigidus obstet.

Alter ò saltem medio superbi
Pulueris cursu uagus usq; rector
Carcere effusus adero sub ipsa
Fine laborum.

Fungar in duro uice cotis ense:
Quæ secandi expers ualet hunc acutum
Reddere, et tantum bene gratulabor
Muneris Acti.

O Diem lætam: mihi cum locuto
T alibus tecum liceat profari:

CARM.

D octe sermones utriusq; linguæ
 Dulcis Amice
 I ule nunc Phœbi es meritis parentis
 F ilius dici: bene qui Senatu
 S plenduit quondam Veneto: sed ille
 Gratus Olympo.
 N uper heu nobis Nebulæ recessu
 C andidæ raptus, superisq; Sydus
 R edditum, et stellis iterum, suoq;
 Sole renidet;

AMARACVS GLYCERE DONO
 MISSA, IPSAMET LOQVI=
 tur, multis se olentibus herbis &
 floribus præferens.

ODE. XI.

E forte Glycere infima
 n Herbarum uidear non male olentium:
 Quæ nunc exiguum tibi
 Denoti uenio munus Amiculi:
 M e quondam Domino Puer:
 Dum mensam uariis replet odoribus:
 D ilapsus pede lubrico
 Hærentem teneris induit Artubus.
 H inc illud redolet mihi
 Persusum foliis Ambrosiæ decus:

LIB. I.

Quod non per tenuis Crocus
 Flores, nec sua per lilia reddere
 Narassi poterit dolor.
 Sed nec purpurei vulnus Adonidis
 Vnquam præstiterit: licet
 Amentis madeat sanguine Cypriæ.
 Nam motum grauius ferunt
 Bellorum dominum: quod Cynareum
 Et siluas coleret Venus:
 Mox Aprum rabidis fulminibus trucem
 Misisse, ut lueret miser
 Crudeli Iuuenis gaudia funere:
 Cuius cum gemitum Dea
 Sensisset, tenui, forte ut erat, Thoro
 Nudum proficiens pedem
 Impegit rubidis sentibus inscia.
 Alentemq; prius Rosam
 Permixto exanimis sanguine Adonei
 Infecit Veneris cruor.
 Quæ quamuis Tyrio murice clarius
 Passim præniteat, tamen
 Ne mecum uelit illudere naribus:
 Nam seu me uiridem leui
 Umbra, seu rapidis solibus aridam
 Molli contuderis manu:
 Spirabunt pariter protinus omnia,
 Quis Aulam domini puer
 Unguentarius aspersit Amaracus;

CARM. XII.

AD P. GLYCEREN.

ODE. XII.

Estatem nonam agimus uita:
 Ex quo Mercede tua contigit:
 Vt non caderem saucius igneo
 Ictu, quo praesens mihi pectori
 Amor exitum durus inusserat
 Atq; ipse leuatus premerer tamen
 Hoc perpetuo uulnere: Quod mihi
 Corde proprio foueo carius.
 Quo sine uitam ducere non uelim:
 Nec si imperio orbis donarer,
 Hoc grato ualeam igne carere:
 Qui te non minus acris adurit,
 Quam mihi flammis uerset in ossibus.
 Nec tua me tantum species mouet,
 Aut uarias admiror tantum,
 Quas bene tractas Palladis artes,
 Nec uerborum mellifluus Lepos
 Ingenuo additus usq; pudori
 Pertentat nobis mentem aequae: ut
 Incorrupta et non uiolabilis
 Vlla arte fides: quaq; uicissim
 Me studiis obseruas mutuis,
 Vt te paribus prosequor Animis.
 Talis tu mea Glycere semper

LIB. I.

Hærebis mihi: teq; tuosq;
Mores istos, et uirtutum
Egregium decus, hosq; decoris
Diuini specimen uultus, et quæ
Egeris, aut bene dixeris unquam,
Haud fraudauero merita laude
Proq; uirili parte reponam
In bene memorem posteritatem;

AD. I. ALEXANDRVM CAPEL
LAM IN OBITU PAREN
TIS CLARISS. V.
CONSOLATIO.

ODE. XIII.

U^r non, uix quoniam repsimus arduos
Colles, in uiridi gramine paululum
Hac sub non temere Iule recumbimus
Frondentum Nemorum coma?
Quam circum feriens Aura remurmurat
Aestuum, et uarios ingerit auribus
Concentus Auium, præ quibus omnium
Contemnas hominum modos.
Sⁱ uic Antrum potius hoc inuat ingredi,
Cuius iam ueneror fronte silentium:
Seu fons purus aquis ille sonantibus;
Ad se nos prius expetit.

Hic en illa feram, quæ fidibus tibi
Iam pridem cupio iungere carmina,
Quæ, fallit nisi me nunc Animus, leuens
Aegram sollicitudinem.

Quæ desyderio te patris optimi
Affectum retinens, ipsa quiescere
Non unquam patitur fusa perenniter
Artus usq; per intimos.

Et quis non grauiter perpetuo ferat
Iacturam capitis, quod foret omnibus
Et præstans adeo, tamq; reduceret
Virtutum solidum Decus.

Quis mortalibus hanc Numinis abditam
Lucem non doleat? Quæ speciem Deum
Secum nescioquam ferre tuentibus
Cunctis indicium daret.

Verum ut cunq; graues dura reuoluerint
Nobis fâta uices, quas lachrymis nihil
Immutare queas, est aliquis tamen
Solandi miseros modus.

Vel te, præcipuus quem dolor attinet:
Cui tristis merito Pectoris intimum
Semper cura recens dilacerat, neq;
Vllo tempore deserit.

Hunc ergo gemina nunc acie parum,
Qui circum tenuis uoluitur, Aethëra
Contemplator, et hinc suspice, quam potes,
Aeternam superum domum.

Illhinc,

I llhinc, ut perhibent qui propius Deos
Attingunt Animis, Aetheream scias
Mentis sydereæ particulam dari
Labis corporeæ oblitis.

Quam, donec minimum libera uinculis
Humanis fuerit, si quis et integram
Seruare et uacuam flagitiis queat,
Huic tandem facilis patet

I n cœlum reditus, quo solitum locum
Acuum perpetuo cum superis agat,
Qua per sydeream lacteus enitet
Mundo circulus orbitam.

H æc sedes pariter continuo piis
Decreta est, sed eam præcipue colunt,
Siqui pro patria mentis acumine
Quæuis gnauiter egerint.

H anc ergo ut tenuit protinus emicans
E putri genitor mole beator,
Tum qui pro meritis talibus antea
Illhuc intulerant pedem,

O mnes cœlicolis plaudere reddito
Pro se quisq; student, et medium sacro
Ipsam conalio restituunt, ubi
Nectar perpetuum bibat,

Quod tantum superis ducere contigit,
Aut iis, qui similes se superis ita
In terris statuere, ut penitus graue
Detrectare iugum queant.

C A R M.

Felices Animæ, quis hominum modo
Suspexisse datum est altius, ut sibi
Non solum, at Patriæ se quoq; et omnibus
Natas esse putauerint.

Inter quas Animis ille benignior
Cunctis extiterat, dum propius fuit
Nobis, syderibus nunc magis omnibus
Sydus conspicuum nitet.

Hæc sunt quæ breuibus Iule resumere
E multis potui, sed quoniam super
Sunt plura, et pariter nos modo surgere
Inclinans monuit Dies,

Tu quod subsequitur, nam potes, his graui
Annectas studio, sicq; putaueris
Nil abs te fieri sanctius, ac Patri
Te sic esse simillimum;

A D V R S I N V M P O L E N S E M
P R A E S V L E M P V E R I
C A N E N T E S .

O D E . X I I I I .

Alue Vrsine recens Historiæ decus,
s Qui scriptis Venetam rem decoras tuis,
Seu terra, egregius, siue gerant Mari,
Pacem, et prælia dicere.

Ad te nos Alacres Pieridum Chorus

Pimpleo

LIB. I.

Pimpleo uoluit mittere uertice,
 Ut sedem meritam, quam tibi dedicano,
 Nostris iam numeris scias.

Tu scriptis medius grandiloquis Titi,
 Et Crispi proprius, iudice Apolline,
 Sic utrunq; refers gratus, ut omnium
 Veracem sequeris fidem;

AD LEONICVM THOMEVM IN
 ANDRELLEM ET BRENTIVM
 DEFVNCTOS, HVNC EXTRA
 PATRIAM. ILLVM IN PA
 TRIA, SED VIOLENTO
 ICTV INIMICI.

ODE. XV.

Quo me uix lachrymis loqui
 Conantem reuocatis docte Leonice?
 Ut qua iam solitus lyra
 Lusus in iuuenes ludere uirginum,
Hac heu dura sodalium
 Lugenti moduler funera Nænia.
Quondam flebiliter ænens
 Aequales teneris ponere compulit
Sappho uerticibus comam:
 Dum caræ Libitinam celeres nimis
Iniecasse manus dolet

m ii

C A R M .

Timadæ: Iuuenem hæc nuper amabili
 N odo nexuerât pium,
 Et nunc ipsa pari saucia uulnere
 E t Tædas et Hymen parans,
 Sperabat fore felicius omnia.
 C um illi Parca fugacia
 Velox colligere stamina, turbidæ
 F uruum Persephones Thorum
 Fulgenti Thalamo prætulit inuida.
 Quid mirum facies nurus
 Expressa Acolio carmina Barbitō
 M ouisse, è propriis feras
 Siluestres trahere blanda cubilibus.
 N on nobis ea uis, neq;
 Quauquam sub tenero pectore nobilis
 V irtus occidit, et labor
 Immensus referens iam prope præmia,
 L uctu possumus hanc leuē
 Saltem quo uolumus flectere uoculam.
 S ed quis uos iuuenes satis
 Digne ornauerit? heu quis lachrymis satis
 T unc indulgeat? ut graui
 Ictu te lacerum uiderit Atticæ
 L inguæ non modicum Decus,
 Caris ante diem rapte parentibus
 A ndrelles patriæq; . quis
 Non iam firma parum duxerit omnia
 H umana, et lachrymabilis

Fortunæ

LIB. I.

Fortunæ miseris subdita casibus?
 Qui Brenti te Animam procul
 Ab dulci Patria tacte virilibus
 Vix annis, uiolentius
 Efflasse audierit Pieridum sacram
 Graiarum ac latialium
 Et morum pariter nobilium domum.
 Heu mortalibus optima
 Ut raptim fugiunt, uiuere qui cupis
 Felix, credere desinas
 Humanis nimium conditionibus;

AD PANDULFVM MALA *
 TESTAM PRIN
 CIPEM.

ODE. XVI.

Grandes referens Auos imago
 o Gentilis proprio indolis decore,
 Virtuti quoq; patriæ superstes
 Spes, et exoriens decus tuorum,
 Pandulfe, en tibi quantacunq; Neruis
 Conatur mea Barbitos sonoris
 Offert se, nec habet magis quod optet,
 Quam siquid tibi, mulceat quod aurem,
 Interdum moduletur, et quod atras
 Siquæ sint, ualeat lenare curas.

m iii

C A R M .

Si tanto tamen hæc potest honore
 Dignari Superum annuente rege,
 Vt non nil pariter iuuando proſit.
 In te non alia licet feratur
 Gratia, niſi qua fidelis olim
 In Perſam Dominum manus potentem :
 Quæ cum nil aliud ualeret, illi,
 In promptu quod erat, uerenter undam
 Hauſtam Fonticulo obtulit propinquo.
 Quod Rex non mage uilitate Munus,
 Quam rem ex animo atq; Mente prorſum
 Metitus, pariter recepit, illum
 Affectum bene, qui dedit, remittens.
 Qua freti ratione tum Corollis,
 Tum Pomis quoq; uilibus'ue libis
 Magnos agricolæ Deos adorant.
 Nec fas eſt dare pauperem, quod ultra
 Si det, eſt graue : computant et ipſi
 Tunc cenſus Hominum, nec eſt probata
 Res diuis magis ulla, quam uoluntas.
 Hanc autem tibi iam diu dicatam
 Præ me carminibus fero, ſed hæc ſint
 Num illi conſona, quem uelim, Decor.
 Expecto dubius quid ore librent
 Docto, qui ſacilem colunt Minervam;

AD

LIB. I.

AD VENEREM.

ODE. XVII.

Vid mihi tecum Venus esse dicam?

q Quæ nouo rursus iecur igne tentes,
Septimum cuius properauit Aetas
Claudere Lustrum.

D esinas quæso, Glycere sat ipsa est
V na, quo memet meus urat Ardor.
E t mihi nil est reliquum, quod alter
Occupet Ignis.

I lle mi totis furit in medullis,
N ullius supra uenientis Vndæ
I mpetu sperans minui, nec ulla
Crescere flamma.

T u modo firmum, propriumq; fixis
M unus id, quo iam satis et super me
D ina ditasti, nihil est, ut ultra
Amplius addas.

Quin tibi nodo religatus uno,
A rctius multo, propiusq; semper
H æream, quam si uarios in usus
Differar idem;

CARM.

AD GLYCEREN.

ODE. XVIII.

Edebat alto pectore iandiu
S curis solutum cor Glycere mihi,
 Vitamq; partitum per Artus
 Corporeos uacuam ferebat.
D onec Vcnustis de superis tui
 Cœlestis oris perpetuum decus
 Huc se per ardentis ocellos
 Imperiis grauib; recepit.
Quis illud actum continuo meum
 Cor me relinquit, sedēq; nudulum
 Prima euolat mox se beati
 Pectoris in gremium recondit.
I llhicq; tecum quin adeo potest,
 Paulatim ut Almo depulerit tuum
 Cor dulce templo, quo meus nunc
 Spiritus ipse sedet sacerdos.
A t exul illhinc id simul ac mihi
 Inane sentit pectus, amabili
 Festinat ingressum uolatu
 Tam modicis, uacuisq; Nidis.
H inc ille nobis mutuus est Amor,
 Hinc sensus unus, quo Glycere modo
 Pendemus hærentes, et alter
 Vinimus Alterius sub Aura;

AD

LIB. I.

AD SEPTIMIUM ET FUSCIUM
THOMEUM, QUANTIFACIAT
F. PETRARCAE POEMA.

ODE. XVIII.

Septimi et Fusci ueterum ac recentum
s Impari lingua celebres Poetae,
Et mihi multum unanimi sodales
Pectore iuncti,
L ene deductum, lepidumq; carmen
L ydii Vatis Dominam canentis
L auream, num uos moueat parumper,
Scire laboro.
M e quidem, cultum quotiens uolumen
I llud est sumptum manibus, perenni
E t noua quadam totiens legentem
Detinet arte,
S en per affectus animum potentis,
S iue per miram speciem moratur,
S iue delectantum dominae beatas
Moribus explet.
I nter et primos adeo uidetur
I nseri uates uoluisse, ut ullis
Quippe, uel paucis merito secundum
Esse negarim;

CARM.

AD FVSCIUM THOMEVM, QVAM
FELICES SINT, QVI RELI-
ctis cæteris curis, se musis dedunt.

ODE. XX.

Felix ter et amplius ille,
• Quem nescia curarum mens potest
Nectere leuibus Pieridum choris.
Neq; honestum multa mercede alto
Committit pelago, neq; medias
Per cædes uadentem aduersis
Hostibus opponit truculentis.
Dudumq; minus populari Auræ,
Regumq; inhians opibus musa
• Secreto tenuem accipit antro.
Vt innat hunc pede tangere solido
Paucis peruia loca, et audire
Insolitas uoces, ac uultus
Diuorum prope et ora tueri,
Iamq; oriri et crescere uatem
Ad bene memores usq; Nepotes
Venturum ampla laude superstitem.
Qualem te modo uidimus omni
Sollicitudine fusce solutum
Fluuii ad Permessi secessus
Implicitum Choreis musarum.
Dum illhuc saucius et male firmus

LIB. I.

Vix haustum ueni ipse salubres
 Lymphas, Animæ quibus extinguerem
 Ardores, et abluerem quod mihi
 Amor impressit uulnus, Amor, qui
 Acrius ubi me solito corripit,
 Festinans heu totas huc faces,
 Atq; pharëtram congerit unius
 Vultus Glyceres innixus ope;

SVSCITAT LYRAM AD AMO-
 RES PHOEBI CANENDOS,

inter quos Coronidis amorem nar-
 rat, et Esculapii ortum et edu-
 cationem, quæ optat nunc
 uiuere, ut ei ægrotan-
 tem Glyceren
 committat.

ODE. XXI.

q Vis nouæ tantus mihi mentis ardor
 Incidit? Quidnam meditare mecum
 Grata testudo uiridi sub umbra
 Dulce referre?

Hic locus certe taciturnus undas
 Propter inuitat uitreas, et omnes
 Eæ uentosi cecidere passim
 Murmuris Auræ.

C A R M .

E t mihi Phœbum tenuem per Auram

C ernere ex alto uideor , quid ergo ?

A n ne Phœbeos moniti cœnemus

Forsitan Ignes ?

V t leuem cursu celeri secutus

A nxius Daphnen retinente Dextra

P enè : præduro doluit fugacem

Cortice angî .

V t graues illi Clymene dolores

S ustulit natum Phaëthonta , ut ipse

P auit Admeti pecudes agresti

Tectus Amictu .

V t suos iræ impatiens proteruæ

A cribus fixit iaculis Amores ,

V tq; detecto dedit Ales index

Crimine pœnas .

N am deo quondam famulans amanti

D etulit lingua uolucris loquaci ,

A lter ut grato in gremio teneret

Forte Coronin .

V oce qua Phœbo solitus nitenti

E xcidit uultu color , et superne

S emper optatam speciem uideri

Exiit omnem .

Quin manu excussæ Citharæ decentes

L eueq; Plectrum digitis , et ipsa ,

H eu nefas , laurus capiti decoro

Lapsa pependit .

LIB. I.

A cre tum cornu solidumq; flexis
P romus incuruat genibus, superq;
A ptat extento Arcitenens acuta
 Spicula Nervo.
M ox et intendens oculos, in uno
H æret obtutu, miseræq; pectus
T raiiat, sancto totiens quod ante
 Presserat ore.
N on leue exemplum, ut maneat puellæ
V sq; promissis, fidei nec unquam
T ermino aberrant, statuit prius quen
 Cumq; Cupido.
V ltimos ergo gemitus ab imo
C orde confosso dedit icta, supplex
I nnocens nequid pateretur infans
 Matris in Aluo.
T um grauis arcum inualidos repente
C orporis sensus requies oborta, et
S emita infernas Animæ reclusa est
 Dura sub umbras.
A t Deo tristis simulac imago
I mpie nati pereuntis unâ
A tq; respersi subiit peremptæ
 Sanguine Matris,
I llico seue nimis expetitæ
P œnitet poenæq; necisq; amantem,
S e;q;, tam promptas uolucris quod Aures
 Præbuit: odit.

C A R M .

Quid sequens dicam? Medicas ut artis
Sæpe tentarit, trepidansq; frustra
Ipse fomento incolumem salubri est
Reddere nixus.

A ut ut immensi memorem doloris
Indicem prisco spolians Nitore
Inter albensis uetuit uolantes
Viueret coruum.

A ut ut exemptis lachrymis acerbo
Fueri, extremum quod amans ualeret,
Iusta persolvens, gemitu supremo
Cuncta replet.

Ille et ereptum lacero parentis
Ventre Chironi puerum sub alta
Antra tum uitæ celebri magistro
Misit Alendum.

Qui simul caro teneris Alumno
Nexibus linguam senior resoluit,
Imbuunt primum leuiter uirili
Pectora sensu.

Inde mox illi ualidas potentum
Lætus herbarum Fruticumq; uires
Omnium, et totum penitus medendi
Protulit usum.

Namq; morborum perhibent latentes
Rite cum signis docuisse causas,
Quæue mortales ope læsa possent
Membra leuari,

LIB. I.

S iue opus ferro foret ora putris
V lceris scindi, fragiles uel artus
E rigi, lentò ue patens foueri
Vngvine uulnus.

S eu forent fessis grauius, priusquam
F eruerent aestu interiore, danda
Quæ salutare resoluta miscant
Pocula suau.

H inc ad occultas reuerasse fertur
S emisere uoces aditus et illum
S æpe per sacras Magici tulisse
Carminis artes,

I am quibus fretus Iuuenis potenter
N on modo affectis opifex adesse,
S istere et fatum ualuit, sed intra
Limina quondam

A usus horrendi penetrare læti,
I nde mortalem scelerum nouerca
A rte discerptum rediens Auaro
Abstulit Horæ.

O mihi si quis deus annuisset,
V t uel expertus pater ipse Chiron,
I mpotens uel Phœbigena hoc sub æuo
Duceret annos,

Quas preces supplex manibus supinis
F underem, uel quis grauius tenerer
P rotinus uotis, utriusq; sanctum
Numen adorans,

Vt meae saevo quotiens dolore
 Angitur praesto dominae benigni
 Afforent, quo tunc fugeret reuulsus
 Corpore languor.

Qui simul torquet miseram per omnes
 Fertur heu repens uelut Anguis artus,
 Atq; mox cunctos populatus aufert
 Pectore sensus,

Hei, mihi quo tunc Animus labantis
 Vinctus inspecta specie recedit,
 Quo mihi defecta abeunt relicto
 Membra uigore,

Sed satis, nam me lachrymae quod ultra est,
 Iam meae fari impediunt, mihiq;
 Penè singultu subeunte uocis
 Clauditur usus;

MARTIO ANTONIO PASTIO
 VERONENSI, CAUSAS
 REDDIT, CVR DIV
 TIVS PATAVII
 MORETVR.

ODE. XXII.

Antoniam quoniam Patavi cessare sub urbe
 Iam nimium uideor,
 Accipe quae ualeant hic me per cuncta morari
 Tempora

Tempora iure suo .
Huc ego digressus uix è puerilibus annis
 Patre iubente adii ,
 Quo primum teneræ legi mihi cara sodales
 Pignora amicitiae .
 Quos super adiunxi grata quoq; lege fidelis
 Seruitium dominae .
Tum ueterum a primo consueui tempore mentem
 Excoluisse modis .
An pauca ingressus uideor , studiumq; , et Amore ,
 Atq; sodalitiū ?
E quibus unū unquā si quis mihi dempserit , ambos
 Dempserit ille oculos .
 Quantum est ingratas animo deponere curas
 Dulcibus Alloquiis ,
Aut cum prudentis socios conuenimus , aut cum
 Lenibus accipimur
Blanditis grate Dominae , quibus omnia nobis
 Esse minora putes .
Illud et est quantum quodam tenuis isse , nec altā
 Extimuisse uiam ,
 Qua tantum subeas , ut uulgus inaniter infra
 Repere despicias .
Hæc sunt quæ longe a patria : dulcissima quāuis
 Sit : retinere queant ;

CARM.

AD. L. CAMPANVM CAMPVM,
QVOD NOLIT AMORIS VIN

culis irretiri, uel si id omnino
affectat, eam saltem Domi
nam inueniat, quæ iis con
ditionibus prædita
sit, ob quas per
petuo ame
tur.

ODE. XXIII.

A etius uitam perages Amice
l Campe, si nullis teneare uinclis,
Quæ parum cautis Animis Cupido
Tendere suenit.

D ulcius curis nihil est solutis,
E t nihil contra grauius putandum,
Quam uago obducta inuolucris subinde
Mente teneri.

S i tibi cordi tamen hoc, et una
H æc tibi insedit penitus uoluntas,
L iberum dedi caput, et sub Arcta
Vincula mitti,

H anc tibi saltem Dominam parato,
Quæ iugo tecum parili feratur,
S eruitus cui nec grauis esse possit,
Imperiumq;

Quæ

LIB. I.

Quæ nihil præ te cupiat, nihilq;
A lterum quicquam uelit, atq; soli
H æreat semper tibi, semper abs te
Pendeat uno.

E t tuis unis oculis ab ipso
C orporis toto habitu placere
D estinet, cunctis aliis uel una
Displicitura.

A uream quæ si speciem pudicis
M oribus uitæ melioris ornet,
P ræter hanc nolis aliud, nec optes
Pectore toto.

O mnis ac illhinc tibi sit uoluptas.
C ur enim iactent homines inanis
D iuitum curas mihi? cur honorum
Debile Munus?

I llud hoc unum est animans, quod olim
P rotulit compar Deus ipse nobis,
Q uod uiris solum bona cuncta secum
Ducere posset;

CONSOLATVR P. GLYCEREN, NE
TANTOPERE ORIVMCATV
lum uita functum fleat, cum ille ad
Elisios campos inter egregias
Virgines uersetur.

ODE. XXIIII.

CARM.

O *Starum Glycere gloria uirginum*
d *Iam tandem lachrymis pone modū tuis,*
Humentemq; oculis desine turbidam
Nubem tendere lucidis.
A *h* *quanuis Catulus flebilis Orius*
Non æqua ad superos desierit die,
Perstringes placidi pectoris halitum
Duris usq; doloribus?
N *on* *hoc ille pijs sedibus additus,*
Non uirtus tua, non quæ uelut aureis
Inserta irradiat Gemma monilibus,
Pulchro corpore castitas,
N *on* *hoc Elisiæ Blanditiæ uolunt.*
Quas illi in tenero gramine, dum fugit
Diram Pasiphaen, exhibet anxia
Casto Penelope sinu,
V *nde in Purpureo flore reconditus*
Illudit tibi, quæ Vatis amabilis
Facta es carminibus Laura recentibus
Aeterno celebris die.
H *inc Sapphō Aeoliden, hinc lyricam petit*
Muscā, dum Dominae persimilem sagax
Quærit, nunc tacitum Blandulus insilit
Infernæ gremium Deæ;

AD

LIB. I.

AD ADOLESCENTES ET PVEL-
LAS, VT CONNVBIIS
INCUMBANT.

ODE. XXV.

Vndum principio Deus
m Ornatum uaria lege Animantium
Vt primum instituit, uago
Impleuit generis cuncta cupidine.
A c quasdam, uelut abditos
Illis igniculos, illecebras dedit,
Quis capti, similes sibi
Dum quisq; ediderit, stirpe subaddita
I mmenfos traherent dies.
Hinc nullo sua discrimine gaudia
C omplebant faales palam.
Nec norat genitor dulcia pignora,
E t natum latuit pater.
Hinc rixæ miseris non sine cædibus,
H inc mille scelerum modi,
Cum sæpe e patrio sanguine filius
P ænas sumeret, et pater
Nati in uisceribus pollueret manus.
A t prudens simulac rude
Humanum Aetherea sede Thalassius
I nuisit genus, illico
Viderunt homines impia crimina

n iii

C A R M .

D etectis oculis , quibus
 Immixtus pietate emicuit pudor .
 H ic gratam Iuueni , sacro
 Vxorem , ac stabili connubio dicans ,
 P rimus prodidit infc̃is
 Quæ nati pietas , quiq; parentium
 A rdor , quam facili uiros
 Vxores colerent lege , quid artius
 V rbes et populos simul
 Deuincat , retinet , regnaq; principum
 S eruans , ac inopum domos .
 Ergo tam nitidis moribus , ac piis
 T otos uos iuuenes date .
 Et uestris similes edite patribus .
 V os lætæ quoq; maximi
 Amplexæ Hymenis munia uirgines
 R eddētis ueteres A uos
 Felices sobolis reddite coniuges ;

A D M V S A M .

O D E . XXVI .

V sa iam tecum satis hunc in Annum
 m L usimus grata uacui camœna ,
 Quin parum cessas , tenuesq; nervos
 Diua remittis ?
 D um graues imus Danaum per artes ,

Qua

LIB. I.

Qua pedem docti ueteres tulerunt .
 Tam simul paruis humeris nequimus
 Cuncta subire .
 Inde mox largis opibus priorum
 Forsitan mecum grauior redibis ,
 Cum tibi graio uariius nitescet
 Barbitus auro ;

AD PANDULFUM MA
 LATESTAM .

ODE . XXVII .

Iquis forte Rosæ florem tibi cultor Agelli
 Exigui dederit Pã dulce, aut cærea pruna,
 Aut quæ secreta decerpserit arbore mala,
 Hæc tu nimirum non adspernatus , aperto
 Accipies uultu , tecumq; putabis Amica
 Hos Animos ulla non sedulitate minores .
 Hac ergo impulsu spe , quas in uallibus imis
 Aoniæ tenui collegimus ungue corollas
 Mittimus , ut parui quæ possumus , utq; patentem
 Repentes per humum : quod si dignabere fertis
 Vinari modicis caput , et spiraueris ullo
 Tempore scandenti dextro mihi numine collem ,
 Forsitan ipse sacro rediens è uertice primus
 Incipiam lectas edera contexere lauros ,
 Aurea quæ semper uireant tibi tempora circũ .

n iiii

CARM.

O mihi quid potius contingeret, o mihi felix
 Ille dies, mihi cum tua dicere facta licebit
 Maeste tua uirtute, simul uirtute tuorum.
 Nunc uero sat erit, si, quæ, dum seria ludo
 Miscuimus facili linquentes tenuia rerum,
 Lusinus interdum, placida dignaberis Aure;

AD MVSAM · DE LA VDI
 BVS GLYCERES.

ODE. XXVIII.

V ne quoq; extremum Glyceren canenti
 h D iua concedas Eratò laborem,
 Dulce quæ nomen retines Amoris
 Sola sororum:
 S iue Cyrræi spaciata saltu
 C ollis, altorum nemorum sub umbra
 L enibus circum fidibus silentem
 Aëra mulces.
 S iue Permessi uitreas ad undas
 F luminis, cantus referente ripa,
 M olliter Diuum modularis ignes
 Voce canora.
 E rgo quas primum repetam pudici
 P ectoris dotes? fidei ne sacrum
 V inculum, quod iam religata nouum
 Nectit in Annum?
 Vinculum,

LIB. I.

V inculum, quod nec minimum superba
S orte cuiusquam poterit resolui,
V inculum, quod perfidia nec ulla

Arguet Aetas.

A n ne quæ casto sedet ore nuda
V eritas illi, probitasq; semper,
A tq; iocundo pudor et uenustas

Iuncta lepore.

A n prius solers labor, atq; mentis
P rovidæ sensus referantur? et quæ
R ebus est illi in dubiis adhærens

Ardua uirtus?

A n modus, famæ metuens malignæ,
A n ne quæ simplex, et hians honori
S emper est concors famulata puro

Forma pudori.

Quæ'ue sic dulci mihi me rapina
A bstulit, nil ut reliquum supersit,
Q uod meæ non ex dominæ benigno

Pendeat ore.

N anq; si fas est oculo quid unquam
F orte mortali superum uidere,
I d mihi quondam intuitu beato

Contigit uno,

V ersa cum sanctos, acies ad ignis
S yderum, læta quibus illa fronte
L ucidum fulget, nihil esse sensit
Pulchrius usquam.

CARM.

I nde, quis credat, propius tuenti
C ertus in cœlum reditus patefcit,
A tq; facturis iter illud, omni

Lator extat.

N anq; si tanta reliqui per omnem
L uce cœlestes aditum renident,
S ordidæ in terris Animæ quid ultra

Fata moramur?

Quin eo læti properamus? unde
S pirat hæc nobis levis Aura, cuius
M irus inuitat decor, atq; aperta

Limina monstrat.

I pse quam longum fuerit super mi
V ita, diuinum iubar hoc sequendo
E ximar cæcis tenebris, et Atro

Carcere Liber;

IOANNIS AVRELII AVGVREL
LI CARMINVM LIBER
SECVNDVS.

RESVMIT LYRAM, QVAM SVPERF
ORE LIBRO, A MVSA BRE
VIS TEMPORIS VE
NIAM PRECA

*tus, dum ad græ-
cos auctores se
conferret,
deposu-
erat.*

ODE. I.

*N uices gratæ redeuntis
Anni,*

*Lege quæ diuum stabili
Iubente*

*Debitos terris referunt honores
Tempore certo.*

*C oncipit uires genialis Ardor,
E t nouis æui iuuenescit horis,
Q uo semel moto exhilaratur omnis
Concitus orbis.*

*O cio num tu fidibus solutus
D editus fies mihi solus, et te
F orsan immundo paries habebit*

CARM.

Pulvere tectum

B arbite? haud ista mihi mente clavis

A ereris pendes, licet ipse pura

T e manu templi positum sub alta

Parte reliqui:

C um breuem dulci ueniam Camœnæ

I nterim paucis numeris petui,

D onec ad Dites danaum recessus

Pauper adirem.

V nde rimanti penitus quod ultro

S e mihi ferret, leuiter receptum

I d tibi mecum rediens in usum

Omne referrem.

E n opes ergo quibus ipse posthac,

V t uoles, uti poteris beatus,

E n quibus noles aliis nitenti

Cedere cultu.

Q uod nec audacter, leuius' ue dictum

C ogites, Nam tu nimium nec optas,

E t mea pro, quod satis est, virili

Ipse parauit.

C umq; tu cuncta statuas prudenter,

I ure ne credas minimum decere,

Q uod nec ornatu nimio, nec ulla

Sorde laborat;

LIB. II.

AD IULIVM ALEXANDRV
CAPELLAM, AB AMORE
DEHORTATIO.

ODE. II.

Iquid rerum Iule per usum
S Expertus recte coniecto,
Quod naticinari prudentes
Dixere uiri, en ego nunc Vates
Ab nimio hoc uultus pallore,
Deq; assiduo pectoris halitu,
Et titubantibus adeo uerbis,
Vesanam auguro forte aliquam tibi
Iam circum præcordia sensim
Repentem curam, quæ dura
Hac te uiuere conditione
Ipsa uolens cogit nolentem.
Huic nisi tu principio gnauiter
Et forti animo obstiteris, frustra
Post ipse reluctabere, cum super
Ingestus turbarum cumulus
Te, quam ut ualeas ferre, ualentius
Premet, usq; adeo largior ingruit
Fons semel haustus sollicitudinum.
Sed non ulla tamen magis acriter
Pestis uitanda est tibi, quam trucas
Subigi sæua lege Cupidinis.

Hæc penitus defixa medullis
 Internis, et mordicus hærens,
 Non nisi primos pascitur artus.
 Hæc et mentis nititur arcem
 Tormento excussam illecebrarum
 Perniciosus hostibus ingredi.
 Quos ualidis conatibus alto
 Deturbes folio est opus, et procul
 Inde extrema in parte relèges.
 Atq; ipsa dei quotiens improbi
 Species obuersabitur oculis,
 Auersus contineas uisum, et
 Ne te fallax illius Aura
 Falsis teneat blandiciis, caue.
 Interea quæ uerba salubriter
 Olim, dum forte anxia deuium
 Natum quæreret, effata est Venus,
 Si uacat, Audi. O si quis Amorem
 In triuiis errantem uiderit,
 Meus est fugitiuus pretium sibi
 Index Basiolum Veneris feret.
 Verum si ad me huc egeris illum,
 Non solum tibi Basiolum uelim,
 Sed multo plura habeas hospes.
 Est puer insignis, tu propriis
 Hunc cognosce notis, Nam corpore
 Haud quaquam toto albicat, Igni
 Assimilis, cui lumina flamma

Fronte micant acri, Mens est mala,
 Verbulâq; olli suauia, nam quod
 Loquitur non sentit idem, Mellea
 Vox quoq; sed cum incenditur ira,
 Est fera Mens, fallax, fraudatorq;
 Et mendax puer acria ludit.
 Crinibus intonsis caput ornat,
 Osq; ferum, faciemq; proteruam,
 Exiguasq; manus habet, attamen
 Procul iaculatur, et in luridum
 Acheronta ferox usq; nec ipsi
 Curat Stygio parcere Regi.
 Membra quidem nudus, sed Mentem
 Velatus, Ausq; aduolitans modo,
 Corde uiri, Gremioq; puellæ
 Insidet, ut spretis ita cunctis
 Mente leui, curaq; ferantur.
 Sunt quoq; et Arma illi, exiguoq;
 Ferit Arcu, paruaq; sagitta.
 Parua sagitta quidem, sed et altum
 Aethera sæpe petit, sed et ipsum
 Sæpe Iouem, proprio qui numine
 Summumq; polum, et sydera torquet.
 Parua Pharétra Humeris dependet
 Aurea, et intus amari Calami,
 Quibus hic me quoq; matrem sæpe
 Sauciat, omnia sunt sæua, omnia.
 Multoq; sibi est senior ipse.

Fax modica est, superat tamen illum
 Quo clarent penè omnia, Phœbum.
 Ergo hunc si capias age uerbere,
 Neq; tu miserare, ac si flentem
 Aspicias fortasse, caueto
 Ne te decipiat, si arriiserit,
 Magis attrahe, si suauia uellet
 Ferre tibi, fugito, sunt noxia
 Oscula, et ipsis sparsa labellis
 Toxicæ si tandem tibi dixerit
 Hæc cape, nempe tibi hæc mea cuncta
 Largior Arma lubens, nequid tu
 Contigeris, fallacia munera
 Hæc speres, nanq; omnia Amoris
 Sunt ardenti infecta ueneno.
 Sic dea, quanuis ipsa parens foret,
 Multa diu conquesta est quærens,
 Donec latitantem illum, et multum
 Ambustum facie propria comperit
 Nescioquam complexum Psychen,
 Quam, Matris præceptorum immemor,
 Ne cui scilicet unquam uellet
 Se Vinclo sociare iugali,
 Vxorem optarat sibi, iamq;
 Inde pater natam suscepit,
 Quæ quanquam semper Mortalibus
 Aegri non nihil afferat, iis tamen
 Diatur Ampla uoce uoluptas.

Hæc est

LIB. II.

Hæc est quæ falsis, et leuibus
 Munita bonis ægritudinum
 Cupidis Animis insidiatur.
 Quam semper ueluti dominam pater
 Assiduus comitatur, et illius
 Dura stimulos acuit cote,
 Quis agitata nequit mens ullo
 Fine regi, sed lapsa refertur
 In perus, nullisq; tenetur
 Virtutum uinclis, quibus ego te
 Iule uelim adstrictum, leuiumq;
 Immunem sic ducere uitam
 Curarum, uacuumq; laborum;

CONATVR NICOLAVM SCHO
 LAMPATAVINVM ABSEN
 TEM, ET ALIAS RES AGEN
 TEM DOMVM, AC AD DI
 SCIPLINAS, QVAS
 CALLET, RE
 DVCERE.

ODE. III.

A epius de te querimur, quod absis,
 Et diu cesses Schola, uix ut ultra
 I am tui desyderium morantis
 Ferre queamus.

C A R M.

H ic locus nam quid innat, et quid his te
R ebus indignis animum fatigas?

A ltius quo non alius profundum
Aethëra posset

S candere, et cunctos nitidi subire

O rbis amfractus uagus, et liquentum

Ignium solers penitus latentis

Quærere Causas.

N ec magis quisquam potis esset, oris

S piritu grato grauius referre,

Quæq; perpendis, pariterq; magno

Pectore promis.

S iue terrarum, pelagiq; longos

A mbitus tecum studio recensēs,

S iue metiri numero carentis

Pergis Harenas.

S ordidis ergo, cupidisq; rerum,

Quiq; uicturi satagunt, et ullo

V iuere ex uoto nequeunt beati,

Ista relinque.

N am satis quondam puero benigne,

E t manu largæ superi dederunt,

V nde, quo posses sapienter uti,

Esset abunde.

A dde quod tempus placidæ quietis

I nstat, ac istis inimica curis

A nxius ætas properata serum

V ergit in Acuum.

Quin

LIB. II.

Quin tibi cursu propiore tandem
A ureæ portus petitur salutis?
Lætus ut hoc, quod superest, secundo
Tempore uiuas;

AD HERMOLAVM BARBARVM
P. VENETVM, IN DIO-
SCORIDIS TRA-
DVCTIONEM.

ODE. IIII.

St repens pedibus paruus humi Leo,
Quod uernis Animal flatibus, et leui
Tantum uescitur Aura,
Hermolae coloribus
Contectum uariis, nam penitus refert
Quoscunq; attigerit proxime. At est quoq;
Huic cognominis Herba
Terræ uersicolor suæ,
Sive hæc Cyaneo, seu uiridi fore
Illam, uel croceo tegmine iusserit.
Hæc sed cuncta potentis
Naturæ prope ludicra.
Quid tu? Qui propriis uiribus, et graui
Verborum serie grandia stirpium
Sic miracula promis,
Gemmarumq; ualentium

Manes penè cauo demere Tartaro.

His quam perspicuo, nec tenui tamen

Discrimen facis ore.

Illas ut bene frondibus

Et Ramo et foliis et floribus explicas.

O fecunda Animi copia. Quod tibi

Narratur, simulatq;

Doctorum uenit Auribus

Perceptum, hoc adeo non simile est sibi,

Vt se sic oculis protinus indicat.

Talem Protea quondam

Passum uincla tenacia

Pastori species mille putauerim

Induxisse nouas, horribilem feram,

Ignemq; fluminumq;

Dilapsum in tenues Aquas;

AD HIERONYMVM BONONIVM,

NIHIL ESSE PRETIOSI

VS TEMPORE.

ODE. V.

Vlla maioris pretii supellex

n Temporis paruo fugientis usu

Contigit nobis Superum benigno

Munere Diuum.

Qua frui si quis scierit Bononi,

Ille

LIB. II.

I lle præcurrens opibus potentis
D iuites, solus poterit beatam
 Viuere uitam.
S eu diu semet stabilem, aut caducum
C ogitet, nam quid sapiens putabit
E sse momentis trepidantis horæ
 Carius unquam?
T emporis prono simulac abuti
P arcus cursu statuet, quod inter
M ulta, quæ nobis aliena, nostrum
 Extet id unum.
C uius immensæ penitus rependi
V lla iacturæ nequeat facultas,
N on opum, non quos popularis Aura
 Iactat, Honorum.
E rgo ne cesses sapienter unâ
H oc opus planè properare mecum,
N equis enadat tibi punctus Aeni
 Segniter ullus;

AD MVSAM, IN PETRIBEM
BI. P. VENETI LAV
DEM.

ODE. VI.

e Cquod Dina Corollis
Istis floridulis tuis

o iii

Dignum nunc statuis caput?
 Cui tantum in tenero sinu
 Nunc Myrti, ac Ederæ foues?
 Istis cui manibus sacris
 Tantum nectis odorum?
 Nunquid forsitan hæc meo
 Bembo ferta uirentia
 Dulcis Pieri præparans,
 Nascentem quoq; ad ipsa
 Incunabula tendis
 Exornare poetam?
 O quam principio indolem
 Præ se mirifice tulit
 Ille, cum patris optimi
 Nuper carmine turbidam
 Ausus tangere mentem,
 Admouit solidam ori
 Heroi sonitus Tubam.
 Vel cum sæus Cupidinis
 Longum uulnera pectori
 Affixa indoluit suo,
 Quod æternum Elegis foret
 Dura pignus Amicæ;

PRO

LIB. II.

PRO. N. FRANCO AD ALPHON
SVM RERVH HISPANIARVM

scriptorem, post aptam de infide=
libus Vrbem Granatam ab
inuietissimis Hispaniæ
Regibus.

ODE. VII.

e St opus dignum pretio, Minora
Quæq; spernentem, nihil haud superbū
Aggredi, et magnas nisi res potenter
Sumere agendas.

S e q; post offert merito secundis
L audibus, qui iam benefacta puris
I mprimens scriptis, eadem perenni
Dedicat Aëro.

Qualis Alphonsæ propriis inisti
G entis Hispaniæ calamis honores
N uper, et regum merita decoros
Laude triumphos.

V t uiris urbem, studiisq; Belli
A speram, et multis aliunde sumptis
E t suis sese decimo tuentem
Viribus anno

R egus tandem uigor, atq; uirtus
B ellica, et prudens superarit Astus:
I am quibus sanctæ fidei rebellis

C A R M .

Quisq; pauescit.

V t tot ex una Hesperia potentum

P rinapum late populi uolentes

S igna diuersi sequerentur uno

Nomine Regum.

V tq; Mendocæ Duo tum ualentis

R oboris summis opibus frequentes

I uerint, tum consiliis, subinde

Castra secuti.

D eniq; ut nobis aliquando nomen

P erditum tanto retulit Trophæo

S acra maiestas, docuitq; Victos

Vincere posse.

H eu pudet quantas tulimus referre

I andiu clades miseri, et quod ignis

I lle Turcarum opprobrium perenne

Dirus inussit,

C um pias quondam uiolentus urbes

A bstulit cunctas Danaïs, et ultra

I mpius Flammas Italas ad usq;

Protulit oras:

Quem neq; extinctum, neq; se mouentem,

P erfidi sed iam uomitum furoris

F orte spectantem cohibebit unus

Victor Hiberus.

N am simul sanctos superum fauores

H ausit, ut gentis adeo feroci

P ræditas cultu domitare tanta

Quinerit

LIB. II. . M R A C

Quiuerit Arte,
Hunc quis ad cunctos dubitet *furentum*
I mpetus ire oppositum mereri,
S umma cui rerum bene cedat omnis,
Imperiumq; ?

AD NICOLA V M PASSER V M PA
TAVIN V M : E V M RECTE
BEAT V M DICI, QVI VI.
TA FVNGIT V R
QVIETA.

ODE. VIII.

O lis Passere mollibus
Quenquam deliciis, aut opibus lenem,
V el quod credulior sibi
Insanis inhiat semper honoribus,
I am felicibus hunc, uelut
Immunem miseris sortibus, inseri.
N am siue undiq; sordibus
Angustis premmur, seu nitidi sumus
R eges, nescioqua tamen
Vrgemur pariter sollicitudine.
Quod si in propatulum suis
Quicunque explicitis conditionibus
O ptandi dederit vicem
Cuiunq; , ut libeat, summaq; , et infima,

C A R M .

Cunctorum simulac bonis
 Immixta exiguis tot mala senferint ,
 Et purum penitus nihil ,
 Mox omnes uideas sorte domum sua
 Contentos petere , et graues
 Quoscuq; ingenta peste relinquere .
 Felix qui solida potens
 Quamprimum requie , nec caput anxiiis
 In rebus posuit , neq;
 Plus æquo placidis arduus extulit ,

A D S E M E T A D H O R -
 T A T I O .

O D E . IX .

Ergo , quid cessas ? patet hoc aperto
 Protinus cunctis iter , ut uolentes
 Imus , et nosmet properamus æquo
 Sistere Campo .
 Atq; si moles prius obstat ulla ,
 Quominus iam tum uidearis apte
 Ingredi , ne tu tamen abstinet
 Promptius ire .
 Hanc enim mox cum superaris , illhuc
 Veneris , quo non alius patefcit
 Planius nobis locus , atq; callis
 Latior ullus .

LIB. II.

Qua per Apricum nemorum Vireta,
Perq; florentum medios odores
Lætus ad sedes superum beatas
Leniter ibis.

Nam semel pressis, et humi relictis
Noxiis curis, erit Aequa posthac,
Quæ tibi forsân poterat uideri
Ardua, uirtus.

Vna quæ cunctos aditus recludit
Asperos nobis, facilesq; reddit,
Quæ ue mortales super astra prorsus
Vna reponit;

PVER PRO CIVITATE TAR
VISINA AD CARDINA
LEM GRIMANVM.

ODE. X.

Iuæ quæ lauitis comam
d Puro Castaliæ Rore, nec alteri
Quam Phœbo finitis sacrum
Contingi laticem, ducit amabiles
Dum uestros medius choros,
Vel cum fatidias plena uolens suis
Miscet pocula vatibus.
Nunc primum teneris ingredior puer,
S i fas est, pedibus nemus,

Vestrisq; admoueo fontibus oscula,
 F retus quo valeam meas
 Tanto primitias edere principi,
 I sti, qui licet omnium
 Splendens Pontificum præniteat decus,
 V tuncq; has tenues tamen
 Nunquam (quæ grauis est ipsius Aequitas)
 A spernabitur Insolens.
 Ergo cui pariter Maxime Principum
 V irtus unanimi gradu
 Fortunæ subit, et fertur, et omnia
 A equali uice temperat,
 Salue, nam prius hoc Aonidum chorus
 I n tanta tibi deditæ
 Urbis lætitia dicere postulat,
 D ehinc ut quam stabili tibi
 Intexant serie stamina Virgines,
 Quæ fata ad superos neunt.
 Nam tu cum uario multa peregeris
 D octrinæ studio diu
 Sublimi ingenio functus, et hac graui
 M ortales ope Iuueris.
 Hinc uitæ ingrediens mox iter alterum,
 H umanum ut foueas genus,
 Patrum consilio et munere Maximus
 F ies perpetuo Pater,
 Omnis cui merito pareat, et libens
 O mnis quem ueneretur, et

LIB. II.

Quem uere solidas continuo uices
Illius gerere autumet,
Qui cælo ut superis singula prospicit,
Sic mortalibus omnia
Aequa pro meritis lance reponderat;

AD CASSANDRAM FIDELIEM
VENETAM, VT SE AD HI-
SPANIARVM REGINAM
LIBENTER CONFE-
RAT, ADHOR-
TATIO.

ODE. XI.

*N*a nimirum Series Fidelis
Urbus est concors superis, et imis,
Qua simul cunctus uariat, simulq;
Conuenit orbis.

Quæ licet paucis soleat patère,
Hanc potest plene tamen intueri,
Quisquis attente propiora nobis
Pensitat Aequus.

Sæpe nonnullos adeo sub uno
Dispares tecto uideas, ut illos
Inter immensi mediam putaris
Aequoris undam.

Alteros forsan simili propinquos

CARM.

M ore, sed toto penitus remotos
 O rbe, uis fati parilis uolentes
 Coget in unum.
 H incq; tu nusquam Hesperiae potenti
 V isa Reginae cupide uocaris,
 S umma nam uirtus utriusq; summo
 Consonat astro.
 I lla regalis specimen decoris,
 O mnium quot sunt simul, et fuere,
 A c erunt unquam A etherei sub amplo
 Culmine tecti.
 G rata tu Diuis et Amica Musis,
 V irginum splendens decus eminentum,
 P erditum longo reuocans ab Aeno
 V na reducis.
 E rgo quod felix tibi sors benigne
 R egis offert manibus, uerenter
 S ume, et in tanto Superis habeto
 Munere Grates.
 N anq; uix illhuc uenies, et Almam
 S enties terrae speciem beatæ,
 M ille cum lætum tacite subibunt
 Gaudia pectus.
 N ec tibi speres breuibus referri,
 Quæ mihi in mentem ueniunt notata,
 M ulta dum Franchus memoranda dolci
 Ore recenset.
 Qui semel summi uenerandus illhic

LIB. II.

P atris orator, meliora quæq;
M ente scrutatus, memori referre

Singula gaudet.

S ed nihil felix reputes benigno
E t graui regum magis et beatæ
S tirpis aspectu referentis omni

Indole reges.

Q uo tibi quondam dabit ut fruare

N obilis Virtus tua, cum patebit

I n dies maior, peragente certo

Ordine rerum;

AD MARSILIVM FICI
NVMFLORENTINVM
IN LIVOREM.

ODE. XII.

B am forte; salubribus

i Quæ Lymphis Aponus perfurit, anxius

Quæ tantum liquido ignium

Nais concipiat pectore Marsili

A eternum Sophiæ decus,

Seu uiuo tumeat sulphure, seu Nitro,

N igrantis'ue Bituminis

Interfusa graues æstuet halitus,

S iue hinc semita deferat

Vndas Tartarei fontis ad igneas

D iris peruia fontibus,
Heu tristis mihi cum belua Deuio
H orrenti subito specu
Visa est se celerem tollere, cui manus,
E t Frons, et caput, et pedes
Humani, reliquo corpore squallidus
S erpens inseritur uagis
Instratus leuiter tergora pinnulis.
H uic dextra geminae faces,
Quarum mox ubi me contigit altera,
I nfecto sibi pectori
Crassantem subigit sauius alteram:
A tq; istis, ait, ignibus
Hic me perpetuis ardeo, uiderim
S iquando meritis bene,
Nunquam laeta nisi nobilium malis.
H is sic Attonito mihi,
Ambustoq; hominum tunc genus excidit,
Q ui monstro huic penitus dati
Despectant oculis omnia liuidis,
V t iam nil cupiam magis,
Quam tecum miseros effugere Inuidos;

A D

LIB. II.

AD HIERONYMVM BONONIVM
PETENS, VT QVAERVR I
COMPOSVERIT, EDAT.

ODE. XIII.

V re quid nobis tot agens diebus
r Quod diu spiret referes Bononi?
Quos legis, quorum tibi summa semper
Copia, flores?
A rte cui doctis manibus magistra
N ectis hæsuras capiti Coronam?
Quæ tibi Halantes Pieris per, Herbas
Lætæ ministrat?
M ollibus num te uiolis moratur
H æc, an incumbit rubidis Rosetis?
E t leui neprem folio latenter
Iungit Acutum?
Quicquid intexis uacuis, petenti
D ulcis imperti socio benigne,
O mnium tantos tibi qui recessus
Inuidet unus;

AD FVSCIUM THOMEVM DE
IOANNE Laurentio Veneto.

ODE. XIIII.

s Vnt uera Fusci, quæ mihi de tuo
p

C A R M .

Laurente narras sæpius ? ut graues
Virumq; curas, et Deorum
Consilio meditetur æquo .

I nterq; summos implacidum decus
Aestus honorum mobilibus iocis
Deducat interdum morantem
Collibus Euganeis Camoenam .

Qua latus olim scandit in Aonas
Montis , et illhic uirgineos Choros
Inuisit Audax , et soluto
Castalium bibit ore nectar .

E rgo aut ferenti grandia dextera
Tractat potentum munera Principum ,
Dulcesq; opum fructus honestæ
Consequitur segetis Beatus .

A ut atra fronti nubila differens ,
Persundit alto carminis , et lyrae
Ardore mentem , dein recepta
Pyndaricum mouet arte plectrum .

T um uero cœu cum nubibus arduis
Coactus imber constiterit notho ,
Mox ingruit terris , ruitq;
Crebrior innumeris harenis ,

S ic ille grandi turbine concitus
Vinacis Auræ , fertur in abditas
Regumq; laudes , et Deorum
Plurimus , atq; uirum per ora

D iffundit illos , et grauius sitis

Premeute

LIB. II.

Premente denso carmine uendicat.
 Quid? cum patenti Aluo fluente
 Leniter, et nitreo liquore
 Descendit acris per medias faeces
 Sæuæ puelli matris, et igneos
 Dulcis Iuuentæ secum Amores
 Præteritos uacuis recenset.
 Tunc omnis illi molliculus Iocis
 Ridet uenustus in labiis Decor,
 Et gratiæ ludis, et omni
 Implicitæ Veneres Lepore.
 O quanta puri pectoris est fides,
 Quam non medelæ uulnificum patet
 Telum, quod insedit medullis
 Iam penitus teneris ab annis.
 Sic quondam Erichthei filia coniugis
 Hærebat ardor pectoribus sui
 Semper, nec unquam corde Procrin
 Aeolides Cephalus mouebat.
 Quauis Himeti uertice dum feros
 Sectatur Apros, hunc male cognitum
 Aurora, quadrigisq; raptum
 In Gremio roseo Foueret;

AD IOANNEM REGIVM.

ODE. XV.

Aepius Regi ueneratus æqua

p ii

C A R M .

M ente cœlestes precor , ut Benignum
H unc diu uobis Dominum secundo
Sydere seruent .

M ox ut illius meritis honores
D ebitos spectent semel , et fideli
L ancis æquata Trutina laborum
Præmia librent .

N am quis , ut nosti , melius tot annos
R es piæ tantas fidei peregit ?
D um Patris summi Venetas ad oras
Nomine degit .

M itto quot Romæ uaria negotii
S orte distractus tulerit , referre .
S ine quæ quondam residens Hiberis
Vrbibus egit .

E t tamen cessant Homines benigne ,
Quæ satis nunquam ualeant merenti ,
R eddere , Ingratum genus , atq; iniqua
Mente ferendum .

A uguror sed iam prope tempus esse ,
S i mouet ueris mihi Phœbus ora ,
Q uo moræ hos tantæ pudeat , inuetq;
Damna rependi .

N anq; Iam pastor sapiens propinquat ,
Q ui sacro longe remouens ouili
D esides , large pecus omne pascet
Frugiferentum :

AD

LIB. II.

AD INGENVOS ET DOCILES
ADOLESCENTES SVOS.

ODE. XVI.

Vam uirtus nihil ardui
q Præstet: ueridico discite Carmine:
Quod nunc Pieridum sacris
Vates ex Adytis profero uirginum.
H æc Fati horribilem metum
Instantis minuit: sternitur huic dolor:
H ac uincit labor omnia:
Nec feruens refugit tundere uiuidum
H ydræ multiplicis caput:
Sed qua se innumeris anguib. impeti
S entit: qui prope pullulant:
Hac instat penitus parte ferocior,
D onec iam fera sæpius
Victrix Herculeis concidat ictibus.
S ic uos o Iuuenes mihi
Intentis operam nunc date uiribus,
E t gratam sibi singuli
Partem Viperei uerticis amputent.
H ic Vatis subeat uicem,
Primas Syderei muneris occupans.
A lter Rhetoris impleat
Humano officium quolibet altius.
N ec qui lucida Sydera

p iii

C A R M .

Solers inspiciat, desit : at huc quoq;
Causas cum speculabitur,
Hæc ad perueniat Munera particeps .
Recta pergite semita
Hac omnes igitur, Dux ego sedulus
Vobis non abero uspiam,
Quo uirtus Hilares unica Duxerit ;

CRETICVM CAMERTEM HOR-
TATVR, VT IN PATRIAM
redeat post perpeſſos multos labores,
dum utranq; linguam, ac di-
ſciplinas perdiſcit .

ODE . XVII .

Ebus hærendo propius, quid ipſæ
P olleant intus ſapiens futurus
Diſcat, et vires utriusq; linguæ
Calleat, optas .
Quæ tibi quondam ratio ut ſuborta eſt,
T um truces audes Pelagi procellas
T emnere, et Graias ſitibundus urbes
Pergis adire .
A tq; iam dula patria remotus
H ic uolens ſeptem remorariſ Annos,
V nde quæſitum meritis reportas
Creticæ Nomen .

Inde

LIB. II.

I nde sermonum rediens honestus
 D otibus, doctos Patavi recessus,
 E t penum rerum cupido beatam
 Pectore quæris.
 C uius ut fias satur, ecce rursus
 H ic tibi externa est domus, inq; cursus
 A lteros septem melioris Aevi
 Ducatur Aetas.
 E rgo iam plenus, patriæ ne curam
 F orsan induces Animo? et subibit
 I am tibi grato locus, unde primos
 Sumpseris ortus?
 H ic suo nam te sibi iure sancta
 A sserens dextra reuocat, quid ultra
 T endis? incassum properas, et is hic
 Terminus hæret.
 D ulcibus sic dum teneor potentum
 I pse Musarum studiis, et otii
 D ebitus dudum patriæ duo bis
 Lustra reposcor,
 H ic ubi lenum latus Urbis urgens
 F ertur amœnæ prope littus oræ
 C æsarum subter monumenta leni
 Ariminus unda;

CARM.

AD NICOLAUM PASSERUM
DE THEODORO GAZA.

ODE. XVIII.

Oc quodcunq; uides, undiq; si caput
h Electas, Sydereo uertice contegi,
Parcarum tenet arcto
Nodo serua necessitas.
Nam qua Romulidas Albula perfluit,
Illum, quem totiens laudibus omnium
Miramur, Theodorum
Audire hic memini senem.
Is rerum mihi tum perpetuis pares
Causas principiis dicere, sic nihil
Fati sorte potentis
Immune esse, sed omnia
Aeternis superum obnoxia legibus.
Hinc solis uarios, et Triviae graues
Defectus, et olympo
Certas Syderibus uias.
Hinc quæ terribili sæua Iouis manu
Mittantur pluuia grandine fulmina,
Terrarumq; tremorem, et
Nautis exitium insciis
Incertis tumidum temporibus mare.
Hæc nanq; Aetherio mentis ab halitu
Diuinæ intus habere

Infusum

LIB. II.

Infusum, atq; per arduam
Molem sese agitantem undiq; spiritum,
 Aiebat: tenues unde animantibus
 Vitæ, quæq; sub altum
 Marmor, quæq; uel Aetheris,
Vel terræ uario munere nescimur.
 Quin inde ingenio, qua sapimus, Deum
 Ipsorum quoq; puram
 Nobis particulam dari,
 Quæ quondam in numerum syderis artubus
 Terrenis resoluta euolet, et sua
 Cœli parte residat
 Simplex, nec tenebris, neq;
Iam tunc corporeo subdita carceri.
 Sic nobis liquido Passere flumine
 Verborum ille solebat
 Qui iam coelicola ante, quam
Humanum et male mortalibus additum
 Torporem exueret, continue tamen
 Versabatur in ipsis
 Terris sydereum decus;

CLYCIE AD SOLEM, SED ME-
 TAPHORICE AD MVSAM.

ODE. XIX.

¶ Ertimur quo tu sacra lux perennet

CARM.

D uceris cursu, sequimurq; cunctis
P enè momentis, tua dum renident
Lumina terris.

E t tuos, donec superis aberras,
N octe, quam longa est, reditus moratæ,
M ane mox omnes iterum ad beatos
Flectimur Ortus.

V nde quod passis foliis uiremus,
Q uod comam grate uiolæ rubentis
A emulam passim gerimus, quod ipsæ
Vinimus abs te

P rouenit, quæ nos radiis superne
S uscitas tantis, et humo refotas
Q uantulas parua prohibes Iacentis
V na perire.

FINIS.

IOANNIS AVRELII AVGVREL
LI LIBELLVS IAMBI-
CVS SVPERAD
DITVS.

ADMVSAS ACCEPTVM EIS RE-
FERRE SOLIS, QVOD GRAN-
DIVS NESCIO QVID LV
SVRVS SIT.

CARMEN. I.

p Implæus hic est collis? hunc
dulcēs habent
Passim Camœnæ? Phœbus hunc
lubens petit?
Cum ponit arcum, cum Lyræ
manu caput?

Huc me quis ergo duxit? huc quo tramite
Pedem beatus intuli?

*v*lli ne quicquam contigit felicius?
Quam sub uirente semper hac Lauru, sub hac
Pinu, uel intra myrteum hoc ferri nemus?
Vel ad scitantis puriter Lymphæ caput
Huius sedere fessulum?

Quis ò canoras ocyus mihi fides
Ferat? quis hic me cœpit ultro spiritus?
Auet latente mens furore percita,

IAMBICVS.

*Sequensq; gestit os, manusq; grandius
Nec usitatum ludere.*

*Duxistis hæc in alta uos me culmina
Musæ: rigastis ora uos puris mihi
Vndis: refectumq; excitastis optima:
Accepta uobis quæ frequenter unicus
Referre par est omnia;*

AD IVLIVM · II · PONTIFICEM
MAX · IN COMMUNI

*Omnium summi eiusdem
Pontificatus plausu
Gratulatio.*

CARMEN · II ·

*Ecunde Iuli potifex sanctissime,
Optate cunctis gentibus diu pater,
Electe summo nunc iubente cœlitum,
Patrumq; uotis omnium fauentibus,
Iam quisq; pro se gratulantes offerunt
Tibi, quod esse deditæ signum queat
Mentis · Potentes urbium uolentium,
Rerumq; firma publicarum pectora
Legationibus datis frequentibus
Spondent, fidemq; dedicant læti suam:
Tanquam daturi prodeant maius nihil.
At qui minori sorte uictum temperant,*

LIBER.

Omnes opellam pollicentur uberem,
 Præstare qualem diligens uirtus potest:
 Quos ut tuorum scripseris semel gregi,
 Dignere læto contueri lumine.
 Spe cuius ultro motus ipse gratiæ
 Ausim reposti collis ad cacumina
 Repens anhelans ac laborans tendere.
 Vbi sorores floribus sertum nouem
 Texunt micantibus, æmulisq; syderum:
 Quod inde mecum deferens tibi sacrum
 Pergam superbis dedicare postibus
 Templi, quod ulnis sustines unus tuis.
 Ne prorsus ergo seduli munusculum
 Vatis, pusillum sit licet, despexeris.
 Nec ille nanq; cuius hic uicem geris,
 Rerum supernus fabricator omnium
 Terris inhabitans paruulos contempserat;

IN EODEM PLAVSV. CESSATV
 RAM SYDERVM MALIGNI

*tatem, quam Vates minantur,
 Principis pii guber
 natione.*

CARMEN EX SOLIS IAMBIS.
 III.

m Inantur Astra quid tot imminetia?

IAMBICVS.

Famem' ne, Bellá ue, aërem' ue morbidum?
 An esse cuncta sic maligna credimus?
 Vt ulla prorsus haud queat benignitas
 Iouis innare, uel fauere Cypridis?
 Nihilq; coetus orbis addet ultimi
 Fauoris? atq; nos relinquet inuidens
 Fauentium illa uis suprema syderum?
 Quid heu cauere cogitent homunculi,
 Quod imminere fata cuncta destinent?
 Dedit sed ipse Principem Polus pius:
 Secusq; forte res minata habebitur.
 Eo ferentur imperante rectius
 Iniquitate siqua uicta temporum
 Gradu labare de priore Cœperant.
 Eo regetur imperante iustus
 Id omne, cuius ipse iam potens, tenet
 Vicem suapte ui mouentis omnia.
 Redibit ergo seculum, quod antea
 Semel fuisse fabulantur Aureum.
 Vigebit omne protinus bonum: simul
 Scelus potenter æquitas fugauerit:
 Nec ulla nos tot impiis pios malis
 Premet leuata syderum malignitas;

LIBER.

IN EODEM PLAVSV: SPERAN

*dum esse bonis omnibus omnia in melius
cessura sub frugifera almi
Principis quercu.*

CARMEN. IIII.

Vid non sub almo iam decebit Principe
q Sperare uos omnes bonos?
Sperate uestris apta uotis omnia
Iam iam futura proxime.
Virtus aperte uestra fiet amplior.
Crescent uicissim præmia.
Prostrata passim prauitas calcabitur.
Pœnæ sequentur crimina.
Vt Roma prisca restituta moribus
Caput decenter efferet,
Orbis uerendum semper, et summum caput,
Fidei Caput sanctissimæ,
Exemplar huius prosequantur cæteri
Quacunq; parte Principes.
Horumq; tales protinus Cives erunt,
Quales et ipsi principes.
Gaudete honestis qui ualeatis artibus,
Nec iam labori parcite.
Merces abunde præparatur omnibus
Hoc sub patente robore.
Hæc quercus olim pauperat sub altero

I AMBICVS.

Pastore non paruum gregem.
 A t ipsa eundem pullulantis ambitu
 Maiore nutrit Pabuli.
 C reuere Rami, creuit et stipes, diu
 Cultore cultus sedulo:
 C uius supremo defluet cacumine
 Optata pax mortalibus.
 V escentur omnes glande, qua quondam ferunt
 Auctum sub Auro Seculum;

IN EODEM PLAVSV: AD CIPPI-
 CVM IADRIENSEM PRAESV-
 LEM GRATVLATIO.

CARMEN. V.

Am longa quanuis attulit secum dies
 i Obluionem saepe rerum desiderem
 Antistes alme, uirq; quam doctissime,
 Tui memoria pertinax semper tamen
 Mihi resedit sede mentis intima.
 Vt flore quondam te inuenta in optimo
 Vigere studiis litterarum uidimus.
 Ac dehinc honesta prosequente maximos
 Et liberali seruitute Principes:
 Vt mox adeptum te breui, percepimus,
 O pes, honores, ac laborum praemia.
 Tum gratulabar, sed tacens tamen, tibi:

Bonus

LIBER.

Bonīs quod ultro sic fauerent sydera .
At nunc quid unus maximus in omnium
Tacere possim plausibus ? cum proxime
Tuus supremum Principum Princeps Decus
Domum reuertens expetitus omnibus
Insedit alto Principatus culmine :
Cui Christiana pareat Res publica :
Et Roma sanctum proferat uetus caput .
Frequensq; ad inferos Manus quiritem
Fama locati tam decenter muneris
Non usitato perfruantur gaudio .
At qui supernas incolæ sedes tenent ,
Nobis fauere iam libenter annuant :
Quod rite ducti legibus , tandem bono
Bonī uolentes degimus sub Principe ;

IN EODEM PLAVSV : TRES SUM
MAS VIRTUTES AD TRIUM
phum inuitat, quo uincula prauitatis
iniiciuntur, atq; eadem in
seruitutem deducitur .

CARMEN EX SOLIS IAMBIS .
VI .

Ereia ueste candida nitens ueni
Piis uocata supplicum fides modis :
Opem tuis fer , ac tuere deditos

IAMBICVS

Tibi benigna : Caritasq; prodeas
 Simul calente prosecuta spiritu .
 Nec excitata spes moreris amplius :
 Tuo sed ipsa cæteras gradu premas .
 Triumphus eæ iam paratur elegans
 Quibusq; , uestra qui instituta diligunt :
 Sequetur omnis hunc chorus fidelium :
 Amantium omnis , omnis et fouentium
 Cor insidente spe : sequetur expetens
 Honesti quisquis improbum scelus fugat .
 Trophæi at ipse Pontifex uidebitur
 Locum tenere , parte qua micans Decus
 Honore complet omnium grauissimo .
 Virensq; laurus ac olina uertici
 Sacro reuincta gloriæ satis datum
 Superq; prorsus approbabit omnibus .
 Dolusq; frausq; prauitasq; uincula
 Ferent , et ante currum agentur , et graui
 Prementur usq; seruitute pessima ;

AD · IV · LIVM · II · PONT · MAX · IN
 eodem plausu , summopere letari : ut opina =
 tur , Venetum Senatum , qui ita summæ se =
 di optat præstantiss · Principem , ut eius se
 dis protector extitit semper summus .

CARMEN VII .

I Egere Patres Maximum boni Patrem :
 Qualem

LIBER.

Qualem uolebat optimus legi quisq; :
 Qui pace primum candida suos donet ,
 Ut ille quondam , cuius is uices implet ,
 Pacem reliquit , dum polum subit , terris .
 Restinguat et qui Principum grauis iras
 Diri tumultum próterens ferum Martis ,
 Ac triste det quo turpiter Scelus terga :
 Simulq; læta proferat caput Virtus .
 Quauisq; (ut aiunt) Syderum minis cuncta
 Feruent , quibus iam exhorret et pauet Mundus :
 Huic fata prorsus attamen statim cedant ,
 Prudentis est uis si potens magis fato .
 Diuina nanq; cæteris Dei Cultor
 Præfert , adorat et ueretur imprimis ,
 Mortaliumq; deinde res habet curæ .
 Et dexter æqua ponderans librat lance :
 Qui Christianæ publicæ rei præest ,
 Consentientibus ita nunc bonis cunctis .
 Et qui priorum memoriam nouans Patrum
 Nuper secundus Iulio quidem Magno
 Illi decæter additur pater summus .
 Honoribus complectitur bonos Iustus .
 Omnesq; caritate curat æquali .
 sed nec fatigatur labore , nec cessat ,
 Vbi facultas , quo iunct suos , detur :
 Patris magis quam Principis putans nomen
 Decere se , qui Principum sedet princeps .
 Nec imperare gratia sui , præ se

IAMBICVS.

Fert ille, sed sic omnium, ut sui nunquam
 Sit mentio, uel parua, sed gregis lecti,
 Cuius fauente Pastor est datus cælo.
 Reuerentiam inde non metum suis affert,
 Ut qui colatur unice, nec optetur
 Vllus magis, qui sospes ac diu præsit.
 In ore simplex, Regum decus, semper
 Est ueritas illi, oris et lepor purus.
 At fraus abest, abest et astus, in quarum
 Vicem una Prudentia facessere has cogit:
 Seruilem ut alteram, alteram ut malā trudens.
 Hæc eruditio omnia excolit mira:
 Certusq; rerum ac multus omnium sensus:
 Innata quando uis calescit, et mentis
 Doctrina uires interim mouet sacræ.
 Est huius etenim generis hoc quidem munus:
 Iam seminarium unde pullulat densum
 Antistitum atq; præsidum uirum semper.
 Hinc ille, reliquos ne simul tot attingam,
 Qui iam beatæ dirigens Ratis clauum
 Hæreditario innuit Catus iure
 Deberi hunc olim Pontifex tibi summe,
 Quem tu regendum assumeres, et hærentem
 Iam penè scopulis turbidi maris cymbam
 Potente dextra demeres: et in tutum
 Tandem reducens sisteres diu portum.
 Hinc gratulantes est uidere sic passim
 Cuiusq; cunctos ordinis, uelut quale

Aetate

LIBER.

Aetate nostra gaudium fuit nullum.
 Sed nullus æque, opinor, est tamen lætus:
 Quantum Senatus Adria potens gaudet.
 Qui sic supremæ Principem cupit Sedi
 Adesse iustum prouidum grauem summum,
 Qualem uel nunc te multiplex dedit Virtus:
 Ut ipse semper illius fuit constans
 Fortisq; et acer fautor, ac erit præsens
 Protector usq; pro suo in Deum cultu;

IN EODEM PLAVSV: RESISTI

Posse fato Prudentia Principis,
 siquid sydera, ut Vates
 ferunt, minantur.

CARMEN. VIII.

Alete pestes intimæ mortalium
 u Extrema uitæ Fraus scelusq; vulnera.
 Abite cuncta maximam in malâ crucē.
 Redite uirtus ac honestas prospero
 Gradu beatum centies consortium.
 O ne minentur amplius Vates male:
 Sæuere cessent iam maligna sydera.
 Quid tam scelestæ cœlites admisimus?
 Ut tot supersint iugibus malis mala?
 Non uestra iam nos respicit clementia?
 Quæ sola labe pro graui præponderet?

IAMBICVS.

Atqui fauendi spem dedistis optimam.
 Electione patris hac summi data:
 Qui dum gubernet, arce at nobis procul
 Quæcunq; ferre sors iniqua quiverit:
 Vt pastor æquus curat ac seruat gregem
 Sibi relictum, Dux ut abscedit prior.
 Lætentur omnes ergo, præsertim boni.
 Speret bonarum cultor omnis artium,
 Rerumq; cultus augeatur omnium.
 Iam cuncta nanq; prospere tanti dabit
 Fato resistens Principis Prudentia;

AD MVSAS: VENISSE SE PARVA
 Vrna ad hauriendas ex earum fonte
 Lymphas, quibus pro uirili sua
 imas partes crescentis
 quercus irriget.

CARMEN. IX.

Ouis puellæ, quæ profanum limpidis
 i Arcetis omne fontibus:
 Solosq; Vates haustibus tantis pios
 Frequenter huc admittitis,
 S acras adorans, si licet, Lymphas peto
 Arcta pudenter Vrnula:
 V t rore ad imas irrigem partis leui
 Crescentis alte Roboris.

LIBER.

Maiore summas abluent aspergine,
Qui flumina ipsa exhauriunt.
Vos forte ad umbram sedulus tantæ semel
Quercus Camœnæ uisero.
Ac inde pastum glande me pingui Domum
Remittet hæc benignitas,
Qua me fouetis semper, et uestro simul
Completis almæ spiritu;

AD PONTIFICEM.

h Aec tibi dudum reuerenter Alma
Pontifex tentis fidibus Camœna
Nescioquoddam meditata gessit
Ludere carmen,
Quod licet forsân minimum seueris
Auribus par sit, tamen iis lenamen
Mentis haud ab re fuerit Iocosis
Sumere rebus,
Atq; nonnunquam uariante crebris
Eximi curis uice, dum laboras
Pondere ex tanto super ipse sancta
Religione.

q iiii

V t solet nusquam renuisse nidos
 D iues in summis Domibus lacunar,
 Quos humo fingens modica sub illis
 Aptat Hirundo,
 S ic grauis laudum tua tot supellex
 H aud opes Vatis tenues pusilli
 S pernat, admittens operosa promptæ
 Munera uocis,
 Quæ, uelut magnos studiosa quondam
 C ura formicæ cumulos oberrat,
 M ox cauo lecti sibi farris arcto
 Condit Aceruum,
 L æta sic Campos tua per patentis
 Quæq; delibans benefacta passim,
 V t potest, solers opus hoc ad unum
 Vndiq; confert.
 N on enim uox hæc aliò secat Spem
 C redula, Spem, quæ miseros abunde
 S ola mortales fouet, et fouebit
 Tempus in omne,
 V na de cunctis simul ac in imo
 P yxidis fundo residens inhæsit,
 O mne dum uirus scelerum ac laborum
 Spargitur orbi.
 O uigil semper nimium Promethen,
 Qui Iouis munus sapiens, et ipsum
 N uncium, quanuis facilem puellam,
 Te procul aufers.

Nec

N ec finis nos ut minimo coacta
V ase perturbet Series malorum,
I llud imprudens nisi frater ægra
 Mente recludat.
O leui quantum fatuoq; semper
P restitit prudens, quid enim relictum
I am foret nobis? nisi blanda nunc spes
 Vna supersit.
S iue sic Diui uoluere, siue
R estitit casu, tamen hæc aperto
C alle Mortalem poterat soluta
 Linquere Coetum.
N unc iter quando miserans morata est,
S iue quis Lætum cupiat quid: Vllo
S en metu tristi teneatur, Acrem
 Siue dolorem
P erferat quisquam, uario medetur
O mnibus cultu, modo mox putemus
C uncta præsentī meliora cursu
 Affore nobis.
Quin et iis, Quorum superi benignæ
S umma Fortunæ propius tuentur,
S pondet hæc, quanquam nihil ipsa possit
 Addere maius.
S ed nihil tandem magis, ac inanes
A rte solatur propria labores,
D ulcibus docta illecebris opertum
 Ducere finem.

Hæc mihi primum facilis, fauensq;
Sua sit, ut parnam tibi iam dicarem
Hanc Lyram, et siquid foret huius unquam
Nobile uocis.

Hæc per accliuem tenuemq; raptans
Semitam, ascensuq; trahens Anhelum,
Alta Parnassi superare cogit
Culmina collis.

Hæc alit vires, quibus et minutos
Spernerem riuos, et auens adire
Te mihi plenum auxiliante fontem
Niterer uno;

AD BARTHOLOMAEVM AGO=
LANTVM TARVISINVM,
VTHOS, QVOS SECVM
VENETIAS FERT, LI
BELLOS ACCVRA
TISSIME IMPRI
mendos Curet.

Ers tecum studiose meos Agolante
f Libellos:
Esse loco Fratrum tibi quos haud
haesito, quando

Es mihi tu Nati, Necnon me sæpe Parentis
Nomine dignaris: sunt at mihi mente Libelli
Hi Geniti, patrio quos & complector Amore.

S edulus his igitur Custos hærebis, Opinor.
A c nequa titubent illi, curabis abunde:
V t nihil admittant delebile, nil ue relinquane
Q uod cultus, quod longa Dies, quod gratia præstet.
O fficio sed cum fueris me hoc ipse secutus,
M unera restituent olim tibi grata Minores.
N am cum peruenies, quo te nunc semita ducit,
L aurigeri qua tendit iter sub culmina collis,
H ic fas Aonidum tibi erit secreta tueri
A ntra procul primum Viridi arcundata Musco.
D ehinc Lauri Baccas inter, stissosq; Corymbos
H æc eadem Phæbi coetu spectante subibis.
Q uin admiranti tibi præcinet una Sororum
C armina, quæ quondã Calamis cū Lusere ipse,
Q uem mihi tu, tibi mox ætas præstabit honorem;

FINIS

5818128

a b c d e f g h i k l m n o p q

Omnes Quaterniones.

VENETIIS IN AEDIBVS ALDI
MENSE APRILI. M.D.V.



